

濬
郡
舊
聞
上
冊

100.1100.39
1324

圖
整
庫

序

潞安居上黨之中自漢以後爲大郡凡山川形勝文物典章經史所載百家傳記所書者何可勝述然一郡文獻而散見於汗牛充棟之傳記孰能卒讀而默識之黎城靳价人先生敦學不倦博極羣書清乾隆間以名進士服官豫直所至表彰前賢激勵後進不遺餘力其於桑梓文獻尤所留心謂足備志乘之選而供尙論之資也恒就耳目所及隨時筆之於書輯成潞郡舊聞四卷曰疆域曰人物曰藝文曰軼事旁引曲証不厭求詳舉史集所載萃於一帙

序

意甚善也昔孔子集羣聖之大成自謂述而不作司馬溫公編歷代史爲通鑑後世奉爲津梁先生是編雖述諸舊聞後學得視之闔郡數千百年之獻典如覩掌紋其獲益豈淺鮮哉先生著有吳詩集覽四十卷談藪二卷綠溪語六種及詩古文雜著等書久已刊行而吳詩集覽尤爲膾炙人口獨是編向未付梓得見者鮮客歲喬君仲栢奉令考查風俗於黎城求得原本其藝文一卷業已散失無存余慮其久而淹也因付剞劂藉廣流傳雖抱璞不完難覓全豹然古人斷簡殘字得之尙可寶貴是編猶洋洋數十

萬言亦足以饜讀者之心乎爰掇數語以誌梗概中華民國十三年國慶日後學高洪序

序

二

郡守靳綠溪先生事略

榆次常贊春撰

先生諱榮藩字价人號綠溪黎城人父尙端雍正甲辰舉人官浦江令請改忻州學正先生生而左手四指歧生性穎敏嗜學博覽強記尤邃於史事爲文詩有先正矩度年十七童試縣府俱第一爲諸生十九舉乾隆甲子科乙丑會試中明通榜戊辰成進士用知縣辛未父卒丁丑選廣東瓊山以母老請改近授河南新蔡先生抵任值歲祲縣治之暇究心荒政諸書凡便民者無不興舉賑貸必躬親監視民得全活甚衆己卯充河南鄉試房考校藝詳慎即

事略

黜落者終卷點勘評隲悉允時朱文正珪典試事稱先生學優心下始終不苟明年又充恩科房考先後有得士名尋母卒歸喪葬準古禮又置祭田以祠其宗服闋乙酉選授直隸龍門縣未幾調遷安時車徭失均訟久未結先生援舊案旗三民七之制明著爲令民乃協服官事均治己丑擢蔚州知州先生首建文蔚書院以教士繼興水利引西來晉域諸水以溉田若干頃州西有暖泉堡者南多灘磧夏秋水漲注匯廣靈之嘔夷川往往漂蕩田廬居民患苦向築土壩時有坍塌之虞先生親行相度督民鑿近

山石塊築之當衝要廣三百一十丈高九尺有奇左右仍
聯綴土壩以省事便民功竣民美之曰是靳公隄也先生
辭不居署石保障二字戊戌擢知遵化直隸州均有聲績
癸卯授大名府知府甲辰卒年五十九歲先生性樸訥持
身儉素美鬚眉氣充溢幼績學居官無間能以經術文教
佐吏治不汲汲於聽斷沽名一以悃愾培元氣遇先賢故
蹟宅墓等無不表彰士女之奇節異行者或請於大府聞
之朝或爲詩歌及文以爲揚詡服官二十餘年皆能得民
心遺去思又熟於明季清初事注吳祭酒偉業詩四十卷
事略

名吳詩集覽別摘異聞別解爲談藪二卷海內稱梅村功
臣爲讀吳詩之最精本自著有綠溪語六種及綠溪詩古
文雜著均版行於世

潞郡舊聞

潞安古上黨郡經史子集所載足備志乘者多矣泛觀諸書隨紀所聞以爲表章文獻者之一助云疆域一人物二軼事三乾隆三十九年闕逢敦牂秋七月靳榮藩介人書疆域

天文所以分野而山川在疆域之中故以疆域統焉曆代分合不一茲就所見者列於左

〔周官〕大司徒以土宜之瀆辨十有二土之名物以相民宅而知其利害

疆域 天文

〔左傳〕昭公元年子產曰昔高辛氏有二子伯曰閼伯季曰實沈居於曠林不相能也后帝不臧遷閼伯於商邱主辰故辰爲商星遷實沈於大夏主參故參爲晉星

〔賈公彥疏〕大梁趙也實沈晉也

〔杜預注〕高辛帝嚳后帝堯也大夏今晉陽縣

〔按〕杜注主祀林堯叟曰參水星也主祀參星而左傳又謂實沈參神豈自主其祀乎抑先有實沈而後有參之神乎左傳又謂將與之唐屬諸參林堯叟曰屬諸參星之分野此語最明

〔陸德明音義〕叔虞封唐侯子燮父改爲晉侯

〔國語〕實沈之虛晉人是居

〔史記天官書〕參爲白虎

〔張守節正義〕觜三星參三星外四星爲實沈於辰在申魏之分野爲白虎形也

〔天官書〕昴畢冀州觜觶參益州

〔正義〕括地志云漢武帝置十三州改梁州爲益州廣漢廣漢今益州咎縣是也分今河內上黨雲中然按星經益州魏地畢觜參之分今河內上黨雲中是未詳也

疆域 天文

二

〔按〕正義此條未甚明了廣漢在成都府之漢州而咎縣則無可考

〔天官書〕二十八舍主十二州

〔正義〕星經云昴畢趙之分野冀州畢觜參魏之分野益州

〔春秋元命苞〕參伐流爲益州益之爲言阨也言其所
在之地險阨也一曰疆壤益大故以名焉非今之西蜀
益州也

〔劉熙釋名〕益阨也所在之地險阨也

〔按〕各州皆用禹貢周官而梁之爲益獨取險阨之義似爲不倫

〔史記正義論例〕趙地昴畢之分壅趙分晉西有太原定襄雲中五原上黨

〔漢書天文志〕昴畢冀州觜觶參益州

〔漢書地理志〕魏地觜觶參之分野也河東土地平易有鹽鐵之饒本唐堯所居詩風唐魏之國也唐有晉水及叔虞子燮爲晉侯故參爲晉星韓地角亢氏之分野也及詩風陳鄭之國與韓同星分爲趙地昴畢之分壅趙分晉西

疆域 天文

三

有太原定襄雲中五原上黨上黨本韓之別郡也遠韓近趙後卒降趙皆趙分也

〔晉書天文志〕自胃七度至畢十一度爲大梁於辰在酉趙之分野屬冀州自畢十二度至東井十五度爲實沈於辰在申魏之分野屬益州

〔又曰〕昴畢趙冀州觜參魏益州

〔又曰〕東井輿鬼秦雍州雲中入東井一度定襄入東井入度鴈門入東井十六度代郡入東井二十八度太原入東井二十九度上黨入輿鬼二度

〔按〕此條所列其地皆隸山西然不曰韓趙而曰秦不曰冀而曰雍俱不可解鄭樵通志馬端臨文獻通考皆全錄之又謂陳卓范蠡鬼谷先生張良諸葛亮譙周京房張衡並云昴畢趙冀州皆參魏益州是昴畢皆參俱無上黨躔次然皆參條下所列廣漢越雋等地皆隸今四川惟漢中隸陝西而亦與四川接壤未聞益州之屬魏也魏益州不可解又陳卓者晉天文志以爲魏史令隋天文志以爲吳太史令而以冠於范蠡鬼谷漢諸人之上諸葛譙周列於張衡之前

疆域

天文

四

亦不可解然魏益州之說不起於晉漢張衡傳已有元命包蓋卽元命苞以益爲險阨之義實昉乎此漢天文志崙觸參益州而地理志以崙觸參爲魏之分野晉以後書遂因襲用之其辨非四川則正義之語惟是正義旣引括地志漢武帝改梁州爲益州則益州之爲四川已自了然魏豈能越秦而有之強地理以就天文則不如闕文之爲得也

〔後漢書天文志注〕玉衡第九星主并州常以五申日候之甲申爲五原鴈門丙申爲朔方雲中戊申爲西河庚申

爲太原定襄壬申爲上黨凡八郡

〔書〕覃懷底績至于衡漳

〔孔安國傳〕覃懷近河地名漳水橫流入河從覃懷致功至橫漳

〔孔穎達疏〕衡即古橫字漳水橫流入河故云橫漳漳在懷北五百餘里從覃懷致功而北至橫漳也地理志云清漳水出上黨沾縣大黽谷東北至渤海阜城縣入河過郡五行千六百八十里此沾縣因水爲名志又云沾水出壺關志又云濁漳水出長子縣東至鄴縣入清

疆域 山川



五

漳鄭元亦云橫漳漳水橫流王肅云衡漳二水名

〔按〕二水之說非也史記索隱據之以駭孔疏清漳與濁漳爲二非衡與漳爲二也史記夏本紀作覃懷致功漢書地理志作至于衡章

〔胡渭禹貢錐指〕曾氏曰覃懷平地也當在孟津之東太行之西懷襄之時平地致功爲難故曰底績河自大徑折而北流漳水東流注之地形南北爲從東西爲橫河北流而漳東流則河從而漳橫矣

又曰渭按懷縣故城在今河南懷慶府武陟縣西衡漳

一名降水其入河在今直隸廣平府肥鄉曲周二縣界
經所謂北過降水者也覃懷底績則孟津洛汭之河治
矣至于衡漳則自大伾引河北載之高地與降水會衡
漳治而中間大小諸水亦無不治矣禹治冀至此太原
衡漳之南南河之北西河之東東河之西水土悉平可
以則壤而成賦矣

又曰水經注濁漳水出上黨長子縣西發鳩山漢志云出鹿谷山淮

南子云出發苞山後魏志云出廉山蓋皆發鳩之異名也東過其縣南今山西潞安府長子縣西有長子故城又東逕

屯留縣南屈逕其城東絳水注之屯留本春秋晉純留邑漢置屯留縣其故城在今縣東南十三

疆域 山川

里屯讀曰純又東逕壺關縣北今長治縣東南有壺關故城又東北逕潞縣北

闕翻曰有潞水為冀州浸即漳水也故世人亦謂濁漳為潞水今潞城縣西有潞縣故城又東逕武安縣南今彰德府武安縣西

南有武安故城清漳水自涉縣東南來注之謂之交漳口清漳水出上黨沾縣

西北少山大阻谷今涉縣西北有涉縣故城又東出山逕鄴縣西又東逕三戶津

孟康曰三戶津在鄴西四十里今臨漳縣西有鄴縣故城又東逕武城南司馬彪曰鄴縣有武城又東逕梁

期城南地里風俗記曰鄴北五十里有梁期城故縣也又東逕平陽城北司馬彪曰鄴有平陽城又

東逕斥邱縣北即裴縣南今成安縣西有斥邱故城春秋晉乾侯邑裴音非應劭曰列人縣西南六十里有即

裴城故縣也又東北逕列人縣故城南城在今肥鄉縣北又東逕肥鄉縣

故城北城在今縣西二十二里又東北逕斥漳縣南今曲周縣東有斥漳故城尚書

所謂覃懷底績至于衡漳者也。渭按漢志鄴縣東有故大河北入海，又廣平斥章縣注應劭曰：漳水出治北入河。通典云：衡漳入河在肥鄉縣界。蓋河由鄴東而北，漳從鄴北橫流至肥鄉，斥章二縣界入河。故酈氏以爲禹貢之衡漳也。以今輿地言之，濁漳水出山西長子縣發鳩山，縣在潞安府西，少南五十里。東流經長治縣西，又東北經屯留潞城，襄垣、黎城、平順，又東經河南林縣，至涉縣東南清漳水注之。清漳出山西樂平縣沾嶺，縣在太原府平定州東南五十里，縣西南有沾縣故城。南流經和順、遼州、黎城，又東經河南林縣，至涉縣與濁

疆域 山川

七

漳合流東經安陽

彰德府治

臨漳

在府東北八十里

又東北經直隸成

安縣

在廣平府西，南六十里

入肥鄉、曲周二縣界

肥鄉在府東南四十里，曲周在府東北四十里禹

貢之漳降盡於此矣。水經注所敘自平恩以下曰漳曰絳，皆後起之名，非禹貢之漳降也。

又曰：蔡傳按桑欽云：二漳異源而下流相合同歸于海。唐人亦言漳水能獨達于海，請以爲瀆而不云入河者，蓋禹導河自降水大陸，至碣石東北入海。周定王五年，徙矜磔則漸遷而東。漢初漳猶入河，其後河徙日東而去，漳水益遠。至欽時，河自大伾以下已非故道，而漳自

入海矣故欽與唐人所言者如此說本夏氏渭按水經或以

為漢桑欽作欽成帝時人河自大伾以下非故道即自

周定王五年始豈待漢成帝時哉且阜城以下之漳水

欽時猶為大河之經流漳未嘗自入海也河徙碯礫乃

無稽之談

又曰漳南河北五百里間有沆水出河東垣縣王屋山東南流至河內溫縣入河沁水

出上黨潞縣謁戾山南清水出河內修武縣黑山東淇水出河內隆慮縣沮洳山東流合

清水至魏郡內黃縣蕩水出河內蕩陰洹水出上黨長子縣洹山洹音桓蕩洹二水皆東流至內黃縣

入白諸川左右冀帶禹時並注于河亦猶河汾之間包

疆域 山川

有涑澮等水無論大小皆當盡力此濬吠澮距川之事

所謂滌源者也

〔書〕導河積石至于龍門南至于華陰東至于底柱又東

至于孟津東過洛汭至于大伾北過降水至于大陸又北

播為九河同為逆河入于海

〔疏〕正義曰地理志云降水在信都縣案班固漢書以

襄國為信都在大陸之南或降水發源在此下尾至今

之信都故得先過降水乃至大陸若其不爾則降水不

可知也鄭以降讀為降下江反聲轉為共河內共縣淇

水出焉東至魏郡黎陽縣入河北近降水也周時國於此地者惡言降水改謂之共此鄭胸臆不可從也

〔考證〕胡渭曰疏說非是襄國今邢臺絕無涿源臣召南按漢志上黨屯留縣桑欽言絳水出西南東入海即此文降水其水流入濁漳故先儒謂漳水即涿水也漢志又於信都國信都云故章河故虜沱河皆在北東入海禹貢絳水亦入海此則漢志已誤而孔疏本之

〔史記正義〕括地志云降水源出潞州屯留縣西南方東北流冀州入海

〔禹貢錐指〕宋張洎云降水即濁漳也字或作絳地理志上黨屯留縣下云桑欽言絳水出西南東入海酈道元引此文作入漳云絳水發源屯留下亂漳津與漳俱得通稱也通典云漳水橫流而入河在今廣平郡肥鄉縣界大陸地名見冀州河渠書云禹道河至于大伾以爲河所從來者高水湍悍難以行平地數爲敗乃厮二渠以引其河北載之高地過降水至于大陸二渠其一爲灤川自黎陽大伾山南東北流至千乘入海其一則河之經流自大伾山西南折而北爲宿胥口又東北逕

鄴縣東至列人斥章縣界合漳水是為北過降水

又曰襄國今為邢臺縣縣界絕無降源孔說非是酈注

濁漳引鄭尙書注言降水字不當作絳是也而讀降為

酈降于齊師之降以淇水為降水共城為降城則謬

又曰水經注濁漳水出上黨長子縣西發鳩山元和志云在縣西南

六十東逕長子縣故城南城在今縣西屈從縣東北流陶水注

之水自城北東注于漳又東逕屯留縣南又屈逕其城東東北流有

絳水注之絳水西出穀遠縣東發鳩之谷為濫水發鳩谷一

名盤秀嶺又名方山鹿山瀆盤石山後魏地形志藍水出寄氏縣盤秀嶺南北流入濁漳元和志絳水出屯留縣西南方山去縣八十四里寰宇記引冀州圖謂之鹿瀆

疆域 山川

十

山屯留新志盤秀山在縣西南九十里一名盤石山按漢志上黨有穀遠縣在今屯留縣界寄氏故城在縣西南七十里藍水即濫水絳水之上源也或分藍絳為二水謂蓋出其陽絳出其陰非是東逕屯留縣故城南東北流入于漳故桑欽

云絳水出屯留西南東入漳也地形志屯留縣絳水自寄氏界來入濁漳因名交漳漳水

又東陳水注之水出西發鳩山東注于漳漳水又東北逕壺關縣故城

西縣有壺口關今在黎城縣東北太行山上屈逕其北城歷鹿臺山與銅鞮水台

元和志鹿臺山在襄垣縣南二十里濁漳水在縣南二十一里又東逕襄垣縣故城南城在今縣北又

東北逕潞縣北元和志漳水一名潞水在潞城縣北又東北逕望夫山涅水注

之山在今黎城縣東北元和志清漳水在黎城縣東北五十里濁漳水在縣西北五十六里又東逕碯陽城北倉

石水入焉水出林慮縣東北流至碯陽城東而北注于漳按碯陽城在今林慮縣北八十里又東逕武安縣

清漳水自涉縣東南來注之世謂之交漳口元和志清漳水一名涉河在涉

縣南又東出山逕鄴縣西故鄴城在今臨漳縣西可四十里西接林縣界有太行林慮倚陽人平諸山漳水之所經也

又東逕三戶津在故鄴城西四十里又東逕武城南故鄴城北漳水上有講武城曹操所築蓋即此

也又東北逕西門豹祠前昔魏文侯以西門豹為鄴令引漳水以溉鄴民賴其用其後魏襄王以史起為

鄴令又堰水以溉鄴田感成沃壤百姓歌之又北逕祭陌西西門豹沉巫處田融以為紫陌在故鄴城西北五里又東

逕梁期城南城在故鄴城北五十里又逕平陽城北括地志云臨漳縣西二十五里有平陽故城

又東右逕斥邱縣北即裴縣故城南元和志成安縣濁漳水西自溢陽縣界流入斥邱故

城在縣東南三十里又東北逕列人縣故城南右合白渠故瀆白渠水出魏郡

武安縣東南流逕肥鄉縣故城北又逕列人右會漳津今無水地理志曰白渠東至列人入漳是也按肥鄉故城在今肥鄉縣西二十二里魏分邯鄲縣地置列人故城

疆域 山川

在縣北三十里列人堤上又東北逕斥漳縣南今曲周縣東有斥漳故城元和志漳水在曲周縣西二十九里尚

書所謂覃懷底績至于衡漳者也以今輿地言之屯留

壺關襄垣潞城黎城並屬山西林縣涉縣鄴縣並屬河南彰德府成

安肥鄉曲周並屬直隸廣平府界中皆禹貢降水之所經也

又曰漢志雜探古記故漳絳二水並存實一川也漳絳

本入河及河徙之後漳絳循河故道而下故酈元云水

流閼關所在著目信都復見絳名而東入于海也然漢

志信都之絳水則又有別志云故漳河在北東入海禹

貢絳水亦入海蓋縣北故漳即禹河之故道而絳水出

其南則漳水之徙流酈元所謂絳瀆者也濁漳注云漳

水自南宮縣故城西城在今縣西北又北絳瀆出焉今無水故

瀆東南逕九門城南城在今藁城縣西北二十五里又東南逕南宮城北

元和志絳水故瀆在南宮縣東南六里又東南逕繚城縣故城北十三州志曰經縣東五十里有繚城故縣

也按河水注云張甲河左瀆北逕經城東繚城西又逕南宮縣西又注絳瀆即此水也繚城在今南宮縣東南經城在今威縣北左逕安城

南故信都之安鄉也今在冀州東南又東北逕辟陽亭今冀州東南二十五里有辟陽故城又北逕

信都城東散入澤渚信都城即今冀州治西至于信都城句東連

于廣川縣之張甲故瀆同歸于海今藁強縣東三十里有廣川故城河水注云張甲河右瀆

自廣川縣東北逕其故城西又東北至修縣東會清河入漳修與穆同音條故地理志曰禹貢降水在信

疆域 山川

都東入于海也淇水注云清河東逕脩縣南又東北左與張甲屯絳故瀆合又東北逕東光會大河故瀆又東北逕南皮浮陽漳沱

別瀆注焉濁漳注云漳水會漳注別瀆又東北入清河又東北逕章武平舒入海此即信都絳水入海之道也蓋漢時信都之

漳水徙從其縣南故地志以此為絳水而目縣北之瀆

曰故漳河其後漳又復北道故水經叙漳水仍自信都

縣西東北過下博縣而酈元云絳瀆今無水唐人遂謂

之枯澤通典云清河郡經城縣界有枯澤渠北入信都

郡界是也此渠乃漳水一時之徙流漢志以為禹貢之

絳水大謬而杜佑據以分冀兗之界自後說經者動稱

枯澤以證導河之所過皆班固禹貢二字誤之也

〔一統志〕壺口山

在長治縣東南跨壺關縣界又名壺關山一名壺山通典壺口縣有壺山府志兩峯夾峙而中虛狀如壺口故名其

中古即縣治相近有龍溪山

〔禹貢錐指〕冀州有三壺口一在吉州西南禹貢之壺

口也一為汾陰縣西南之平山平水所出亦名壺口山

又名姑射山酈道元謬以為尙書之壺口一在長治縣

東南左傳哀四年齊國夏伐晉取壺口杜注潞縣東有

壺口關潞縣即今潞城縣關以山為名此二山皆非禹

貢之壺口也

近志洪洞縣西南亦有壺口山一名蜀山而傳記無之此土俗所稱故不數

〔桑欽水經〕濁漳水出上黨長子縣西發鳩山之漳水焉

疆域 山川

〔酈道元注〕出鹿

校箋一作麓

谷與發鳩連麓而在南淮南

子謂之發苞山故異名互見也左則陽泉水注之右則

散蓋水入焉三源同出一山但以南北為別耳

東過其縣南

又東堯水自西山東北流逕堯廟北又東逕長子縣故

城南周史辛甲所封邑也

劉向別錄云辛甲事紂七十五諫而不聽去之周文王以為公卿封之長子漢志註

云長讀作長短之長

春秋襄公十八年晉人執衛行人石買於長子

即是縣也秦置上黨郡治此也其水東北流入漳水漳

水東會於梁水梁水出南梁山北流至長子縣故城南

竹書紀年曰梁惠成王十二年鄭取屯留尙子沮

一作沮
別作則

尙子即長子之異名也梁水又北入漳水

屈從縣東北流注

陶水南出南陶北流至長子城東西轉逕其城北東注於漳水

又東過壺關縣北

漳水東逕屯留縣南又屈逕其城東東北流有絳水注之絳水西出穀遠縣東發鳩之谷謂之絳水西出穀遠縣為濫水屯

宋本作也

東逕屯留縣故城南故留子國也潞

疆域 山川

氏之屬春秋襄公十八年晉人執孫蒯於純

左傳注
純音屯

留

是也其水東北流入於漳故桑欽云絳水逕屯留西南東入漳漳水又東陳水注之水出西發鳩山東逕余吾縣故城南漢光武建武六年封景丹尙子為侯國陳水又東逕屯留縣故城北竹書紀年梁惠成王元年韓共侯趙成侯遷晉桓公於屯留史記趙肅侯奪晉君端氏而徙居之此矣其水又東流注於漳故許慎曰水出發鳩山入關從水章聲也漳水逕壺關縣故城西又屈逕其城北故黎國也有黎亭縣有壺口關故曰壺關矣呂

后元年立孝惠後宮子武爲侯國漢有壺關三老公乘興上書訟衛太子即邑人也縣在屯留東不得先壺關而後屯留也漳水歷鹿臺山與鞮水合水出銅鞮縣西北石磴山東流與專池水合八持山當作八持潘尼西道賦云羊躡八特成皋黃馬是也東北流入銅鞮水銅鞮水又東南逕女諫水西北好松山東南流北則葦池水與公主水合而右注之南則榆交水與皇后水合而左入焉亂流東南注於銅鞮銅鞮水東逕李憲墓前有碑碑石破碎故李氏以太和元年立之其水又東逕故城北城在山阜之上下臨岫壑東

疆域 山川

十五

西北三面岫峯二里世謂之斷梁城即故縣之上虜亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信於此縣也銅鞮水又東南流逕頃一作項城西即縣之下虜聚也地理志曰縣有上虜亭下虜聚者也後魏地理志長子有應城傾城幸城而前漢地理志

銅鞮縣有上虜亭下虜聚則後魏之傾城即漢之銅鞮也

銅鞮又南逕胡邑西又東屈逕其城南又東逕襄垣縣入於漳漳水又東北流逕襄垣縣故城南王莽之上黨亭

又東北過屯留縣潞縣北

宋本無屯留縣三字按屯留與潞縣俱屬上黨郡

縣故赤翟潞子國也其相豐舒有雋才而不以茂德晉伯宗數其五罪使荀林父滅之闕駟曰有潞水爲冀州浸卽漳水也余按燕書王猛與慕容評相遇於潞川也鄣固山泉鬻水與軍入絹匹水二石佗大川可以爲浸所有巨浪長湍唯漳水耳故世人亦謂濁漳爲潞水矣縣北對故壁臺漳水逕其南本潞子所立也世名之爲臺壁也慕容垂伐慕容永於長子軍次潞川永率精兵拒戰阻河自固垂陣壁臺一戰破之卽是處也漳水於是左右黃須水口水出臺壁西張諱巖下世傳巖赤則

疆域 山川

十六

土離

宋本作權

兵害故惡其變化無常恒以石粉汙之令白

是以俗目之爲張諱巖其水南流逕臺壁西又南入於漳漳水又東北歷望夫山山之南有石人竚於山上狀有懷於雲表因以名焉有洄水西出覆甌山而東流與西湯谿水合出涅縣西山湯谷五泉俱會謂之五會之泉交東南流謂之西湯水又東南流注涅水又東逕涅氏縣故城南縣氏涅水也東與白雞水出縣之西山東逕其縣北東南流入涅水涅水又東南與武鄉水會焉水源出武山西南逕武鄉縣故城西而南出得清谷口

水源出東北長山清谷西南與鞞鞞白壁二水合南入武鄉水又南得黃水口黃水三源同注一壑東南流與隱室水合水流西北出隱室山東南注潢水一作湟水又東入武鄉水武鄉水又東南注於湟水湟水又東南流注於潭水潭水又東逕礪陽城北倉石水入焉水出林慮縣之蒼石谿東北逕魯班門西闕昂藏石壁霞舉左右結石修防崇基仍存北逕偏橋東即林慮之嶠嶺抱犢固也石墜西陞陟踵修上五里餘嶠路中斷四五丈中以木爲偏橋劣得道宋本作通行亦言故有偏橋之名矣自

疆域 山川

十七

上猶須攀蘿捫葛方乃自津山頂卽庚眩

庚當作庚晉書庚袞適林慮大頭山

將下眩墜匡卒

墜處也倉石谿水又北合水谿谿水出壺關縣東

白木川東逕百畝城北蓋同仇池百頃之稱矣

後漢書云白馬氏勇

懸抵胃貪賁死利居於河池一名仇池方百頃四面斗絕仇池記云仇池百頃周迴九千四百步天形四方壁立千仞凡二十一一道可攀緣而上

又東

逕林慮縣之石門谷又注於蒼谿水蒼谿水又北逕礪陽城東而北流注於潭水潭水又東逕葛公亭北而東去矣

又東過武安縣

潭水逕於縣東清水自涉縣東南來注流之世謂波入

之所謂交漳口也

又東出山過鄴縣西

漳水又東逕三戶峽爲三戶津張晏曰三戶地名也在梁期西南孟康曰津峽名也在鄴西四十里又東汗水注之水出武安縣山東南流逕於城北昔項羽與蒲將軍英布濟自三戶破章邯於是水汗水東注於漳水漳水又東逕武城南世謂之梁期城梁期在鄴北俗亦謂之兩期城皆爲非也司馬彪郡國志曰鄴縣有武城武城卽期城矣漳水又東北逕西門豹祠前祠東側有碑

隱起爲字祠堂東頭石柱勒銘曰趙達武中所修也魏文帝述征賦曰羨西門之嘉迹忽逕睇其靈宇漳水右與枝水合其水上承漳水於邯會西而東別與邯水合水發源邯山東北逕邯會縣故城西北注漳水故曰邯會也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁爲侯國其水又東北入於漳昔魏文侯以西門豹爲鄴令也引漳以溉鄴民賴其用其後至魏襄王以史起爲鄴令又堰漳水以灌鄴田咸成沃壤百姓歌之魏武

王又竭漳水迴流東注號天井堰里中作十二澄澄相去三百步令互相灌注一源分爲十二流皆縣水門陸氏鄴中記云水所溉之處名曰晏陂澤故左思之賦魏都也謂澄流十二同源異口者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水以注之遂拔鄴本齊桓公所置也故管子曰築五鹿中牟鄴以衛諸夏也後屬晉魏文侯七年始封圻宋本作此地故曰魏也漢高帝十二年置魏郡治

鄴縣王莽更名魏城後分魏郡置東西兩都尉故曰三魏魏武又以郡國之舊引漳流自城西東入逕銅雀臺下伏流入城東注謂之長明溝也渠水又南逕止車門下魏武封於鄴爲北宮宮有文昌殿溝水南北夾道枝流引灌所在通漑東出石竇下注之涅水故魏武登臺賦曰引長明灌街里謂此渠也石氏於文昌故殿處造東西太武二殿於濟北殿一作殺城之山採文石爲基一基下五百武直宿衛屈柱跌瓦悉鑄銅爲之金漆圖飾焉又徙長安雒陽銅人置諸宮前以華國也城之西北

有三臺皆因城之爲基

當作城爲之基

魏狀崇舉其高若山建

安十五年魏武所起平坦略盡春秋古地云葵丘地名今鄴西臺是也謂臺已平或更有見意所未詳其中曰銅雀臺高十丈有屋百餘間臺成命諸子登之竝使爲賦陳思王下筆成章美捷當時亦魏武望奉常王叔治之處也昔嚴才與其屬攻掖門修聞變車馬未至便將官屬步至宮門太祖在銅雀臺望見之曰彼來者必王叔治也相國踵繆曰舊京城有變九卿各居其府卿何來也修曰食其祿焉避其難居府雖舊非赴難之義時

疆域 山川

人以爲美談矣石虎更增二丈立一屋連棟接檐

宋本作樓

彌覆其上盤迴隔之名曰命子窟又於屋上起五層樓高十五丈去地二十七丈又作銅雀於樓巔舒翼若飛南則金雀臺高八丈有屋一百九間北曰冰井臺亦高八丈有屋一百四十間上有冰室室有數井井深十五丈藏冰及石墨焉石墨可書又然之難盡亦謂之石炭又有粟窖及監一作鹽以備不虞今窖上猶有石銘存焉左思魏都賦曰三臺列峙而崢嶸者也城有七門南曰鳳陽門中曰中陽門次曰廣陽門東曰達一作建春門北

曰廣德門次日廢門西曰金明門一曰白門鳳陽門三
臺洞開高三十五丈石氏作層觀架其上置銅鳳頭高
一丈六尺東城上石氏立東明觀觀上加金博山謂之
鏘天北城上有齊午宋本
作斗樓超出羣樹孤高特立其城
東西七里南北五里飾表以塼百步一樓凡諸宮殿門
臺隅雉皆加觀榭層疊及宇飛檐拂雲圖以丹青色以
輕素當其全盛之時去鄴六七十里遠望苕亭巍若仙
居魏因漢祚復都洛陽以譙爲先人本國許昌爲漢之
所居長安爲西京之遺迹鄴爲王業之本基故號五都

疆域 山川

二十一

也今相州刺史及魏郡治漳水自豹祠北逕趙閱馬臺
西基高五丈列觀其上石虎每講武於其下升觀以望
之虎自於臺上放鳴鏑之矢以爲軍騎出入之節矣漳
水又北逕祭陌西戰國之世俗巫爲河伯取婦祭於此
陌魏文侯時西門豹爲鄴令約諸三老曰爲河伯取婦
卒來告知吾欲送女皆曰諾至時三老廷椽賦斂百姓
取錢百萬巫覡行里中有好女者咒史記
作是當爲河伯婦
以錢三萬聘女沐浴脂粉如嫁狀豹往會之三老巫椽
與民咸集赴觀巫媼年七十從十女弟子豹呼婦視之

以爲非妙令巫嫗入報河伯投巫於河中有頃曰何久也又令三弟子及三老入白竝投於河豹磬折曰三老不來奈何復欲使廷椽豪長趣之皆叩頭流血乞不爲河伯取婦淫祀雖斷地留祭陌之稱焉又慕容儁投石虎尸處也田融以爲紫陌也趙建武千一年造紫陌浮橋於水上爲佛圖澄先造生墓於紫陌建武十五年卒十二月葬焉卽此處也漳水又對趙氏臨漳宮宮在桑梓苑多桑木故苑有其名三月三日及始蠶之月虎帥皇后及夫人採桑於此今地有餘桑墉無尺雉矣漳水

疆域 山川

二十二

又北溢水入焉漳水又東逕梁期城南地理風俗記曰鄴北五十里有梁期城故縣也漢武帝元鼎五年封任破胡爲侯國晉惠帝永興元年驃騎王浚遣烏丸渴末逕至梁期候騎到鄴成都王穎遣將軍石超討未爲末所敗於此又逕平陽城北竹書紀年曰梁惠成王元年鄴師邯鄲師於平陽者也司馬彪郡國志曰鄴有平陽城卽此地也

又東過列人縣南

漳水又東右逕斥丘縣北卽襄縣故城南王莽更名之

曰即是也地理風俗記曰列人縣西南六十里有卽裴城故縣也漳水又東北逕列人縣故城南王莽更名之爲列治也竹書紀年曰梁惠成王八年惠成王伐邯鄲取列人者也於縣右合白渠故瀆白渠水水出魏郡武安縣欽口山東南流逕邯鄲縣南又東與拘潤水合水導源武始東山白渠北俗猶爲是水爲拘河也白渠水又東又有牛首水入焉水出邯鄲縣西堵山東流分爲二水洪湍雙逝激映兩川漢景帝肯六國悖逆命曲周侯酈寄攻趙圍邯鄲相捍七日引牛首拘水灌城城壞

疆域 山川

二十三

王自殺其水東入邯鄲城逕濫明尉

宋本作殿

南漢世祖擒

王郎幸邯鄲晝臥處也其水又東逕叢臺南六國皆趙王之臺也郡國志曰邯鄲有叢臺故劉劭趙郡賦曰結雲閣於南宇立叢臺於少陽者也今遺基舊墉尙在其水又東歷邯鄲阜張晏所謂邯山在東城下者也曰單盡也城郭從邑故加邑邯鄲之名蓋指此以立稱矣故趙邯治也長沙舊傳稱桓楮爲趙郡太守嘗有遺囊粟於路者行人挂囊粟於樹莫敢取之卽於是處也其水又東流出城又合成一川也又東激而爲渚沁水東南

涓

宋本
作流

注拘潤水又東入白渠又東故瀆出焉一水東

為澤渚曲梁縣之雞澤也國語所謂雞丘矣東北通登

宋本
作澍

湖白渠故瀆南出所在枝分右出即邯溝也歷邯

溝縣故城東蓋因溝以名

宋本
作氏

縣也地理風俗記曰即

裴城西北二十里有邯溝城故縣也又東逕肥鄉縣故

城北竹書紀年曰梁惠王

宋本作梁
惠成王

八年伐邯鄲取肥者

也晉書地道記曰太康中立以隸廣平也渠道交徑互

相纏縻與白渠同歸逕列人右會漳津今無水地理志

曰白渠東至列人入漳是也

疆域 山川

又東北過斥漳縣南

應劭曰其國斥鹵故曰斥漳漢獻帝建安十八年魏太

祖鑿渠引漳水東入清洹以通河漕名曰利漕渠漳津

故瀆水舊斷谿東北出涓流瀼

玉篇云瀼莫
歷切淺水也

注而已尚書

所謂覃懷底績至于衡漳者也孔安國曰衡橫也言覃

漳水橫流也又東北逕平恩縣故城西應劭曰縣故館

陶之別鄉漢元帝元康三年置以封后父許伯為侯國

王莽更曰延平也

又東北過曲周縣東又東北過鉅鹿縣泉

衡漳故瀆東北逕南曲縣故城西地理志廣平有曲周縣應劭曰平恩縣北四千里有南曲亭故縣也又逕曲周縣故城東地理志曰漢武帝建元四年置王莽更名直周余按史記大將軍酈商以高祖六年封曲周縣爲侯國又考史記同是知曲周舊縣非始孝武蓋商冀州人在縣市補履數年人奇其不老求其術而不能得也衡漳又北逕巨橋祇閣西舊有大梁橫水故有巨橋之稱昔武王伐紂發巨橋之粟以賑殷之飢民服虔曰巨橋倉名鉅鹿水之大橋也今臨側水澗左右方一二里

中狀若丘墟蓋遺囿故窖處也衡水又北逕鉅鹿縣故城東應劭曰鹿者林之大者也尙書曰堯將禪舜納之大麓之野烈風雷雨不迷致之以昭華之王而縣取目焉路溫舒縣之東里人父爲里監門使溫舒牧羊澤中取蒲牒用寫書即此澤也鉅鹿郡治秦始皇二十五年滅趙以爲鉅鹿郡漢景帝中元元年爲廣平郡武帝征和三年以封趙敬肅王子爲廣平侯國世祖中興娶爲鉅鹿也鄭玄注尙書引地說云大河東北流過絳水千里至大陸爲地腹如志之言大陸在鉅鹿地理志曰水

在安平信都鉅鹿與信都相去不容此數也水土之名變易世失其處見降水則以爲絳水故依而廢讀或作絳字非也今河內北共山淇水共水出焉東至魏郡黎陽入河近所謂降水也降讀當如城降於齊師之降蓋周皆國於地者惡言降故改之共耳又今河所從去大陸遠矣館陶北屯氏河其故道與余按鄭玄據尙書有東過洛汭至于大伾北過降水至于大陸推次言之故以淇水爲降水其城爲降城所未詳也稽之羣書共縣故本共和之故國是有共名不惡降而更稱禹著山經

疆域 山川

二十六

淇出沮洳淇澳衛詩列目又遠當非改絳革爲今號但是水導源共出

宋本作山

北玄欲因成降議故以淇水爲降

水耳即如玄引地說黎陽鉅鹿非千里之逕直信都於大陸者也唯屯氏北出館陶事近之矣按地理志曰絳水發源屯留下亂章津是乃與章俱得通稱故水流間關所在著曰信都復見絳名而東入於海尋其川脈無他殊瀆而衡漳舊道與屯相亂乃書有過降之地說與千里之誌即之途致與書相鄰河之過降當應此矣下至大陸不異經說自寧迄於鉅鹿出於東北皆爲大陸

語之纏絡厥勢眇矣九河既播八牧代絕遺迹故稱往往皆存故鬲盤列於東北徒駭瀆連漳絳同逆之狀纒分陂障之會猶在按經考瀆自安故曰矣漳水又歷經縣故城西水有故津謂之薄落津昔袁本初還自易京上已屆此率其賓從禊飲於斯津矣衡漳又逕沙丘臺東紂所成也在鉅鹿故城東北七十里趙武靈王與秦始皇竝死於此矣又逕銅馬祠東漢光武廟更始三年秋光武追銅馬於館陶大破之遂降之賊不自安世祖令其歸營乃輕騎行其壘賊乃相謂曰蕭王推赤心置

人腹中安得不投死乎遂將降人分配諸將衆數十萬人故關西號世祖曰銅馬帝也祠取名焉廟側有碑述河內修武縣張導字景明以建和三年爲鉅鹿太守漳津汎濫土不稼穡導披按地圖與丞彭參掾馬道嵩等原其逆順揆其表裏修防排通以正水路功績有成民用嘉賴題云漳河神壇碑俗老耆儒猶謁斯廟爲銅馬劉神寺是碑頃因震裂餘半不可復識矣又逕南宮縣故城西漢惠帝元年以封張越人子買爲侯國王莽之序中也其水與隅醴通爲衡津又有長蘆淫水之名絳

水之稱矣今漳水既斷絳水非復纏絡矣又北絳瀆出焉今無水故瀆東南逕九門城南又東南逕南宮城北又東南逕繚城縣故城北十三州志曰經縣東五十里有繚城故縣也左逕安城南故信都之安城鄉也夔始二年和城太守邳彤與上會信都南安城鄉上大悅即此處也故瀆又東北逕辟陽亭漢高帝六年封審食其爲侯國王莽之樂信也地理風俗記曰廣川西南六十里有辟陽亭故縣也絳瀆又北逕信都城東散入澤潞西至於信都城東連於廣川縣之張甲故瀆同歸於海

故地理志曰禹貢絳水在信都東入於海也

又北過堂陽縣西

衡水自堰分爲二水其一水北出逕縣故城西世祖自信都以四千人先攻堂陽降水者也水上有梁謂之旅津渡商旅所濟故也其右水東北注出石門門石崩褫餘基殆在謂之長蘆水蓋變引段之名也長蘆水東逕堂陽縣故城南應劭曰縣在堂水之陽穀梁傳曰水北爲陽也今於故縣城南更無別水唯是水東出可以當之斯水蓋包唐水之兼稱矣長蘆水又東逕九門波

宋本作故縣也又東逕扶都縣故城南世祖建武三十年

封寇恂子楫爲侯國又東屈北逕信都縣故城西信都

郡治也漢高帝六年置景帝二年爲廣川惠王越國王

莽更爲新博舊本作博下同縣曰新博亭光武自薊至信都是

也明帝永平十五年更名樂成安帝延光中改曰安平

城內有漢冀州從事安平趙徵碑又有魏冀州刺史陳

畱丁紹碑青龍三年立城南有獻帝南巡碑其水側城

北注又北逕安陽城東又北逕武陽城東十三州志曰

扶柳縣東北有武陽城故縣也又北爲博廣池池多名

疆域 山川

二十九

蟹佳鰕歲貢王朝以充膳府又北逕下博縣故城東而

北流注於衡水也

又東北過扶柳縣北又東北過信都縣西

扶柳縣故城在信都城西衡水逕其西縣有扶澤澤中

多柳故曰扶柳也衡水又北逕昌成縣故城西地理志

曰信都有昌城縣漢武帝以封城陽頃王子劉差爲侯

國鬪駟曰昌成本名阜成矣應劭曰堂陽縣北三十里

有昌成故縣也世祖之下堂陽昌城人劉植率宗親子

弟據邑以奉世祖是也又逕西梁縣故城東地理風俗

記曰扶柳西北五十里有梁城故縣也世以爲五梁城蓋字狀致謬耳衡漳又東北逕桃縣故城北漢高祖十二年封劉襄爲侯國王莽改之曰桓分也合斯沒故瀆斯沒水首受大白渠大白渠首受綿蔓水綿蔓水上承桃水水出樂平郡之艾上縣東流世謂之曰桃水東逕靖陽亭南故關城也又北流至

宋本作逕

井陘關下注澤

潑水亂流東北逕常山蒲吾縣西而桃水出焉南逕蒲吾縣故城西又東南流逕桑中縣故城北世謂之石勒城蓋趙氏增成之故擅其目又謂之高功城也地理志

曰侯國也桃水又東南流逕綿蔓縣故城北王莽之綿延也世祖建武二年封郭況爲侯國自下通謂之綿蔓水綿蔓水又東流逕樂陽縣故城西右合井陘山水水出井陘山世謂之鹿泉水也東北流屈逕陳餘壘而俗謂之故壁城昔在楚漢韓信東入餘拒之於此不納左車之計悉衆西戰信遣奇兵自間道出立幟於其壘師奔失據遂死泚上其水又屈逕其壘南又南逕城西東注綿蔓水綿蔓水又屈從城南俗名曰臨清城非也地理志曰侯國矣王莽更之曰申苗者也東觀漢書曰光

武侯鄧禹發房子兵二千人以姚一作姚期爲偏將軍別

攻真定宋子餘賊援樂陽稟肥壘者也縣蔓水又東逕烏子堰枝津出焉又東謂之大白渠地理志所謂首受綿蔓水者也白渠水又東南逕開縣故城北地理志曰常山之屬縣也又東爲成郎河水上有大梁謂之成郎橋又東逕耿鄉南世祖封前將軍耿純爲侯國世謂之宜安城又東逕宋子縣故城北又謂之宋子河漢高帝八年封許癭爲侯國王莽更名宜子昔漸離擊筑傳工自此入秦史記高漸離擊筑而歌宋子傳客之聞於秦始皇帝又東逕敬武縣故城北按

疆域 山川

三十一

地理志曰鉅鹿之屬縣也漢元帝封女敬武公主爲湯沐邑關關十三州記曰楊氏縣北四十里有武亭故縣也今其城實中小邑耳故俗名之曰敬武壘即古邑也白渠又東謂之期浚水地理志曰大白渠東至曲陽入浚河者也東分爲二水枝津右出焉東南流謂之百尺溝又東南逕和城北世謂之初丘城非也漢高帝十一年封郎中公孫耳爲侯國又東南逕育城西漢高帝六年封呂博爲侯國按史記年表有賁侯呂漢表賁侯合傳功封同此云呂博互異未詳也志鉅鹿有賁縣無育縣百尺溝東南散流逕歷鄉東而南入泝湖東注衡水也斯浚

水自枝津東逕育城北又東積而爲陂謂之陽廩淵淵
水左納白渠枝水俗謂之祗一作水水承白渠於棗縣
之烏子堰又東逕肥曩縣之故城南又東逕陳臺南臺
甚寬廣今上陽臺屯居之又東逕新豐城北按地理志
云鉅鹿有新市縣侯國也王莽毀之曰樂市而無新豐
之目所未詳矣其水又東逕昔陽城南世謂之曰直陽
城非也本鼓聚矣春秋左傳昭公十五年晉荀吳帥師
伐鮮虞圍鼓三月鼓人請降穆子曰猶有食邑一作色不
許軍吏曰獲城而弗取勤民而頓兵何以事君穆子曰

疆域 山川

三十二

獲一邑而教民怠將焉用邑邑以賈怠不如完舊賈怠
無卒棄舊不祥鼓人能事其君我亦能事吾君率義不
爽好惡不愆城可獲而民知義所有死義而無二心不
亦可乎鼓人告食竭力盡而後取之克鼓而返不戮一
人以鼓子鳶鞮歸旣獻而返之鼓子又叛荀吳略東陽
使師僞糴負甲息於門襲而滅之以鼓子鳶鞮歸使涉
佗守之者也十三州志曰今其城昔陽亭是矣京相璠
曰白狄之別也下曲陽有鼓聚故鼓子國也白渠泝水
又東逕曲陽城北又逕安鄉縣故城南地理志曰侯國

也又東逕育縣入斯浚水斯浚水又東逕西梁城南又東北逕樂信縣故城南地理志曰鉅鹿屬縣侯國也又東入衡水衡水又北爲袁譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十年秦封衛鞅於鄆改名曰商即此是也故王莽改曰秦聚也地理風俗記曰縣北有鄆阜蓋縣氏之又右逕下博縣故城西王莽改曰閏舊本作潤博應劭曰太山有博故此

疆域山川

三十三

加下漢光武自呼沱

一作滹沱

南出至此失道不知所以遇

白衣老父曰信都爲長安守去此八十里世祖赴之任光開門納焉漢氏中興始基之矣尋求父老不得議者以爲神衡漳又東北歷下博城西逶迤東北注謂之九爭西逕樂鄉縣故城南王莽更之曰樂丘也又東列葭水注也

又東北過阜城縣北又東北至昌亭與羣池河會

羣池一作滹沱注與

後皆同

經叙阜成於下博之下昌亭之上考地非比於事爲同

勃海阜城又在東昌之東故知非也潭水又東北逕武
邑郡南魏所置也又東逕武強縣北又東北逕武隧縣
故城南按史記秦破趙將扈軻於武隧斬首十萬即於
此處也王莽更名桓隧矣白馬河注之水上承羣池東
逕樂鄉縣北饒陽縣南又東南逕武邑郡北而東入衡
水謂之交津口衡漳又東逕武邑縣故城北王莽之順
桓也晉武帝封子於縣以爲王國後分武邑武隧觀津
爲武邑郡治此衡漳又東北右合張平口故溝上承武
強淵淵之西南之側水有武強縣故治故淵得其名焉

疆域

山川

三十四

東觀漢記曰光武拜王梁爲大司空以爲侯國耆宿云
邑人有行於途者見一小蛇疑其有靈持而養之名曰
擔生長而吞噬人里中患之遂捕擊獄擔生負而奔邑

淪爲湖縣長及吏咸爲魚矣今縣治東北半許

宋本作半里許

落水淵水又東南結而爲湖又謂之郎君淵耆宿又言
縣淪之日其子東奔又陷於此故淵得郎君之目矣淵
水北通謂之石虎口又東北爲張平澤澤水所汎北浸
隄口謂之張刀溝北注衡河謂之張平口亦曰張平溝
水溢

宋本無溝水溢二字

則南注水耗則輟流衡漳又逕東昌縣故

城北經所謂昌亭也王莽之田昌也俗名之曰東相蓋相昌聲韻合故致茲誤矣西有昌城故曰是城爲東昌矣衡漳又東北左會零池故瀆謂之合口衡漳又東北分爲二川當其水洑舊本作洑吳瑄本作洑水湯洑也處名之曰李聰渙又東北至樂成陵縣別出北

衡漳於縣無別出之瀆縣北者乃零池別水分零池故瀆之所纏絡也衡漳又東分爲二水右出爲向氏口溝水自始宋本作此洑入也衡漳又東逕弓高縣故城北漢景帝封韓信兄子韓隤當爲侯國王莽之樂成亭也衡漳

疆域 山川

又東北右合柏梁澆水上承李聰渙東北爲柏梁澆東逕扶領縣故城南漢武帝元朔三年封廣川王子劉嘉爲侯國按史記劉嘉封蒲領侯地理風俗記云修縣西北八十里

有蒲領鄉故縣也又東北會桑杜宋本作社枝津又東北逕弓高城北又東注衡漳謂之柏梁口衡漳又東北右會桑杜溝溝上承從陂世稱盧達從薄亦謂之摩訶河東南通清河西北達衡水春秋雨汎漳澤津渚今觀津城北方二十里盡爲澤藪蓋水所鍾也其瀆逕觀津縣故城北樂毅自燕降趙封之於此邑號望諸君王莽之朔

定亭也又南屈東逕竇氏青山南側隄東出青山卽漢文帝竇后父少翁冢也卽是縣人遭秦之亂魚釣隱身墜淵而死景帝立后遣使者填以葬父起大墳於觀津城東南故名舊本作民號曰青山也又東逕董仲舒廟南仲舒廣川人也世猶謂之董府君祠春秋禱祭不輟舊溝又東逕修市縣故城北漢宣帝本始四年封清河綱王子劉寅爲侯國王莽更之曰居寧也俗謂之溫城非也地理風俗記曰循縣西北二十里有修市城故縣也又東會從陂陂水南北十里東西六十步子午潭漲淵而

不流亦謂之桑杜淵從陂南出夾隄東派逕循縣故城北東合清漳漳汎則北注澤盛則南播津流上下互相逕道從陂陂北出東北分爲二川北逕弓高城西而北

注柏梁澇一川東逕弓高城南又東北陽津清

宋本作溝水

出焉左瀆北入衡漳謂之陽洩口衡水東逕阜城縣故城北樂城縣故城南河間郡治地理志曰故趙也漢文帝二年別爲國應劭曰在兩河之間也景帝九年封子德爲河間王是爲獻王王莽更名郡曰朔定縣曰陸信褚先生曰漢宣帝地節三年封大將軍霍光兄子山爲

侯國也漢章帝封子開於此漢桓帝追尊祖父孝王開爲孝穆王以其邑奉山陵故加陵曰樂陵也今城中有故池方八十步舊引衡水北入城注池池北對層臺基陸荒蕪示存古意也

又東北過成平縣南合清河

合清河三字
吳瑄本增入

衡漳又東逕建成縣故城南按地理志故屬勃海郡褚先生曰漢昭帝元鳳三年封丞相黃霸爲侯國也成平縣故城在北漢武帝元朔三年封河間獻王子劉禮爲侯國王莽之澤亭也城南北相直衡漳又東右會楊津

疆域 山川

三十七

溝水自枝

一本
作澤

水東逕阜城南地理志勃海有阜成縣

王莽更名吾城者非經所謂阜成也建武十五年世祖更封大司馬王梁爲侯國楊津溝水又東北逕建成縣左入衡水謂之陽津口衡漳又東左會葦池別河故瀆又東北入清河謂之合口又逕南皮縣之北皮亭而東北逕浮陽縣西東北注之

又東北過章武縣西又東北過平舒縣南東入海

清漳自章武縣故城西故瀦邑也枝瀆出焉謂之瀦水東北逕參后亭分爲二瀆應劭曰平舒縣西南五十里

有參后亭故縣也世謂之平虜城枝水又東注謂之蔡
伏溝又東積而爲淀一水逕亭北又逕東平舒縣故城
南代郡有平舒城故加東地理志曰勃海之屬縣也魏
土地記曰章武郡治故世以爲章武故城非也又東北
分爲二水一右出爲濊一水北注呼池一作濊謂之濊口
清漳亂流而東注於海

清漳水出上黨沾縣西北少山大隄谷南過縣西又從縣
南屈

淮南子曰清漳出揭戾山高誘云山在沾縣今清漳出

疆域 山川

三十八

沾縣故城東北俗謂之潭山漢分沾縣爲樂平郡治沾
縣水出樂平郡沾縣界故晉太康地記曰樂平縣舊名
清漳縣漢之故矣宋本作名其山亦曰鹿谷山水出大要谷

南流逕沾縣故城東不歷其西也又南逕昔陽城左傳
昭公十二年晉荀吳僞會齊師者假道於鮮虞遂入昔
陽杜預曰樂平沾縣東有昔陽城者是也其水又南得
梁榆水口水出梁榆城西大嶷山水有二源北水東南
流逕其城東南注南水南水亦出西山東逕文當城北
又東北逕梁榆城南即闕與故城也秦伐韓闕與惠文

王使趙奢敵

宋本作救

之奢納許歷之說破秦於闕與謂此

也司馬彪袁松郡國志竝言涅縣有闕與聚盧諶征艱

賦曰訪梁榆之虛郭

宋本作郭

弔闕與之舊平桓

按桓字誤似是松字謂袁松也

亦云闕與今梁榆城是也漢高帝八年封馮解散

宋本作敢

為闕氏侯國其水右合北水北水又東南入於清漳清

漳又東南與轅水相得轅水出轅河縣西北轅山南流

逕轅河縣故城西南東流至粟城注於清漳也

東過涉縣西屈從縣南

按地理志云魏郡之屬縣也漳水於此有涉之稱名因

疆域 山川

三十九

地變也

東至武安縣南黍窖邑入於濁漳

此下疑脫注宋本亦無

人物

〔漢書武五子傳〕戾太子據元狩元年立為皇太子武帝末衛后寵衰江充用事充與太子及衛氏有隙恐上晏駕後為太子所誅會巫蠱事起充因此為姦是時上春秋高意多所惡以為左右皆為蠱道祝詛窮治其事充與治巫蠱既知上意自言宮中有蠱氣入宮至省中壞御座掘地上使按道侯韓說御史章籟黃門蘇文等助充充遂至太子宮掘蠱得桐木人時上疾辟暑甘泉宮師古曰辟讀曰避獨皇后太子在師古曰在京師太子召問少傅石德德懼為師傅并誅因

人物



謂太子曰前丞相父子兩公主及衛氏皆坐此今巫與使者掘地得徵驗不知巫置之邪將實有也無以自明可矯以節收補充等繫獄師古曰矯託也託詔命也窮治其姦詐且上疾在甘

泉皇后及家吏請問皆不報上存亡未可知而姦臣如此太子將不念秦扶蘇事耶太子急然德言征和二年七月壬午乃使客為使者收補充等按道侯說疑使者有詐不肯受詔客格殺說御史章籟被創突亡自歸甘泉太子使舍人無且師古曰且音子閭反持節夜入未央宮殿長秋門因長御倚華具白皇后發中廐車載射士師古曰中廐皇后車馬所在也出武庫兵發

長樂宮衛告令百官曰江充反迺斬充以狗彘胡巫上林

中

服虔曰作巫蠱之胡人也炙燒也師古曰胡巫受充意指妄作蠱狀太子特忿且欲得其情實故以火炙之令毒痛耳

遂部賓客爲

將率與丞相劉屈氂等戰長安中擾亂言太子反以故衆不肯附太子兵敗亡不得

師古曰太子出亡而吏追捕不得也

上怒甚羣下憂懼

不知所出壺關三老茂上書曰臣聞父者猶天母者猶地子猶萬物也故天平地安陰陽和調物迺茂成父慈母愛室家之中子迺孝順陰陽不和則萬物夭傷父子不和則室家喪亡故父不父則子不子君不君則臣不臣雖有粟吾豈得而食諸昔者虞舜孝之至也而不中於瞽叟孝已

人物

二

被謗伯奇放流骨肉至親父子相疑何者積毀之所生也由是觀之子無不孝而父有不察今皇太子爲漢適嗣

古語

曰適謂曰嫡

承萬世之業體祖宗之重親則皇帝之宗子也江充

布衣之人閭閻之隸臣耳陛下顯而用之銜至尊之命以迫蹴皇太子造飾姦詐羣邪錯謬是以親戚之路隔塞而不通太子進則不得上見退則困於亂臣獨冤結而亡告不忍忿忿之心起而殺充恐懼逋逃于盜父兵以救難自免耳臣竊以爲無邪心詩曰營營青蠅止于藩愷悌君子無信讒言讒言罔極交亂四國往者江充讒殺趙太子天

下莫不聞其罪固宜

師古曰充宜得罪也

陛下不省察深過太子

師古曰以

太子爲罪過而深責之

發盛怒舉大兵而求之二三公自將智者不敢言

辯士不敢說臣竊痛之臣聞子胥盡忠而忘其號比干盡

仁而遺其身忠臣竭誠不顧鈇鉞之誅以陳其愚志在匡

君安社稷也詩云取彼譖人投畀豺虎唯陛下寬心慰意

少察所親毋患太子之非亟罷甲兵無令太子久亡臣不

勝惓惓出一旦之命待罪建章闕下書奏天子感寤太子

之亡也東至湖

師古曰湖縣名今蕪州屬鄉湖城二縣皆其地也

臧匿泉鳩里

師古曰泉鳩水今在蕪鄉縣東

南十五里見有戾太子冢家在湖東也

主人家貧常賣屨以給太子太子有故人

人物

三

在湖聞其富贍使人呼之而發覺吏圍捕太子太子自度

不得脫即入室距戶自經山陽男子張富昌爲卒足踰開

戶新安令史李壽趨抱解太子主人公遂格鬪死皇孫二

人皆并遇害上旣傷太子乃下詔曰蓋行疑實所以申信

也其封李壽爲邗侯張富昌爲題侯久之巫蠱事多不信

上知太子惶恐無他意而車千秋復訟太子冤上遂擢千

秋爲丞相而族滅江充家焚蘇文於橫橋上及泉鳩里加

兵刃於太子者初爲北地太守後族上憐太子無辜乃作

思子宮爲歸來望思之臺於湖天下聞而悲之

〔顏註〕師古曰壺關上黨之縣也荀悅漢紀云令狐茂班史不載其姓不知於何得也

〔漢書馮奉世傳〕馮奉世字子明上黨潞人也徙杜陵其

先馮亭為韓上黨守秦攻上黨絕太行道師古曰太行山名險道所經行也

韓不能守馮亭乃入上黨城守於趙趙封馮亭為華陽君

與趙將括距秦師古曰括趙括趙奢之子也戰死於長平宗族繇是分散

或留潞或在趙在趙者為官帥將官帥將子為代相及秦

滅六國而馮亭之後馮毋擇馮去疾馮劫皆為秦將相焉

漢興文帝時馮唐顯名即代相子也至武帝末奉世以良

人物 四

家子選為郎昭帝時以功次補武安長失官年三十餘矣

乃學春秋涉大義讀兵法前將軍韓增奏以為軍司空令

本始中從軍擊匈奴軍罷復為郎先是時漢數出使西域

多辱命不稱或貪汗為外國所苦是時烏孫大有擊匈奴

之功而西域諸國新輯漢方善遇欲以安之選可使外國

者前將軍增舉奉世以衛候使持節送大宛諸國客至伊

修城師古曰伊修城在鄯善國漢於其中置屯田吏士也都尉宋將言莎車與旁國共攻殺

漢所置莎車王萬年師古曰莎車國名萬年其王名也莎音素和反并殺漢使者奚克

國時匈奴又發兵攻車師城不能下而去莎車遣使揚言

北道諸國已屬匈奴矣於是攻劫南道與敵盟畔漢從鄯善以西皆絕不通

師古曰鄯音善

都護鄭吉校尉司馬意皆在北

道諸國間奉世與其副嚴昌計以為不亟擊之則莎車日

彊其勢難制必危西域遂以節諭告諸國王因發其兵南

北道合萬五千人進擊莎車攻拔其城莎車王自殺傳其

首詣長安諸國悉平威振西域奉世乃罷兵以聞宣帝召

見韓增曰賀將軍所舉得其人奉世遂西至大宛大宛聞

其斬莎車王敬之異於他使得其名馬象龍而還

師古曰言馬形似龍

者。劉歆曰此馬名曰象龍也

上甚說下議封奉世丞相將軍皆曰春秋之義

人物

五

大夫出疆有可以安國家則顯之可也奉世功效尤著宜

加爵土之賞少府蕭望之獨以奉世奉使有指而擅矯制

違命發諸國兵雖有功效不可以為後法即封奉世開後

秦使者利以奉世為比爭逐發兵要功萬里之外為國家

生事於夷狄漸不可長奉世不宜受封上善望之議以奉

世為光祿大夫水衡都尉元帝即位為執金吾上郡屬國

歸義降胡萬餘人及去初昭帝末西河屬國胡伊魯若王

亦將眾數千人畔奉世輒持節將兵追擊

師古曰言西河上郡羌胡反畔子明再追擊之

右將軍典屬國常惠薨奉世代為右將軍典屬國加諸吏

之號數歲爲光祿勳永光二年秋隴西羌多姐旁種反

師古曰多所廉及又音先廉反姐音紫今西羌尙有此姓而多音先冉反

詔召丞相韋玄成御史大夫鄭

弘大司馬車騎將軍王接左將軍許嘉右將軍奉世入議

是時歲比不登京師穀石二百餘邊郡四百關東五百四

方飢饉朝庭○宋祁曰庭當作廷方以爲憂而遭羌變玄成等漠然莫

有對者師古曰漠無聲也音莫奉世曰羌虜近在竟內背畔師古曰竟讀曰境不

以時誅亡以威制遠蠻臣願帥師討之上問用兵之數對

曰臣聞善用兵者役不再興糧不三載故師不久暴而天

誅亟決師古曰暴露也亟急也往者數不料敵而師至於折傷再三發

人物

輶如淳曰輶推也淮南子曰內郡輶車而餉則曠日煩費威武虧矣今反虜無慮三

萬人法當倍用六萬人然羌戎弓矛之兵耳器不犀利

如淳曰今俗刀兵利爲犀晉灼曰犀堅也師古曰晉說是可用四萬人一月足以決丞相御史

兩將軍皆以爲民方收斂時未可多發萬人屯守之且足

奉世曰不可天下被飢饉士馬羸耗守戰之備久廢不簡

師古曰簡謂選揀夷狄皆有輕邊吏之心而羌首難師古曰言創首爲寇難也今以

萬人分屯數處虜見兵少必不畏懼戰則挫兵病師守則

百姓不救如此怯弱之形見羌人乘利諸種並和師古曰相和應也相

扇而起臣恐中國之後不得止於四萬非財幣所能解也

故少發師而曠日

師古曰曠空也空費其日而無功也

與一舉而疾決利害相萬

也

師古曰相比則為萬倍也

固爭之不能得有詔益二千人於是遣奉世

將萬二千人騎以將屯為名

師古曰且云領兵屯田不言討賊

典屬國任立

護軍都尉韓昌為偏裨到隴西分屯三處典屬國為右軍

屯白石護軍都尉為前軍屯臨洮奉世為中軍屯首陽西

極上

如淳曰西極山名

前軍到降同阪

師古曰平阪阪也降同者阪名也

先遣校尉在前

與羌爭地利又別遣校尉救民於廣陽谷羌虜盛多皆為所破殺兩校尉奉世具上地形部衆多少之計願益三萬六千人乃足以決事書奏天子大為發兵六萬餘人拜太

人物

七

常弋陽侯任千秋為奮武將軍以助焉奉世上言願得其

衆不須煩大將因陳轉輸之費上於是以璽書勞奉世且

讓之

師古曰讓責也責其不須大將

曰皇帝問將兵右將軍甚苦暴露羌虜

侵邊境殺吏民甚逆天道故遣將軍帥士大夫行天誅以

將軍材質之美奮精兵誅不軌百下百全之道也今乃有

畔敵之名

如淳曰不敢當敵攻戰為畔敵也

大為中國羞以昔不閑習之故邪

師古曰言未嘗當羌虜不測其形便

以恩厚未治信約不明也

師古曰言將軍恩惠未治於士卒又不能明其約誓

使在下信之

朕甚怪之上書言羌虜依深山多徑道不得不多分

部遮要害須得後發營士足以決事部署已定執不可復

置大將聞之前為將軍兵少不足自守故發近所騎日夜

詣師古曰近所隨近之處也日夜言兼行不休息也詣詣軍所也非為擊也今發三輔河東弘農越

騎迹射伎飛設者羽林孤兒及呼速索噶種劉德曰噶音辱羌別種也設者謂能

張弩者也。劉長世曰呼速索則呼邀累單干所將五萬眾來降者也噶者匈奴傳所謂西噶君長數千人降漢者此二種有兵眾皆宣帝時來降今使征羌方急

遣師古曰言令速至軍所也且兵凶器也必有成敗者患策不豫定料敵

不審也故復遣奮武將軍兵法曰大將軍出必有偏裨所

以揚威武參計策將軍又何疑焉夫愛吏士得眾心舉而

無悔禽敵必全將軍之職也若乃轉輸之費則有司存將

軍勿憂須奮武將軍兵到合擊羌虜師古曰須待也十月兵畢至

人物

隴西十一月並進羌虜大破斬首數千級餘皆走出塞兵

未決間漢復發募士萬人拜定襄太守韓安國為建威將

軍師古曰自別有此安國非武帝時人也未進聞羌破還上曰羌虜破散創艾亡

逃出塞其罷吏士頗留屯田備要害處明年二月奉世還

京師更為左將軍光祿勳如故其後錄功拜爵下詔曰羌

虜桀黠賊害吏民攻隴西府寺燔燒置亭師古曰置謂置驛之所也絕道

橋甚逆天道左將軍光祿勳奉世前將兵征討斬捕首虜

八千餘級鹵馬牛羊以萬數賜奉世爵關內侯食邑五百

戶黃金六十斤裨將校尉三十餘人皆拜後歲餘奉世病

卒居爪牙官前後十年爲折衝宿將功名次趙充國奮武將軍任千秋者其父宮昭帝時以丞相徵事捕斬反者左將軍上官桀封侯宣帝時爲太常薨千秋嗣後復爲太常成帝時樂昌侯王商奉代世爲左將軍而千秋爲右將軍後亦爲左將軍子孫傳國至王莽乃絕云奉世死後二年西域都護甘延壽以誅郅支單于封爲列侯時丞相匡衡亦用延壽矯制生事據蕭望之前議以爲不當封而議者咸美其功上從衆而侯之於是杜欽上疏追訟奉世前功曰前莎車王殺漢使者約諸國背畔左將軍奉世以衛候

人物

九

便宜發兵誅莎車王策定城郭功施邊境

師古曰城郭者謂西域諸國爲城郭而居者

議者以奉世奉使有指春秋之義亡遂事漢家之法有矯制故不得侯今匈奴郅支單于殺漢使者亡保康居都護延壽發城郭兵屯田吏士四萬餘人以誅斬之封爲列侯臣愚以爲比罪則郅支薄量敵則莎車衆用師則奉世寡計勝則奉世爲功於邊境安慮敗則延壽爲禍於國家深其違命而擅生事同延壽割地封而奉世獨不錄臣聞功同賞異則勞臣疑罪鈞刑殊則百姓惑疑生無常惑生不知所從亡常則節趨不立不知所從則百姓無所錯手足

師古曰錯置也音千故反

奉世圖難忘死信命殊俗

師古曰圖難謀除國難也信讀曰伸

成功白

著為世使表

師古曰白著謂顯明也表猶首也

獨抑厭而不揚非聖主所以塞

疑厲節之意也願下有司議上以先帝時事不復錄奉世

有子男九人女四人長女媛以選充後宮為元帝昭儀產

中山孝王元帝崩媛為中山太后隨王就國奉世長子譚

太常舉孝廉為郎功次補天水司馬

如淳曰漢注邊郡置都尉及千人司馬皆不治民也

世擊西羌譚為校尉隨父從軍有功未拜病死譚弟野王

遂立參至大官

野王字君卿受業博士通詩少以父任為太子中庶子年

人物

十

十八上書願試守長安令宣帝奇其志問丞相魏相相以

為不可許後以功次補當陽長遷為櫟陽令徙夏陽令元

帝時遷隴西太守以治行高入為左馮翊歲餘而池陽令

並素行貪汙輕野王外戚年少治行不改野王部督郵掾

祓祢趙都

師古曰都祓祢人而為掾也祓音丁活反又音丁外反祢音許羽反

案驗得其主守盜十金

罪收捕並不首吏

師古曰不首吏謂不伏從收捕也

都格殺並家上書陳寃事

下廷尉

宋祁曰並字下當更有並字

都詣吏自殺以明野王京師稱其威

信遷為大鴻臚數年御史大夫李延壽病卒在位多舉野

王上使尚書選第中二千石而野王行能第一上曰吾用

野王爲三公後世必謂我私後宮親屬以野王爲比

師古曰
比例也

乃下詔曰剛彊堅固確然亡欲大鴻臚野王是也心辨善辭可使四方少府五鹿充宗是也廉絜節儉太子少傅張譚是也其以少傅爲御史大夫上繇下第而用譚越次避嫌不用野王以昭儀兄故也野王乃歎曰人皆以女寵貴我兄弟獨以賤野王雖不爲三公甚見器重有名當世成帝立有司奏野王王舅不宜備九卿以秩出爲上郡太守

如淳曰以鴻臚
大夫爲太守

加賜黃金百斤朔方刺史蕭育奏封事薦言

野王行能高妙內足與圖身外足以慮化竊惜野王懷國

人物

十一

之寶而不得陪朝廷與朝者並野王前以王舅出以賢復入明國家樂進賢也上自爲太子時聞知野王會其病免復以故二千石使行河隄因拜爲琅邪太守是時成帝長舅陽平侯王鳳爲大司馬大將軍輔政八九年矣時數有災異京兆尹王章譏鳳顓權不可任用薦野王代鳳上初納其言而後誅章語在元后傳於是野王懼不自安遂病滿三月賜告與妻子歸杜陵就醫藥大將軍鳳風御史中丞劾奏野王賜告養病而私自便持虎符出界歸家奉詔不敬杜欽時在大將軍莫府欽素高野王父子行能奏記

於鳳爲野王言曰竊見令曰吏二千石告過長安謁

如淳曰謁

者自白得告也律吏二千石以上告歸歸寧道不過行在所者便道之官無辭

不分別予賜

如淳曰予予告也賜賜告也

今有司

以爲予告得歸賜告不得是一律兩科失省刑之意夫三

最予告令也

師古曰在官連有三最則得予告也

病滿三月賜告詔恩也令告則

得詔恩則不得失輕重之差又二千石病賜告得歸有故

事不得去郡亡著令

如淳曰律施行無不得去郡之文也

傳曰賞疑從予所以廣

恩勸功也罰疑從去所以慎刑關難知也今釋令與故事

而假不敬之法甚違關疑從去之意即以二千石守千里

之地任兵馬之重不宜去郡將以制刑爲後法者則野王

人物

十一

之罪在未制令前也刑賞大信不可不慎鳳不聽竟免野

王郡國二千石病賜告不得歸家自此始初野王嗣父爵

爲關內侯免歸數年年老終于家子座嗣爵至孫坐中山

太后事絕遂字子產通易太常察孝廉爲郎補謁者建昭

中選爲復土校尉光祿勳于永舉茂材爲美陽令功次遷

長樂屯衛司馬清河都尉隴西太守治行廉平年四十餘

卒爲都尉時言河隄方略在溝洫志

立字聖卿通春秋以父任爲郎稍遷諸曹竟寧中以王舅

出爲五原屬國都尉數年遷五原太守徙西河上郡立居

職公廉治行略與野王相似而多知有恩貸好爲條教吏民嘉美野王立相代爲太守歌之曰大馮君小馮君兄弟繼踵相因循聰明賢知惠吏民政如魯衛德化鈞周公康叔猶二君師古曰論語稱孔子曰魯衛之政兄弟也言周公康叔親則兄弟治國之政又相似後遷爲東海太守下涇病痺師古曰東海上地天子聞之徙立爲太原太守更歷五都所居有迹年老卒官

參字叔平學通尚書少爲黃門郎給事中宿衛十餘年參爲人矜嚴好脩容儀進退恂恂甚可觀也參昭儀少弟行又敕備以嚴見憚終不得親近侍帷幄竟寧中以王舅出

人物

補涓陵食官令如淳曰給陵上祭祀之事以數病徙爲寢中郎師古曰亦涓陵之寢郎也

有詔勿事張晏曰不與勞役執事優之師古曰雖居其官不親職也陽朔中中山王來朝參擢

爲上河農都尉師古曰上河在西河富平於此爲農都尉病免官復爲涓陵寢中郎

永始中超遷代郡太守以邊郡道遠徙爲安定太守數歲病免復爲諫大夫使領護左馮翊水綏和中立定陶王爲皇太子以中山王見廢師古曰見廢不得爲漢嗣也故封王舅參爲宜鄉

侯以慰王意參之國上書願至中山王見太后行未到而王薨王病時上奏願貶參爵以關內侯食邑留長安上憐之下詔曰中山孝王短命早薨願以舅宜鄉侯參爲關內

侯歸家朕甚愍之其還參京師以列侯奉朝請五侯皆敬

憚之師古曰王侯也丞相翟方進亦甚重焉數謂參物禁太甚師古曰言

萬物之禁在於太甚人道亦當隨時不宜獨異君侯以王舅見廢不得在公卿位今五侯

至尊貴也與之並列宜少詘節卑體視有所宗師古曰祝讀曰示宗尊也

而君侯盛修容貌以威嚴加之此非所以下五侯而自益

者也參性好禮儀終不改其恒操頃之哀帝即位帝祖母

傅太后用事追怨參姊中山太后陷以祝詛大逆之罪語

在外戚傳參以同產當相坐謁者承制召參詣廷尉參自

殺且死仰天嘆曰參父子兄弟皆備大位身至封侯今被

人物

惡名而死姊弟不敢自惜傷無以見先人於地下死者十

七人衆莫不憐之宗族徙歸故郡

贊曰詩稱抑抑威儀惟德之隅師古曰大雅抑之詩也抑抑密也隅廉也言有密靜之德審於威儀則其持心

有廉宜鄉侯參鞠躬履方擇地而行可謂淑人君子然卒

死於非罪不能自免哀哉讒邪交亂貞良被害自古而然

故伯奇放流師古曰說苑云王國子前母子伯奇後母子伯封兄弟相重後母欲令其子立為太子乃譖伯奇而王信之乃放伯奇也。宋祁曰

注文重字孟子宫刑張晏曰寺人孟子賢者被讒見宮刑作巷伯之詩也申生雉經師古曰楚語云晉獻公黜太子

申生乃雉經于新城之廟蓋為俛頸閉氣而死若雉之為屈原赴湘師古曰楚辭漁父之篇云屈原曰寧赴湘流墜於汨魚腹中也小弁

之詩作離騷之辭興師古曰小弁小雅篇名也太子之傅作焉刺幽王信讒黜申后而放太子之宜咎也離騷經屈原所作也離遭

也騷憂也遭憂而作辭

經曰心之憂矣涕既隕之

師古曰即小弁之詩也隕墜也

馮參姊弟亦

云悲矣

〔馮奉世傳考證〕至伊修城注師古曰伊修城在鄯善

國云云○

臣召南

按伊修城當作伊循城各本俱誤西

域傳鄯善國中有伊循城其地肥美漢置都尉所謂伊循田官也通鑑亦作伊循知宋時漢書本尚不誤後來刊本訛循作修耳顏注亦然

初昭帝末西河屬國胡伊酋若王亦將衆數千人畔○

臣召南

按昭帝應是宣帝之訛昭帝時奉世名尚未著安

人物

十五

得持節將兵且西河屬國始置於五鳳四年宣紀可證也當昭帝時尚無西河屬國安得有叛人耶
典屬國爲右軍屯白石○地理志狄道白石山在東狄道隴西郡治也

馮奉世子野王御史大夫李延壽病卒○即公卿表所云繁延壽也此文作李此人有二姓

馮奉世子參參擢爲上河農都尉注師古曰上河在西河富平於此爲農都尉○臣召南按地理志西河郡有

富昌縣無富平縣且富昌縣下亦不云農都尉泊又顏

注叙傳曰上河地名農都尉者興農事二注自相矛盾按地理志富平有二一屬平原郡故名厭次宣帝時更名也一屬北地郡有北部都尉渾懷都尉亦不云農都尉治也惟張掖郡番和縣有農都尉治明文漢書叙傳子明光發迹西疆列於禦侮厥子亦良述馮奉世傳第四十九

〔漢書王貢兩龔鮑傳〕鮑宣字子都渤海高城人也好學明經爲縣鄉嗇夫守東州丞後爲都尉太守功曹舉孝廉爲郎病去官復爲州從事大司馬衛將軍王商辟宣薦爲

人物

議郎後以病去哀帝初大司空何武除宣爲西曹掾甚敬重焉薦宣爲諫大夫遷豫州牧歲餘丞相司直郭欽奏宣舉錯煩苛代二千石署吏聽訟所察過詔條行部乘傳去法駕駕一馬舍宿鄉亭爲衆所非宣坐免歸家數月復徵爲諫大夫宣每居位常上書諫爭其言少文多實是時帝祖母傅太后欲與成帝母俱稱尊號封爵親屬丞相孔光大司空師丹何武大司馬傅喜始執正義失傅太后指皆免官丁傅子弟並進董賢貴幸宣以諫大夫從其後上書諫曰竊見孝成皇帝時外親持權人人牽引所私以充塞

朝廷妨賢人路濁亂天下奢泰亡度窮困百姓是以日蝕
且十彗星四起危亡之徵陛下所親見也今奈何反覆劇
於前乎朝臣亡有大儒骨鯁白首耆艾魁壘之士服虔曰魁壘壯貌也
論議通古今喟然動衆心憂國如飢渴者臣未見也敦外
親小童及幸臣董賢等在公門省戶下陛下欲與此共承
天地安海內甚難今世俗謂不智者爲能謂智者爲不能
昔堯放四罪而天下服今除一吏而衆皆惑古刑人尙服
今賞人反感請寄爲姦羣小日進國家空虛用度不足民
流亡去城郭盜賊並起吏爲殘賊歲增於前凡民有七亡

人物

十七

師古曰亡謂失其作業也

陰陽不和水旱爲災一亡也縣官重責吏賦租

稅二亡也貪吏並公受取不已三亡也豪強大姓蠶食亡

厭四亡也苛吏繇役失農桑時五亡也部落鼓鳴男女遮

遮六亡也

晉灼曰遮古列字也師古曰言聞桴鼓之聲以爲有盜賊皆遮列而追捕

盜賊劫略取民財物

七亡也七亡尙可又有七死酷吏毆殺一死也治獄深刻

二死也冤陷亡辜三死也盜賊橫發四死也怨讐相殘五

死也歲惡飢餓六死也時氣疾疫七死也民有七亡而無

一得欲望國安誠難民有七死而無一生欲望刑措誠難

此非公卿守相貪殘成化之所致邪

師古曰守郡守也相諸侯相也

羣臣幸

得居尊官食重祿豈有肯加惻隱於細民助陛下流教化者邪志但在營私家稱賓客爲姦利而已以苟容曲從爲賢以拱默尸祿爲智謂如臣宣等爲愚陛下擢臣巖穴誠冀有益豪毛豈徒欲使臣美食大官重高門之地哉

晉灼曰高門殿

名也師古曰在未央宮中天下乃皇天之天下也陛下上爲皇天子下爲

黎庶父母爲天牧養元元視之當如一合戶鳩之詩

師古曰戶鳩曹

國風之篇也其詩云戶鳩在桑其子七兮淑人君子其儀一兮言戶鳩之鳥養其子七平均如一善人君子有德施惠亦當然也今貧民菜食

不厭衣又穿空

師古曰空孔也

父子夫婦不能相保誠可爲酸鼻

陛下不救將安所歸命乎奈何獨私養外親與幸臣董賢

人物

多賞賜以大萬數使奴從賓客漿酒霍肉

劉德曰視酒如漿視肉如霍也師古曰霍豆藜

也貧人茹之也蒼頭廬兒皆用致富非天意也

孟康曰黎民黔首黎黔皆黑也下民陰類故以黑爲號漢名奴

爲蒼頭非純黑以別於良人也諸給殿中者所居爲蒼頭侍從因呼爲廬兒臣瓚曰漢儀注官奴給書計從侍中已下爲蒼頭青幘及汝昌侯傅

商亡功而封夫官爵非陛下之官爵乃天下之官爵也陛

下取非其官官非其人而望天說民服豈不難哉方陽侯

孫寵宜陵侯息夫躬辨足以移衆彊可用獨立姦人之雄

或世尤劇者也宜以時能退及外親幼童未通經術者皆

宜令休就師傅急徵故大司馬傅喜使領外親故大司空

何武師丹故丞相孔光故左將軍彭宣經皆更博士位皆

歷三公智謀威信可與建教化圖安危龔勝爲司直郡國皆慎選舉三輔委輸官不敢爲姦可大委任也陛下前以小不忍退武等海內失望

師古曰小有不快於心不能忍之也

陛下尙能容亡功

德者甚衆曾不能忍武等邪治天下者當用天下之心爲心不得自專快意而已也上之皇天見譴下之黎庶怨恨次有諫爭之臣陛下苟欲自薄而厚惡臣天下猶不聽也臣雖愚戇獨不知多受祿賜美食大官廣田宅厚妻子不與惡人結仇怨以安身邪誠迫大義官以諫爭爲職不敢不竭愚惟陛下少留神明覽五經之文原聖人之至意深

人物

思天地之戒臣宣呐鈍於辭不勝惓惓盡死節而已上以宣名儒優容之是時郡國地震民訛言行籌明年正月朔日蝕上乃徵孔光免孫寵息夫躬罷侍中諸曹黃門郎數十人宣復上書言陛下父事天母事地子養黎民即位以來父虧明母震動子訛言相驚恐今日蝕於三始

如淳曰正月一日爲

歲之朝月之朝日之朝始猶朝也

誠可畏懼小民正月朔日尙恐毀敗器物何

況於日虧乎陛下深內自責避正殿舉直言求過失罷退

外親及旁仄素餐之人

師古曰仄古側字也

徵拜孔光爲光祿大夫發

覺孫寵息夫躬過惡免官遣就國衆庶歛然莫不說喜天

人同心人心說則天意解矣乃二月丙戌白虹蚺日連陰不雨師古曰蚺音干此天有憂結未解民有怨望未塞者也侍中駙

馬都尉董賢本無葭李之親但以令色諛言自進賞賜亡

度竭盡府臧并合三第尚以為小復壞暴室師古曰時以三第總為一第賜賢猶

嫌隘小復取暴室之地以增益之也賢父子坐使天子使者將作治第行夜吏卒

皆得賞賜師古曰為賢第上持時行夜者上家有會輒太官為供海內貢獻當

養一君今反盡之賢家豈天意與民意邪天不可久負厚

之如此反所以害之也誠欲哀賢宜為謝過天地解讐海

內免遣就國收乘輿器物還之縣官如此可以父子終其

人物 二十

性命不者海內之所仇未有得久安者也孫寵息夫躬不

宜居國可皆免以視天下復徵何武師丹彭宣傳喜曠然

使民易視以應天心建立大政以興太平之端高門去省

戶數十步求見出入二年未省師古曰不被省視也欲使海瀕仄陋自

通遠矣願賜數刻之間極竭耄耄之思師古曰耄音沐沐沐猶蒙蒙也如淳曰謹愿之貌也

退入三泉死亡所恨師古曰三重之泉言其深也上感大異納宣言徵何武

彭宣旬月皆復為三公拜宣為司隸時哀帝改司隸校尉

但為司隸官比司直丞相孔光四時行園陵官屬以令行

馳道中宣出逢之使吏鉤止丞相掾史沒入其車馬摧辱

馳道中宣出逢之使吏鉤止丞相掾史沒入其車馬摧辱

宰相事下御史中丞侍御史至司隸官欲捕從事閉門不肯內師古曰御史欲捕從事而司隸閉門不得入也宣坐距閉使者亡人臣禮大不敬不

道下廷尉獄博士弟子濟南王咸舉幡太學下曰欲救鮑司隸者會此下諸生會者千餘人朝日遮丞相孔光自言丞相車不得行又守闕上書上遂抵宣罪減死一等髡鉗宣既被刑乃徙之上黨以爲其地宜田牧又少豪俊易長雄遂家于長子平帝即位王莽秉政陰有篡國之心乃風州郡以臯法案誅諸豪桀及漢忠直臣不附已者宣及何武等皆死時名捕隴西辛興與宣女壻許緝俱過宣一

人物

二十一

飯去宣不知情坐繫獄自殺始隃麋郭欽哀帝時爲丞相司直奏免豫州牧鮑宣京兆尹薛修等又奏董賢左遷廬奴令平帝時遷南郡太守而杜陵蔣詡元卿爲兗州刺史亦以廉直爲名王莽居攝欽詡皆以病免官歸鄉里臥不出戶卒於家世祖即位徵薛方道病卒兩龔鮑宣子孫皆見褒表至大官

贊曰易稱君子之道或出或處或語或默言其各得道之一節譬諸草木區以別矣故曰山林之士往而不能反朝廷之士入而不能出二者各有所短春秋列國卿大夫及

至漢興將相名臣懷祿耽寵以失其世者多矣是故清節之士於是爲貴然大率多能自治而不能治人王貢之材優於龔鮑守死善道勝實蹈焉貞而不諒薛方近之郭欽蔣詡好遯不汙絕紀唐矣

師古曰欽詡不仕於莽遯逃濁亂不汙其節殊於紀遯及兩唐

〔按〕琅邪紀遯字王思沛郡唐林字子高唐遵字伯高皆王莽時清名之士也皆仕王莽封侯貴重歷公卿位者

〔考證〕高城地理志作高成

〔後漢書馮衍傳〕馮衍字敬通京兆杜陵人也

東觀記曰其先上黨

人物

二十二

潞人曾祖父 祖野王元帝時爲大鴻臚

野王字君卿奉世之長子也東觀記曰野王生座襲父爵

奉世徙杜陵 衍幼有奇才年九歲能誦詩

爲關內侯座生衍華嶠書曰衍祖父立生滿年十七喪父早卒滿生衍

至二十而博通羣書王莽時諸公多薦舉之者衍辭不肯仕時天下兵起莽遣更始將軍廉丹討伐山東丹辟衍爲掾與俱至定陶莽追詔丹曰倉廩盡矣府庫空矣可以怒矣可以戰矣將軍受國重任不捐身於中野無以報恩塞責丹惶恐夜召衍以書示之衍因說丹曰衍聞順而成者道之所大也逆而功者權之所貴也

於正道雖違逆

而事有成功者謂之權所謂反經合義者也

是故期於有成不問所由論於大體不

守小節昔逢丑父伏軾而使其君取飲稱於諸侯鄭祭
仲立突而出忽終得復位美於春秋蓋以死易生以存
易亡君子之道也詭於衆意寧國存身賢智之慮也

詭違也

故易曰窮則變變則通通則久是以自天祐之吉

無不利若夫知其不可而必行之破軍殘衆無補於主
身死之日負義於時

百猶失也

智者不爲勇者不行且衍聞

之得時無忘張良以五世相韓椎秦始皇博浪之中勇
冠乎賁育名高乎泰山將軍之先爲漢信臣

廉褒襄武人宣帝時爲後將軍

即丹之先新室之興英俊不附今海內潰亂人懷漢德甚於

人物

二十三

詩人思召公也愛其甘棠而况子孫乎人所歌舞天必
從之方今爲將軍計莫若屯據大郡鎮撫吏士砥礪其
節百里之內牛酒日賜納雄桀之士詢忠智之謀要將
來之心待從橫之變興社稷之利除萬人之害則福祿
流於無窮功烈著於不滅何與軍覆於中原身膏於草
野功敗名喪耻及先祖哉聖人轉禍而爲福智士因敗
而爲功願明公深計而無與俗同丹不能從進入睢陽
復說丹曰蓋聞明者見於無形智者慮於未萌况其昭
哲者乎凡患生於所忽禍發於細微敗不可悔時不可

失公孫鞅曰有高人之行負非於世有獨見之慮見贅

於人語惡史記商呂傳贅猶見也史記贅作贅故信庸庸之論破金石之策襲當

世之操失高明之德夫決者智之君也疑者事之役也

時不重至公勿再計丹不聽遂進及無鹽與赤眉戰死

衍乃亡命河東更始二年遣尚書僕射鮑永行大將軍

事安集北方永字君長可隸校尉宣之子衍因以計說永曰衍聞明君

不惡切慙之言以測幽冥之論忠臣不顧爭引之患以

達萬機之變是故君臣兩興功名兼立銘勒金石令聞

不忘今衍幸逢寬明之日將值危言之時豈敢拱默避

人物

罪而不竭其誠哉伏念天下離王莽之害久矣始自東

郡之師離遣也莽居攝元年翟義起兵於東郡莽發八將軍以擊之東郡今滑州也繼以西海之役莽居攝元

年西羌應恬傅捕等怨莽奪其地為西海郡巴蜀沒於南夷莽篡位貶西

為倭王邯恚恨攻益州殺大尹程降莽發緣邊破於北狄莽建國三年烏

巴蜀吏士擊之出入三年死者十七八遠征萬里暴兵累年

王入雲中大殺吏人大誅萬餘中輩數千殺鴈門暴露禍拏未解兵連不息暴露也刑法彌深賦斂愈重衆

彊之黨橫擊於外百僚之臣貪殘於內元元無聊饑寒

並臻父子流亡夫婦離散廬落邱墟田疇蕪穢疾疫大

興災異蜂起於是江湖之上海岱之濱風騰波涌更相

駘藉

前書音義曰踏踏也今此爲駘古字通

四垂之人肝腦塗地死亡之數

不啻太半殃咎之毒痛入骨髓匹夫僮婦咸懷怨怒皇

帝以聖德靈威龍興鳳舉率宛葉之衆將散亂之兵

○劉攽曰案唾血是照時唾血此當作喋與前書同也

陳摧

九虎之軍

莽末下江兵鄧羣王匡攻武關莽乃拜將軍九人皆以虎爲號曰垠匡等擊破六虎敗走二虎乃保京師倉鄧羣等乃開武關河更始

雷震四海席卷天下攘禍除亂誅滅無道一暮之間
海內大定繼高祖之休烈脩文武之絕業社稷復存炎
精更輝德冠往初功無與二天下自以去亡新就聖漢
當蒙其福而賴其願樹恩布德易以周洽其猶順驚風

人物

二十五

而飛鴻毛也然而諸將虜掠逆倫絕理殺人父子妻人
婦女燔其室屋略其財產饑者毛食寒者裸跣冤結失
望無所歸命今大將軍以明淑之德秉大使之權統三
軍之政存撫并州之人惠愛之誠加乎百姓高世之聲
聞乎羣士故其延頸企踵而望者非特一人也且大將
軍之事豈得珪璧其行束修其心而已哉將定國家之
大業成天地之元功也昔周宣中興之主齊桓霸彊之
君耳猶有申伯召虎夷吾吉甫攘其螫賊安其疆宇况
乎萬里之漢明帝復興而大將軍爲之梁棟此誠不可

以忽也且衍聞之兵久則力屈人愁則變生今邯鄲之賊未滅真定之際復擾

邯鄲謂王郎也
真定謂劉揚也

而大將軍所部不

過百里守城不休戰軍不息兵革雲翔百姓震駭奈何自怠不爲深憂夫并州之地東帶名關北逼彊胡年穀獨熟人庶多資斯四戰之地攻守之場也如其不虞何以待之故曰德不素積人不爲用備不豫具難以應卒今生人之命縣於將軍將軍所仗必須良才宜改易非任更選賢能夫十室之邑必有忠信審得其人以承大將軍之明雖則山澤之人無不感德思樂爲用矣然後

人物

二十六

簡精銳之卒發屯守之士三軍既整甲兵已具相其土地之饒觀其水泉之利制屯田之術習戰射之教則威風遠暢人安其業矣若鎮太原撫上黨收百姓之歡心樹名賢之良佐天下無變則足以顯聲譽一朝有事則可以建大功惟大將軍開日月之明發深淵之慮監六經之論觀孫吳之策省羣議之是非詳衆士之白黑以超周南之迹垂甘棠之風令夫功烈施於千載富貴傳於無窮伊望之策何以加茲永旣素重衍爲且受使得自置偏裨乃以衍爲立漢將軍領浪孟長屯太原與上

黨太守田邑等繕甲養士扞衛并土及世祖即位遣宗

正劉延攻天井關與田邑連戰十餘合延不得進邑迎

母弟妻子為延所獲東觀記曰鄧禹使積弩將軍馮愔將兵擊愔邑悉得邑母弟妻子後邑聞更

始敗乃遣使詣洛陽獻璧馬即拜為上黨太守東觀記曰遣騎都尉

弓里游諫大夫何叔武即拜邑為上黨太守因遣使者招永衍永衍等疑不肯降而

忿邑背前約衍乃遺邑書曰蓋聞晉文出奔而子犯宣

其忠趙武逢難而程嬰明其賢二子之義當矣今三王

背畔赤眉危國三王見史始傳天下蠱動社稷顛隕是忠臣立功

之日志士馳馬之秋也伯玉擢選剖符專宰大郡夫上

人物

二十七

黨之地有四塞之固東帶三關西為國蔽三關謂上黨關壺口關石經關

也音奈何舉之以資彊敵開天下之匈假仇讐之刃豈

不哀哉衍聞之委質為臣無有二心挈瓶之智守不假

器是以晏嬰臨盟擬以曲戟不易其辭謝息守邠脅以

晉魯不喪其邑由是言之內無鉤頸之禍外無桃萊之

利臣賢案謝息得桃邑萊山故言無桃萊之利也而被畔人之聲蒙降城之恥竊為左

右羞之且邾庶其竊邑畔君以要大利曰賤而必書莒

牟夷以土地求食而名不滅是以大丈夫動則思禮行

則思義未省背此而身名能全者也為伯玉深計莫若

與鮑尚書同情戮力顯忠貞之節立超世之功如以尊親係累之故能捐位投命歸之尚書大義既全敵人紆怨上不損剖符之責下足救老幼之命申眉高談無愧天下若乃貪上黨之權惜全邦之實衍恐伯玉必懷周趙之憂上黨復有前年之禍昔晏平仲納延陵之誨終免欒高之難孫林父違穆子之戒故陷終身之惡以爲伯玉聞此至言必若刺心自非嬰城而堅守則策馬而不顧也聖人轉禍而爲福智士因敗以成勝願自彊於時無與俗同邑報書曰僕雖驚怯亦欲爲人者也豈苟

人物

二十八

貪生而畏死哉曲戟在頸不易其心誠僕志也間者老母諸弟見執於軍而邑安然不顧者豈非重其節乎若使人居天地壽如金石要長生而避死地可也今百齡之期未有能至老壯之間相去幾何誠使故朝尚在忠義可立雖老親受戮妻兒橫分邑之願也間者上黨黠賊大衆圍城義兵兩輩入據井陘邑親潰敵圍拒擊宗正自試智勇非不能當誠知故朝爲兵所害新帝司徒已定三輔隴西北地從風響應其事昭昭日月經天河海帶地不足以比死生有命富貴在天天下存亡誠云

命也邑雖沒身能如命何夫人道之本有恩有義義有所宜恩有所施君臣大義母子至恩今故主已亡義其誰爲老母拘執恩所當留而厲以貪權誘以策馬抑其利心必其不顧何其愚乎邑年三十歷位卿士性少嗜慾情厭事爲况今位尊身危財多命殆鄙人知之何疑君子君長敬通君長鮑永字也揭節垂組自相署立蓋仲由使門

人爲臣孔子譏其欺天君長據位兩州加以一郡衍集鮑永行將

軍事安集并州擁兵屯太原與太原李仲房同心并力而河東畔國兵不入聞更始敗故諸國

征之也彘縣名屬河東郡順帝改曰永安上黨見圍不窺大谷即上所謂黠賊所圍城者也

人物

窺言不來救也今并州大谷縣西有大谷是也宗正臨境莫之能援兵威屈辱國權日

捐三王背畔赤眉害主未見兼行倍道之赴昔墨翟累

繭救宋申包胥重胠存楚衛女馳歸唁兄之志主亡一

歲莫知定所虛冀妄言苟肆鄙塞未能事生安能事死

未知爲臣焉知爲主豈厭爲臣子思爲君父乎欲搖秦

山而蕩北海事敗身危要思邑言衍不從或訛言更始

隨赤眉在北永衍信之故屯兵界休界休縣屬太原郡今汾州縣方移書

上黨云皇在雍以惑百姓永遺弟升及子增張舒誘降

涅城東觀記曰升及舒等謀使營尉李匡先反涅城開門內兵殺其縣長馬晏立故謁者祝回爲涅長涅縣名屬上黨郡故城在今潞州鄉縣西涅音奴結反

舒家在上黨邑悉繫之又書勸永降永不答

東觀記載邑
曰愚聞丈夫不

釋故而致圖哲上不徵幸而出危今君長故主敗不能死新帝立不肯降擁衆而據
壁欲襲六國之從與邑同事一朝內爲勿頸之盟興兵背畔攻取涅城破君長之國
壞父母之鄉首難結怨輕弄凶器人心難知何意君長當爲此計昔者韓信將兵無
敵天下功不世出略不再見威執項羽名出高帝不知天時就烹於漢智伯分國既
有三晉欲大無已身死地分頭爲飲器君長銜命出征擁帶徒士上黨隱不能救河
東畔不能取朝有顛沛之憂國有分崩之禍上無仇牧之節下無不占之志天之所
壞人不能支君長將兵不與韓信同日而論威行得衆不及智伯萬分之半不見天
時不知厭足欲明人臣之義當先知故主之未然欲貪天下之利宜及新主之未爲
今故主已敗新主既成四海爲羅網天下爲敵人舉足遇害動搖觸患履深淵之薄
冰不爲嘯涉千鈞之發機不知懼何如其知也絕鮑氏之姓廢子都之業誦堯之言
服桀之行悲夫命也張舒內行邪孽不遵孝及疏其父族外附妻黨已收
三族將行其法能逃不自詣者舒也能夷舒宗者予也永邑遂結怨焉

自是

與邑有隙邑字伯玉馮翊人也後爲漁陽太守

東觀記曰
邑馮翊連

苟人也其先齊諸田父豐爲王莽著威將軍邑有大節涉學藝
能善屬文爲漁陽太守未到官道病徵還爲諫議大夫病卒

永衍審知更

人物

三十

始已歿乃共罷兵幅巾降於河內帝怨衍等不時至永
以立功得贖罪遂任用之而衍獨見黜永謂衍曰昔高
祖賞季布之罪誅丁固之功今遭明主亦何憂哉衍曰
記有之人有挑其鄰人之妻者挑其長者長者詈之挑
其少者少者報之後其夫死而取其長者或謂之曰夫
非罵爾者邪曰在人欲其報我在我欲其罵人也夫天
命難知人道易守守道之臣何患死亡頃之帝以衍爲
曲陽令

曲陽縣名屬常山郡故城在今定州彭城縣西
也。劉歆曰按彭城不在定州當作鼓城也

誅斬劇賊郭勝

等降五千餘人論功當封以讒毀故賞不行建武六年

日食衍上書陳八事其一曰顯文德二曰褒武烈三日修舊功四曰招俊傑五日明好惡六曰簡法令七日差秩祿八曰撫邊境書奏帝將召見初衍爲狼孟長以罪摧陷大姓令狐略是時略爲司空長史讒之於尙書令王護尙書周生豐曰衍所以求見者欲毀君也護等懼之即共排間衍遂不得入後衛尉陰興新陽侯陰就以外戚貴顯深敬重衍衍遂與之交結由是爲諸王所聘請

與及執並光烈皇后弟也衍集與陰就書曰衍聞神龍驥首幽雲景蒸明聖修德志士思名是以意同情合聲比相應也伏見君侯忠孝之性慈仁愍愍論議周密思慮深遠願以微賤數蒙聖恩被侯大惠祈年老被病恐一旦無祿命先犬馬懷抱不報齎恨入冥思剖肝膽有以塞責方今天下安定四海咸服蒙恩更生之

人物

臣無所効其死力側聞東平山陽王壯當之國擇除官屬衍不自量願侯白以衍備門衛鄙語曰水不激不能破舟矢不激不能飲羽不念舊惡名賢所高負責之臣欲言不敢惟侯哀憐深留聖心則闔棺之日魂復何恨尋爲司隸從事帝懲西京外戚賓客

故皆以法繩之大者抵死徒其餘至貶黜衍由此得罪

嘗自詣獄有詔赦不問

時衍又與就書曰奏曹掾馮衍叩頭死罪衍材素愚黠行

義汗穢外無鄉里之譽內無汗馬之勞猥蒙明府天覆之德華寵重疊問者椽史擬衍之罪衆煦飄山當爲灰土賴蒙明察揆其素行復保首領倍知厚德篤於慈父寢淫肌膚滲漉骨髓德重山嶽澤深河海前送妻子還淄縣遭雨逢暑以七月還至陽武聞詔捕諸王賓客惶怖詣闕冀先事自歸十一日到十二日書報歸田里即日束手詣洛陽詔獄十五日夜詔書勿問得出遭雨又疾大困冀高世之德施以田子老馬之惠贈以秦穆駿馬之恩使長有依歸以效忠心西歸故

郡閉門自保不敢復與親故通建武末上疏自陳曰臣伏念高祖之略而陳平之謀毀之則疏譽之則親以文

帝之明而魏尚之忠繩之以法則爲罪施之以德則爲功逮至晚世董仲舒言道德見妒於公孫弘李廣奮節於匈奴見排於衛青此忠臣之常所爲流涕也臣衍自惟微賤之臣上無無知之薦下無馮唐之說乏董生之才寡李廣之勢而欲免讒口濟怨嫌豈不難哉臣衍之先祖以忠貞之故成私門之禍

衍之祖馮參忠正不屈節於王氏五侯參姊爲中山王太后後

爲哀帝祖母傅太后陷以大逆參自殺親族死者十七人見前書

而臣衍復遭擾攘之時值兵革

之際不敢回行求時之利事君無傾邪之謀將帥無虜掠之心衛尉陰興敬慎周密內自修勅外遠嫌疑故敢

人物

三十二

與交通興知臣之貧數欲本業之臣自惟無三益之才不敢處三損之地固讓而不受之昔在更始太原執貨財之柄居倉卒之間據位食祿二十餘年而財產歲狹居處日貧家無布帛之積出無輿馬之飾於今遭清明之時筋躬力行之秋而怨讐叢興譏議橫世蓋富貴易爲善貧賤難爲工也疏遠壘畝之臣無望高闕之下惶恐自陳以救罪尤書奏猶以前過不用衍不得志退而作賦又自論曰馮子以爲夫人之德不碌碌如玉落落

如石

老子道德經之辭也言可貴可賤皆非道真玉形碌碌爲人所貴石形落落爲人所賤既失矣貴亦未得言當處才不才之間

風興

雲蒸一龍一蛇與道翔翔與時變化夫豈守一節哉用
之則行舍之則藏進退無主屈伸無常故曰有法無法
因時爲業有度無度與物趣舍常務道德之實而不求
當世之名闕略杪小之禮蕩佚人間之事正身直行恬
然肆志顧嘗好俶儻之策時莫能聽用其謀喟然長歎
自傷不遭久棲遲於小官不得舒其所懷抑心折節意
悽情悲夫伐冰之家不利雞豚之息委積之臣不操市
井之利况歷位食祿二十餘年而財產益狹居處益貧
惟夫君子之仕行其道也慮時務者不能與其德爲身

人物

三十三

求者不能成其功去而歸家復羈旅於州郡身愈據職
家彌窮困卒離饑寒之災有喪元子之禍先將軍葬渭

陵哀帝之崩也營之以爲園

奉世爲右將軍卽隨之曾祖故言先將軍渭陵元帝陵在長安北五十里哀帝

義陵在長安北四十六里奉世墓人義陵塋中所以衍不得入葬而別求也

於是以新豐之東鴻門之上

壽安之中地勢高敞四通廣大南望鄠山北屬涇渭東

瞰河華龍門之陽三晉之路西顧鄠鄠周秦之邱宮觀

之墟通視千里覽見舊都遂定塋焉

衍墓在今新豐縣南四里

退而幽

居蓋忠臣過故墟而歔歔孝子入舊室而哀歎每念祖
考著盛德於前垂鴻烈於後遭時之禍墳墓蕪穢春秋

蒸嘗昭穆無列年衰歲暮悼無成功將西田牧肥饒之
野殖生產修孝道營宗廟廣祭祀然後闔門講習道德
觀覽乎孔老之論庶幾乎松喬之福上隴阪陟高岡游
精宇宙流日八紘歷觀九州山川之體追覽上古得失
之風愍道陵遲傷德分崩夫觀其終必原其始故存其
人而詠其道疆理九野經營五山眇然有思陵雲之意
乃作賦自厲命其篇曰顯志顯志者言光明風化之情
昭章元妙之思也其辭曰開歲發春兮百卉含英甲子
之朝兮汨吾西征發軔新豐兮裴回鎬京陵飛廉而太

人物

三十四

息兮登平陽而懷傷

飛廉觀名武帝元封二年立於長安上有銅飛廉因以名焉前書音義曰飛廉神禽能致風氣有角

而蛇尾文如豹文平陽縣名故城在今岐州岐山縣西南

悲時俗之險阨兮哀好惡之無常

棄衡石而意量兮隨風波而飛揚紛綸流於權利兮親
靄同而妒異獨耿介而慕古兮豈時人之所慕沮先聖
之成論兮邈名賢之高風忽道德之珍麗兮務富貴之
樂耽遵大路而裴回兮履孔德之窈冥固衆夫之所眩
兮孰能觀於無形行動直以離尤兮羌前人之所有內
自省而不慙兮遂定志而弗改欣吾黨之唐虞兮愍吾
生之愁勤聊發憤而揚情兮將以蕩夫憂心往者不可

攀援兮來者不可與期病沒世之不稱兮願橫逝而無
由陟雍時而消搖兮超略陽而不反念人生之不再兮

悲六親之日遠雍縣名屬右扶風故城在今岐州雍縣南時者止也神靈之所止也史記曰秦并天下而雍四時漢加黑帝謂之五

時消搖猶觀望也超過也略陽縣名屬天水郡今隴州隴城縣也六親夫婦父子兄弟也陟九嶷而臨羨辭兮聽

涇渭之波聲羨薛山一名嵯峨在八三原縣北羨音才結反薛音五結反顧鴻門而歎歎兮

哀吾孤之早零何天命之不純兮信吾罪之所生傷誠

善之無辜兮齎此恨而入冥嗟我思之不遠兮豈敗事

之可悔雖九死而不眠兮恐餘殃之有再淚汎瀾而雨

集兮氣滂滂而雲披心怫鬱而紆結兮意沈抑而內悲

人物

瞰太行之嵯峨兮觀壺口之崢嶸悼邱墓之蕪穢兮恨

昭穆之不榮太行山在上黨南壺口山在上黨東衍之遠祖馮亭為韓上黨守以上黨降趙趙封亭三萬戶號華陽君死因葬上黨其墓在

今潞州上黨縣西衍在關中遙相望之即序所謂通視千里覽見舊部者也嵯峨高大貌崢嶸深遠貌歲忽忽而日邁兮壽

冉冉其不與恥功業之無成兮赴原野而窮處昔伊尹

之干湯兮七十說而乃信臯陶釣於霽澤兮賴虞舜而

後親無二士之遭遇兮抱忠貞而莫達率妻子而耕耘

兮委厥美而不伐韓盧抑而不縱兮騏驥絆而不試獨

慷慨而遠覽兮非庸庸之所識卑衛賜之阜貨兮高顏

回之所慕重祖考之洪烈兮故收功於此路循四時之

代謝兮分五土之刑德相林麓之所產兮嘗水泉之所
殖修神農之本業兮採軒轅之奇策追周棄之遺教兮
軼范蠡之絕迹陟隴山以踰望兮眇然覽於八荒風波
飄其並興兮情惆悵而增傷覽河華之決漭兮望秦晉
之故國憤馮亭之不遂兮愠去疾之遭惑

馮亭以上黨降趙秦破趙於長平而

亭死故言不遂愠怨也馮去疾爲秦丞相胡亥元年用趙高計始皇大臣咸見誅戮無遺脫者早遭惑也亭及去疾皆衍之先故遠懷憤怨也決音鳥朗反漭音莽

流山岳而周覽兮徇碣石與洞庭浮江河而入海兮泝
淮濟而上征瞻燕齊之舊居兮歷宋楚之名都哀羣后
之不祀兮痛列國之爲墟馳中夏而升降兮路紆軫而

人物

三十六

多艱講聖哲之通論兮心怫憶而紛紜惟天路之同軌
兮或帝王之異政堯舜煥其蕩蕩兮禹承平而革命并
日夜而幽思兮終悚憚而洞疑高陽懇其超遠兮世孰
可與論茲訊夏啓於甘澤兮傷帝典之始傾頌成康之
載德兮詠南風之歌聲思唐虞之晏晏兮揖稷契與爲
朋苗裔紛其條暢兮至湯武而勃興昔三后之純粹兮
每季世而窮禍弔夏桀於南巢兮哭殷紂於牧野詔伊
尹於亳郊兮享呂望於鄴洲功與日月齊光兮名與三
王爭流揚朱號乎衢路兮墨子泣乎白絲知漸染之易

性兮怨造作之弗思美關雎之識微兮愍王道之將崩
拔周唐之盛德兮捃桓文之譎功忿戰國之遘禍兮憎
權臣之擅彊黜楚子於南郢兮執趙武於溴梁溴音古
寬反
善忠信之救時兮惡詐謀之妄作聘申叔於陳蔡兮禽
荀息於虞虢誅犁鉏之介聖兮討臧倉之愬知嬖子反
於彭城兮爵管仲於夷儀疾兵革之浸滋兮苦攻伐之
萌生沈孫武於五湖兮斬白起於長平惡叢巧之亂世
兮毒縱橫之敗俗流蘇秦於洹水兮幽張儀於鬼谷澄
德化之陵遲兮烈刑罰之峭峻燔商鞅之法術兮燒韓

人物

三十七

非之說論誚始皇之跋扈兮投李斯於四裔滅先王之
法則兮禍漫淫而宏大援前聖以制中兮矯二主之驕
奢饕女齊於絳臺兮饗椒舉於章華擗道德之光耀兮
匡哀世之眇風褻宋襄於泓谷兮表季札於延陵撫仁
智之英華兮激亂國之末流觀鄭僑於溱洧兮訪晏嬰
於營邱日曠曠其將暮兮獨於邑而煩惑夫何九州之
博大兮迷不知路之南北駟素虬而馳騁兮乘翠雲而
相佯就伯夷而折中兮得務光而愈明欵子高於中野
兮遇伯成而定慮欽真人之德美兮淹躊躇而弗去意

斟湛而不澹兮俟回風而容與求善卷之所存兮遇許
由於負黍輒吾車於箕陽兮秣吾馬於潁潁聞至言而
曉領兮還吾反乎故宇覽天地之幽奧兮統萬物之維
綱究陰陽之變化兮昭五德之精光躍青龍於滄海兮
參白虎於金山鑿巖石而爲室兮託高陽以養仙神雀
翔於鴻崖兮元武潛於嬰冥伏朱樓而四望兮採三秀
之華英

楚辭曰採三秀於山間王逸曰謂芝草也東觀記及衍集秀字作奇英
字作靈次下云食九芝之茂英此若芝不宜重說但不知三奇是何
草也范改奇爲
秀恐失之矣

纂前脩之夸節兮曜往昔之光勳披縉季

之麗服兮揚屈原之靈芬高吾冠之岌岌兮長吾佩之

人物

三十八

洋洋飲六醴之清液兮食五芝之茂英撻六枳而爲籬
兮築蕙若而爲室播蘭芷於中庭兮列杜衡於外術攢
射干雜薜蘿兮構木蘭與新夷光扈扈而煬燿兮紛郁
都而暢美華芳羣其發越兮時恍惚而莫貴非惜身之
培軻兮憐衆美之憔悴游精神於大宅兮抗元妙之常
操處清志靜以養志兮實吾心之所樂山峨峨而造天
兮林冥冥而暢茂鸞回翔索其羣兮鹿哀鳴而求其友
誦古今以散思兮覽聖賢以自鎮嘉孔邱之知命兮大
老明之貴元德與首其孰寶兮名與身其孰親陂山谷

而閒處兮守寂寞而存神夫莊周之釣魚兮辭卿相之
顯位於陵子之灌園兮似至人之髣髴蓋隱利而得道
兮羌窮悟而入術離塵垢之窈冥兮配喬松之妙節惟
吾志之所庶兮固與俗其不同既俶儻而高引兮願觀
其從容顯宗即位又多短衍以文過其實遂廢於家衍
娶北地女任氏爲妻悍忌不得畜媵妾兒女常自操井
臼老竟逐之遂堦壞於時然有大志不戚戚於賤貧居
常慷慨歎曰衍少事名賢經歷顯位懷金垂紫揭節奉
使金即印也紫謂綬也揭持也音求謁反不求苟得常有凌雲之志三公之貴

人物

三十九

千金之富不得其願不槩於懷貧而不衰賤而不恨年
雖疲曳猶庶幾名賢之風脩道德於幽冥之路以終身
名爲後世法居貧年老卒于家所著賦誄銘說問交德

誥慎情

衍集有問交一篇慎情一篇

書記說自序官錄說策五十篇

衍集見有

二十肅宗甚重其文子豹豹字仲文年十一母爲父所

出後母惡之嘗因豹夜寐欲行毒害豹逃走得免敬事

愈謹而母疾之益深時人稱其孝

衍與宣孟書曰居室之義人之大倫思厚歎和之節

樂定金石之固又自傷前遭不良比有去兩婦之名事誠不得不然豈中心之所好哉觀其書意似此妻又見出之

長好儒學以詩

春秋教麗山下鄉里爲之語曰道德彬彬馮仲文舉孝

廉拜尙書郎忠勤不懈每奏事未報常俯伏省闔或從昏至明肅宗聞而嘉之使黃門持被覆豹勅令勿驚由是數加賞賜是時方平西域以豹有才謀拜爲河西副校尉和帝初數言邊事奏置戍已校尉城郭諸國復率舊職遷武威太守視事二年河西稱之復徵入爲尙書永元十四年卒於官

論曰夫貴者負勢而驕人才士負能而遺行其大略然也二子不其然乎馮衍之引挑妻之讐得矣夫納妻皆知取譽已者而取士則不能何也豈非反妒情易而恕

人物

義情難光武雖得之於鮑永猶失之於馮衍

自此以上皆華囑之詞

夫然義直所以見屈於既往守節故亦彌阻於來情嗚呼

贊曰譚非讖術衍晚委質道不相謀詭時同失體兼上才榮微下秩

按儒大文山西通志載馮衍之藝文蓋以衍爲上黨人也然漢書馮奉世上黨潞人徙杜陵而馮參傳宗族徙歸故郡奉世之徙杜陵當在封關內侯時既徙杜陵則右內史京兆尹即其故郡不聞參徙歸潞也

又參傳以中山王舅封宜鄉侯王上奏願貶參爵以關內侯食邑留長安上下詔曰中山孝王願以舅宜鄉侯參爲關內侯歸家朕甚愍之其還參京師以列侯奉朝請是京師即其家家不在故郡外也奉世本潞人而譚野王遂立參皆隨奉世在杜陵故班書不紀其邑里若衍則范書明指其爲杜陵人未有參以潞爲故郡而衍又再徙杜陵史反軼之者也故一統志以奉世爲潞安人物野王衍豹爲西安人物甚確然野王兄弟可因奉世而系于潞衍父子雖奉世之

人物

四十一

孫別自爲杜陵人耳今附衍于第二格弗敢溷也○馮衍集藝文多矣茲不具錄

或謂上黨馮胄於安帝元初四年爲李郃心喪而後漢書注以爲奉世之後衍在胄前何以見其非上黨人與曰馮亭之後或留潞或在趙具見班書奉世徙杜陵時不必盡以其族行也衍則奉世之孫無繇獨在潞耳

〔後漢書鮑永傳〕鮑永字君長上黨屯留人也父宣哀帝時任司隸校尉爲王莽所殺永少有志操習歐陽尙書

歐陽生字和伯千乘人受尚書於伏生見前書

事後母至孝妻嘗於母前吐狗而永即去之初爲郡功曹莽以宣不附已欲滅其子孫都尉路平承望風旨規欲害永太守苟諫擁護召以爲吏常置府中永因數爲諫陳興復漢室翦滅篡逆之策諫每戒永曰君長幾事不密禍倚人門永感其言及諫卒自送喪歸扶風路平遂收永弟升太守趙興到聞乃歎曰我受漢茅土不能立節而鮑宣死之豈可害其子也剡縣出升復署永功曹時有矯稱侍中止傳舍者興欲謁之永疑其詐諫不聽而出興遂駕往永乃拔佩刀截馬當匈乃止後數日莽詔

人物

四十二

書果下捕矯稱者永由是知名舉秀才不應更始二年徵再遷尚書僕射行大將軍事持節將兵安集河東并州朔部得自置偏裨輒行軍法永至河東因擊青犢大破之更始封爲中陽侯中陽縣屬西河郡今汾州孝義縣也永雖爲將率而車服敝素爲道路所識東觀記曰永好文德雖行將軍常衣皂襜褕路稱鮑尚書兵馬俗本或有爲上加不者誤也時赤眉害更

始三輔道絕光武即位遣諫議大夫儲大伯持節徵永詣行在所永疑不從乃收繫大伯東觀記曰封大伯所持節於晉陽傳合璧中遣信人馳至長安也。劉邠

曰注文傳合案文傳合當作舍

遣使馳至長安既知更始已亡乃發喪出大伯等封上將軍列侯印綬悉罷兵但幅巾與將及同心客

百餘人詣河內帝見永問曰卿衆所在永離席叩頭曰臣事更始不能令全誠慙以其衆幸富貴故悉罷之帝曰卿言大而意不悅時攻懷未拔帝謂永曰我攻懷三日而兵不下關東畏服卿可且將故人自往城下譬之卽拜永諫議大夫至懷乃說更始河內太守於是開城而降帝大喜賜永洛陽商里宅

東觀記曰賜洛陽上商里宅陸機洛陽記曰上商里在洛陽東北本殷頑人所居故曰「商里宅也」

固辭

不受時董憲裨將屯兵於魯侵害百姓乃拜永爲魯郡太守永到擊討大破之降者數千人唯別帥彭豐虞林皮常等各千餘人稱將軍不肯下頃之孔子闕里無故荆棘自

人物

四十三

除從講堂至于里門永異之謂府丞及魯令曰方今危急而闕里自開斯豈夫子欲令太守行禮助吾誅無道邪乃會人衆修鄉射之禮請豐等共會觀視欲因此禽之豐等亦欲圖永乃持牛酒勞饗而潛挾兵器永覺之手格殺豐等禽破黨與帝嘉其略封爲關內侯遷揚州牧時南土尙多寇暴永以吏人瘡傷之後乃緩其銜轡示誅彊橫而鎮撫其餘百姓安之會遭母憂去官悉以財產與孤弟子建武十一年徵爲司隸校尉帝叔父趙王良尊戚貴重永以事劾良大不敬由是朝廷肅然莫不戒慎乃辟扶風鮑恢

爲都官從事恢亦抗直不避彊禦帝常曰貴戚且宜斂手以避二鮑其見憚如此永行縣到霸陵路經更始墓引車入陌墓在今萬年縣東北南北爲阡東西爲陌從事諫止之永曰親北面事人寧有過墓不拜雖以獲罪司隸所不避也遂下拜哭盡哀而去西至扶風椎牛上苟諫冢帝聞之意不平問公卿曰奉使如此何如太中大夫張湛對曰仁者行之宗忠者義之主也仁不遺舊忠不忘君行之高者也帝意乃釋後大司徒韓歆坐事永固請之不得以此忤帝意出爲東海相坐度田事不實被徵諸郡守多下獄永至城臯詔書迎拜爲兗

人物

州牧便道之官

東觀記詔書迎下永曰君晨夜冒犯霜露精神亦已勞矣以君帷幄近臣其以永爲兗州牧也

視事三

年病卒子昱

論曰鮑永守義於故主斯可以事新主矣耻以其衆受寵

斯可以受大寵矣若乃言之者雖誠而聞之未譬

譬猶曉也豈

苟進之悅易以情納持正之忤難以理求乎

言諂曲則易也剛直則難進入

誠能釋利以循道居方以從義

方直也

君子之槩也

昱字文泉少傳父學客授於東平建武初太行山中有劇賊太守戴涉聞昱鮑永子有智略乃就謁請署守高都長

高都縣屬上黨郡故城在今澤州也

昱應之遂討擊羣賊誅其渠帥道路開通由

是知名後為泚陽長政化仁愛境內清淨

東觀記曰泚陽人趙堅殺人繫獄其父母

詣昱自言年七十餘唯有一子滴新娶今繫獄當死長無種相涕泣求哀昱憐其言令將妻入獄解械止宿遂任身有子

荆州刺史表上

之再遷中元元年拜司隸校尉詔昱詣尚書使封胡降檄

檄軍書也若今之露布也

光武遣小黃門問昱有所怪不對曰臣聞故事

通官文書不著姓又當司徒露布

漢官儀曰羣臣上書公卿校尉諸將不言姓凡制書皆璽封尚書令

重封准赦贖令司從印露布州郡也

怪使司隸下書而著姓也帝報曰吾固欲令

天下和忠臣之子復為司隸也昱在職奉法守正有父風

永平五年坐救火遲免後拜汝南太守郡多陂池歲歲決

壞年費常三千餘萬昱乃上作方梁石洫

洫渠也以石為之猶今之水門也

人物

四十五

常饒足溉田倍多人以殷富十七年代王敏為司徒賜錢

帛什器帷帳除子得為郎

○劉攽曰案後皆作德字義無兩子名得德者知此字誤

建初元年

大旱穀貴肅宗召昱問曰旱既太甚將何以消復災嘗對

曰臣聞聖人理國三年有成今陛下始踐天位刑政未著

如有失得何能致異但臣前在汝南典理楚事

永平十三年楚王英謀反

連坐主在汝南昱時者劾之也

繫者千餘人恐未能盡當其罪先帝詔言大

獄一起冤者過半又諸徙者骨肉離分孤寡不祀一人呼

嗟王政為虧宜一切還諸徙家屬蠲除禁錮與減繼絕死

生獲所如此和氣可致帝納其言

東觀記曰時司徒辭訟久者至十數年比例輕重非其事類錯雜難

知昱奏定辭訟七卷決事部曰
八卷以齊同法令息過人訟也

四年代牟融爲太尉六年薨年七十

餘子德脩志節有名稱累官爲南陽太守時歲多荒災唯南陽豐穰吏人愛悅號爲神父時郡學久廢德乃修起橫

舍

橫學也字
又作盤

備俎豆黼冕行禮奏樂又尊饗國老宴會諸儒

百姓觀者莫不勸服在位九年徵拜大司農卒于官子昂字叔雅有孝義節行初德被病數年昂俯伏左右衣不緩帶及處喪毀瘠三年抱負乃行服闋遂潛于墓次不關時務舉孝廉辟公府連徵不至卒于家

贊曰鮑永沉吟晚乃歸正志達義全先號後慶申屠對策

人物

四十六

郅惲上書有道雖直無道不愚

〔明史景清附傳〕初金川門之啓御史連楹叩馬欲刺成祖被殺屍植直不仆楹襄垣人

〔明史暴昭傳〕暴昭潞州人洪武中由國子生援大理寺司務三十年擢刑部右侍郎明年進尙書耿介有峻節布衣麻履以清儉知名建文初充北平採訪使得燕不法狀密以聞請預爲備燕兵起設北平布政司於真定昭以尙書掌司事與鐵鉉輩悉心經畫平安諸軍敗召歸金川門陷出亡被執不屈磔死

明史任環傳任環字應乾長治人嘉靖二十三年進士
歷知黃平沙河滑縣並有能名遷蘇州同知倭患起長吏
不嫻兵革環性慷慨獨以身任之三十一年閏三月禦賊
寶山洋小校張治戰死環奮前搏賊相持數日賊遁去尋
犯太倉環馳赴之嘗遇賊短兵接身被三創幾殆宰夫捍
環出死之賊亦引去已而復至裹瘡出海擊之怒濤作操
舟者失色環意氣彌厲竟敗賊俘斬百餘復連戰陰沙寶
山南沙皆捷擢按察僉事整飭蘇松二府兵備倭剽掠厭
悉歸惟南沙三百人舟壞不能去環與總兵官湯克寬列

人物

四十七

兵守之數月賊大至與舊倭合掠華亭上海環等被劾得
宥踰年賊犯蘇州城閉鄉民繞城號環盡納之全活數萬
計副將解明道擊退賊論前後功進環右叅政賊掠常熟
環率知縣王鈇破其巢焚舟二十七未幾賊掠陸涇壩都
督周于德敗績環偕總兵官俞大猷擊敗之焚舟三十餘
賊犯吳江環大猷擊敗之鶯脰湖賊奔嘉興頃之三板沙
賊奪民舟出海環大猷襲敗之馬蹟山其別部屯嘉定者
火焚之盡死論功廕一子副千戶母憂奪哀賊屯新場環
與都司李經等率永順保靖兵攻之中伏保靖土舍彭翹

等皆死環停俸戴罪賊平乞終制許之踰二年卒四十給事中徐師曾頌其功詔贈光祿卿再廕一子副千戶建祠蘇州春秋致祭環在行間與士卒同寢食所得賜予悉分給之軍事急終夜露宿或數日絕餐嘗書姓名於肢體曰戰死分也先人遺體他日或收葬將士皆感激故所向有功

贊曰朱紉欲嚴海禁以絕盜源其論甚正顧指斥士大夫令不能堪卒爲所齟齬憤惋以死氣質之爲累悲夫當寇患孔熾撲滅惟恐不盡便宜行誅自其職爾而以爲罪則

人物

四十八

任法之過也張經功不賞而以冤戮稔倭毒而助之攻東南塗炭數十年讒賊之罪可勝誅哉宗憲以奢黷蒙垢然令徐海汪直之徒不死貽患更未可知矣曹邦輔任環戰功可紀李遂唐順之捍禦得宜而邦輔之平師尙詔李遂之靖亂卒其功尤著以其始終倭事故竝列焉

〔明史張克儉傳〕克儉字禹型屯留人崇禎四年進士授輝縣知縣六年春賊犯武安守備曹鳴鶚戰死遂犯輝縣克儉乘城固守賊不能下屯百泉書院三日而去遷兵部王事被薦召對稱旨十二年擢湖廣僉事監鄖襄諸軍楊

嗣昌鎮襄陽深倚仗之張獻忠羅汝才之敗也小秦王渾世王過天星等皆降嗣昌處之房竹山中命克儉安輯而諸賊得免死牌莫肯散自擇便地連營數百里時河南北大饑流民就食襄漢者日數萬降卒多闌入流民中克儉深憂之上書嗣昌曰襄陽自古要區本朝筦鑰獻陵眎昔尤重近兩河饑民雲集新舊降丁遍處其間一夫叫呼卽足致亂况秦兵以長武之變西歸鄖房軍府粗立降營基置突雷放虎自衛紫漢西興初無重門之備何恃不恐嗣昌不以爲意報曰昔高仁厚六日降賊百萬迄禽阡能監

人物

四十九

軍何怯邗及嗣昌入蜀委克儉以留務錄破賊功加右叅議監軍如故未幾以本官移守下川南道鄖陽巡撫袁繼咸奏留之十四年二月擢右僉都御史巡撫河南未聞命獻忠令人假督府軍符誑入襄陽城克儉不能辨夜分賊從中起焚襄王府克儉倉皇奔救爲賊所執大罵死

〔後漢書列女傳〕勃海鮑宣妻者桓氏之女也字少君宣嘗就少君父學父奇其清苦故以女妻之裝送資賄甚盛宣不悅謂妻曰少君生富驕習美飾而吾實貧賤不敢當禮妻曰大人以先生脩德守約故使賤妾侍執巾櫛旣奉

承君子唯命是從宣笑曰能如是是吾志也妻乃悉歸侍御服飾更著短布裳與宣共挽鹿車鄉里拜姑禮畢提甕出汲修行婦道鄉邦稱之宣哀帝時官至司隸校尉子永中興初爲魯郡太守永子昱從容問少君曰太夫人寧復識挽鹿車時不對曰先姑有言存不忘亡安不忘危吾焉敢忘乎永昱已見前傳

〔漢書外戚傳〕孝元馮昭儀平帝祖母也元帝即位二年以選入後宮時父奉世爲執金吾昭儀始爲長使數月至美人後五年就館生男拜爲婕妤時父奉世爲右將軍光

人物列女

五十

祿勳奉世長男野王爲左馮翊父子並居朝廷議者以爲器能當其位非用女寵故也而馮婕妤內寵與傅昭儀等建昭中上幸虎圈鬪獸後宮皆坐熊佚出圈攀檻欲上殿左右貴人傅昭儀等皆驚走馮婕妤直前當熊而立左右格殺熊上問人情驚懼何故前當熊婕妤對曰猛獸得人而止妾恐熊至御坐故以身當之元帝嗟嘆以此倍敬重焉傅昭儀等皆慙明年夏馮婕妤男立爲信都王尊婕妤爲昭儀元帝崩爲信都太后與王俱居儲元宮河平中隨王之國後徙中山是爲孝王後徵定陶王爲太子封中山

王舅參爲宜鄉侯參馮太后少弟也是歲孝王薨有一男嗣爲王時未滿歲有告病太后自養視數禱祠解哀帝即位遣中郎謁者張由將醫治中山小王由素有狂易病病發怒去西歸長安尙書簿責擅去狀由恐因誣言中山太后祝詛上及太后太后卽傳詔儀也素常怨馮太后因是遣御史丁立案驗盡收御者官吏及馮氏昆弟在國者百餘人分繫雒陽魏郡鉅鹿數十日無所得更使中謁者令史立師古曰官爲中謁者令姓史名立與丞相長史大鴻臚丞雜治立受傅太后指幾得封侯治馮太后女弟習及寡弟婦君之死者數

人物列女

五十一

十人巫劉吾服祝詛鑿徐遂成言習君之曰武帝時鑿脩氏刺治武帝得二千萬耳今愈上不得封侯不如殺上令中山王代可得封立等劾奏祝詛謀反大逆責問馮太后無服辭立曰熊之上殿何其勇今何怯也太后還謂左右此迺中語前世事師古曰中語謂宮中之言語也更何用知之是欲陷我效也師古曰效徵驗也迺飲藥自殺先未死有司請誅之上不忍致法

廢爲庶人徙雲陽宮旣死有司復奏太后死在未廢前有詔以諸侯王太后儀葬之宜鄉侯參君之習夫及子當相坐者或自殺或伏法參女并爲孝王后有兩女有司奏免

爲庶人與馮氏宗族徙歸故郡張由以先告賜爵關內侯
史立遷中太僕哀帝崩大司徒孔光奏由前誣告骨肉立
陷人入大辟爲國家結怨於天下以取秩遷獲爵邑幸蒙
赦令請免爲庶人徙合浦云

〔明史列女傳〕吳氏潞州廩生盧清妻舅姑歿於臨洛寄
瘞旅次清授徒自給後失廩充椽於汴憤耻發狂死吳聞
訃痛絕哭曰吾舅姑委骨於北良人死忍令終不返乎乃
寄幼孤於姊兄鬻次女爲資獨抵臨洛覓舅姑葬處不得
號泣中野忽一丈夫至則清所授徒也爲指示收二骸以

人物列女

五十二

歸復冒暑之汴負夫骨還三喪畢舉忍餓無他志學正劉
崧言於知州馬噉贖其女厚恤之年七十五乃卒後有畢
氏河閒鄧節妻年饑攜家景州就食舅姑相繼亡節亦尋
歿俱藁葬景州氏年三十三無子女獨歸里中忍饑凍晝
夜紡織積數年市地城北八里莊獨之景州負舅姑及夫
骨還葬

〔明史列女傳〕郭氏長治宋體道妻崇禎十五年任國琦
作亂同居諸婦皆羅跪呼郭不出獨匿堦垣賊怒詰其不
跪瞪目厲聲曰我跪亦死不跪亦死已安排不活矣賊加

數刃迄死罵不絕口

〔甘澤謠〕唐潞州節度使薛嵩家青衣紅線者善彈阮咸又通經史嵩乃俾掌其牋表號曰內記室時軍中大宴紅線謂嵩曰羯鼓之聲頗甚悲切其擊者必有事也嵩素曉音律曰如汝所言乃召而問之云某妻昨夜身亡不敢求假嵩遽放歸是時至德之後兩河未寧以滏陽爲鎮命嵩固守控壓山東殺傷之餘軍府草創朝廷命嵩遣女嫁魏博節度使田承嗣男又遣嵩男娶滑亳節度使令狐章女三鎮交爲姻婭使使日浹往來而田承嗣常患肺氣遇熱

人物 仙釋

五十三

增劇每日我若移鎮山東納其涼冷可以延數年之命乃募軍中武勇十倍者得三千人號外宅男兒厚其卹養常令三百人夜直州宅卜選良日將併潞州嵩聞之日夜憂悶咄咄自語計無所出時夜漏將傳轅門已閉杖策庭際唯紅線從焉紅線曰主自一月不遑寢食意有所屬豈非隣境乎嵩曰事繫安危非爾能料紅線曰某誠賤品亦能解主憂者嵩聞此語異乃曰我知汝是異人我暗昧也遂具告其事曰我承祖父遺業受國家重恩一旦失其疆土即數百年勦伐盡矣紅線曰此易與耳不足勞主憂焉暫

放某一到魏城觀其形勢覘其有無今一更首途二更可
以復命請先定一走馬使具寒暄書其他即待某却迴也
嵩曰然事或不濟反速其禍又如之何紅線曰某之此行
無不濟也乃入闈房飭其行具乃梳烏蠻髻貫金雀釵衣
紫繡短袍繫青絲輕履胸前佩龍文匕首額上書太乙神
名再拜而行倏忽不見嵩乃反身閉戶背燭危坐常時飲
酒不過數合是夕舉觴十餘不醉忽聞曉角吟風一葉墜
露驚而起問即紅線迴矣嵩喜而慰勞曰事諧否紅線曰
不敢辱命又問曰無傷殺否曰不至是但取牀頭金合爲

信耳紅線曰某子夜前一刻即達魏城凡歷數門遂及寢
所聞外宅兒止於房廊睡聲雷動見中軍士卒徒步於庭
傳叫風生乃發其左扉抵其寢帳田親家翁止於帳內鼓
跌酣眠頭枕文犀髻包黃縠枕前露一星劍劍前仰開一
金合合內書生身甲子與北斗神名復以名香美珠散覆
其上然則揚威玉帳坦其心豁於生前熟寢蘭堂不覺命
懸於手下寧勞擒縱只益傷嗟時則蠟炬烟微爐香燼委
侍人四布兵器交羅或頭觸屏風鼾而譁者或手持巾拂
寢而伸者某乃拔其簪珥縻其襦裳如病如醒皆不能寤

遂持金台以歸出魏城西門將行二百里見銅臺高揭漳水東流晨雞動野斜月在林忿往喜還頓忘於行役感知酌德聊副於依歸所以當夜漏三時往返七百里入危邦一道經過五六城冀滅主憂敢言其苦嵩乃發使入魏遣田承嗣書曰昨夜有客從魏中來云自元帥牀頭獲一金台不敢留駐謹却封納專使星馳夜半方到見搜捕金台一軍憂疑使者以馬箠撻門非時請見承嗣遽出使者乃以金台授之捧承之時驚怛絕倒遂留使者止於宅中狎以宴私多其賜賚明日專遣使齎帛三萬匹名馬二百匹

人物 仙釋

五十五

雜珍異等以獻於嵩曰某之首領繫在恩私便宜知過自新不復更貽伊戚專膺指使敢議親姻彼當捧轂後車來在麾鞭前馬所置紀綱外宅兒者本防他盜亦非異圖今並脫其甲裳放歸田畝矣由是一兩個月內河北河南信使交至忽一日紅線辭去嵩曰汝生我家今欲安往又方賴於汝豈可議行紅線曰某前本男子遊學江湖間讀神農藥書而救世人災患時里有孕婦忽患蠱癥某以芫花酒下之婦人與腹中二子俱斃是某一舉殺其三人陰力見誅降爲女子使身居賤隸氣稟凡俚幸生於公家今十

九年矣身厭羅綺口窮甘鮮寵待有加榮亦甚矣况國家
建極慶且無疆此即違天理當盡弭昨往魏邦以是報恩
今兩地保其城池萬人全其性命使亂臣知懼列士謀安
在某一婦人功亦不小固可贖其前罪還其本形便當遁
跡塵中棲心物外澄清一氣生死長存嵩曰不然以千金
爲居山之所紅線曰事關來世安可預謀嵩知不可留乃
廣爲饑別悉集賓友夜宴中堂嵩以歌送紅線酒請座客
吟朝陽爲詞詞曰採菱歌怨木蘭舟送客魂消百尺樓還
似洛妃乘霧去碧天無際水空流歌竟嵩不勝其悲紅線
拜且泣因僞醉離席遂亡所在

人

物

仙釋

五十六



濬
郡
舊
聞

下
冊

1934

圖
整
正
庫

軼事

書西伯既戡黎祖伊恐奔告于王

書傳周人乘黎乘勝也

韓氏上黨守馮亭使者至曰韓不能守上黨入之於秦其吏民皆安爲趙不欲爲秦有城市邑十七願再拜入之趙聽王所以賜吏民王大喜召平陽君豹告之曰馮亭入城市邑十七受之何如對曰聖人甚禍無故之利王曰人懷吾德何謂無故乎對曰夫秦蠶食韓氏地中絕不令相通固自以爲坐而受上黨之地也韓氏所以不入於秦者欲

軼事

嫁其禍於趙也秦服其勞而趙受其利雖疆大不能得之於小弱小弱顧能得之於疆大乎豈可謂非無故之利哉且夫秦以牛田之水通糧蠶食上乘倍戰者裂上國之地其政行不可與爲難必勿受也王曰今發百萬之軍而攻踰年歷歲未得一城也今以城市邑十七幣吾國此大利也趙豹出王召平原君與趙禹而告之對曰發百萬之軍而攻踰歲未得一城今坐受城市邑十七此大利不可失也王曰善乃今趙勝受地告馮亭曰敝國使者臣勝敝國君使勝致命以萬戶都三封太守千戶都三封縣令皆世

世爲侯吏民皆益爵三級吏民能相安皆賜之六命馮亭垂涕不見使者曰吾不處三不義也爲主守地不能死固不義一矣入之秦不聽主令不義三矣賣主地而食之不義三矣趙遂發兵取上黨史紀趙世家

史記大宛傳又封身斬都成王者李哆爲上黨太守

史記酷吏傳義縱者河東人也爲少年時嘗與張次公俱攻剽爲羣盜縱有姊姁以醫幸王太后太后問有子兄弟爲官者乎姊曰有弟無行不可太后迺告上拜義姁弟縱爲中郎補上黨郡中令治敢行少蘊藉縣無逋事舉爲第

軼事

一

漢書五行志穀梁公羊傳長狄兄弟三人一者之魯一者

之齊一者之晉

師古曰焚如也宣十五年晉滅潞國而獲之

皆殺之身橫九晦斷其

首而載之眉見于軾

大司空甄豐承莽風指遣使者乘傳案治黨與連引諸所

欲誅上黨鮑宣南陽彭偉杜公子

漢書何武傳

漢書景武昭宣元功臣表春秋列潞子之爵許其慕諸夏

也

秦始皇八年河魚大上劉向以爲近魚孽也是歲始皇弟

長安君將兵擊趙反死屯留軍吏皆斬遷其民於臨洮師古曰本使長安君擊趙至屯留而謀反作亂故賜長安長君死斬其軍吏遷其黔首也屯留上黨縣也臨洮即今之洮州也

漢書五行志

漢書

漢書郊祀志其明年始皇復遊海上至琅邪過恒山從上黨歸

漢書酈食其傳夫漢王發蜀漢定三秦涉西河之外援上黨之兵

漢書叙傳

軼事

三

漢書食貨志耿壽昌五鳳中奏言故事歲漕關東谷四百萬斛以給京師用卒六萬人宜糴三輔弘農河東上黨太原郡穀足供京師可以省關東漕卒過半

景獻羊皇后諱徽瑜泰山南城人父衛上黨太守

晉書后

妃傳

羊祜字叔子父衛上黨太守

晉書羊祜傳

鷓冠加雙鷓尾豎插兩邊鷓鳥名也形類鶴而微黑性果勇其鬪到死乃止上黨貢之

晉書輿服志

永嘉三年劉元海遣子聰及王彌寇上黨圍壺關并州刺

史劉琨使兵救之爲聰所敗淮南內史王曠將軍施融曹超及聰戰又敗超融死之上黨太守龐淳以郡降賊

晉書

懷帝紀

建興三年秋七月劉聰寇上黨劉琨將救之八月癸亥戰

于襄垣王師敗績

晉書聰帝紀

泰始五年六月鄴奚官督郭虞上黨陳五事以諫言甚切

直擢爲屯留令

晉書武帝紀

太康二年秋七月上黨又暴風雨雹傷秋稼

晉書武帝紀

永平四年匈奴郝散反攻上黨殺長吏

晉書惠帝紀

軼事

四

永平五年九月雁門新興太原上黨大風傷禾稼

晉書惠

帝紀

咸寧三年八月平原安平上黨泰山四郡霜害三豆

晉書

五行志

永和十一年二月壬戌上黨人馮鴛自稱太守背苻生遣

使來降

晉書穆帝紀

升平二年六月慕容恪進據上黨冠軍將軍馮鴛以衆叛

歸慕容雋雋盡陷河北之地

晉書穆帝紀

寧康十九年八月慕容垂擊慕容永於長子斬之

晉書武

帝紀

太康元年五月東平平陽上黨雁門濟南兩雹傷禾麥三
豆二年五月上黨兩雹傷禾稼七月上黨兩雹晉書五行
志

太康二年七月上黨又大風傷秋稼晉書五行志

惠帝元康五年九月鴈門新興太原上黨災風傷稼晉書
五行志

初東嬴公騰之鎮鄴也攜并州將田甄甄弟蘭任社祁濟
李渾薄盛等部衆萬餘人至鄴遣就穀冀州號爲乞活及

軼事

五

騰敗甄等邀破汲桑於赤橋越以甄爲汲郡蘭爲鉅鹿太
守甄求魏郡越不許甄怒故召不至望旣渡河甄退李渾
薄盛斬田蘭率其衆降甄社濟棄軍奔上黨晉書東海王

越傳

慕容永之東也禮樂器用多歸長子及垂平永並入中山
魏書樂志

永以苻丕至平陽恐不能自固乃遣使求丕假道還東丕
不許率衆討永永擊走之進據長子永僭稱帝號年中興
垂攻丁零翟釗於滑臺釗請救永永謀於衆尙書郎渤海

鮑遵曰徐觀其敝卞其之舉也中書侍郎太原張騰曰彊弱勢殊何敝之有不如救之成鼎峙之勢可引兵趣中山晝多疑兵夜倍其火彼必懼而還師我衝其前釗躡其後此天授之機不可失也永不從釗敗降永永以釗爲車騎大將軍東郡王歲餘謀殺永永誅之垂遣其龍驤將軍張崇攻永弟武鄉公友於晉陽永遣其尙書令刁雲率衆五萬屯潞川垂停鄴月餘不進永乘詭道伐之乃擿諸軍還於太行軹關垂進師入白木井關攻永從子征東將軍小逸豆歸鎮東將軍王次多於臺壁永遣其從兄太尉大逸

軹事

六

豆歸救次多等垂將平規擊破之永率衆五萬與垂戰於臺壁南爲垂所敗奔還長子嬰城固守大逸豆歸部將潛爲內應垂勒兵密進永奔北門爲前驅所獲垂數而戮之并斬永公卿已下刁雲大逸豆歸等三十餘人永所統新舊民戶及服御圖書器樂珍寶垂盡獲之

魏書慕容永傳

先是丁零翟遼叛垂後遣使謝罪垂不許遼怒遂自號大魏天王有衆數萬屯於滑臺與垂相擊遼死子釗代之及垂征剋滑臺釗奔長子垂議征長子諸將咸諫以永國未有釁連歲征役士卒疲怠請待他年垂將從之垂弟司徒

范陽王德固勸垂征垂曰司徒議與吾同一人同心其利斷金吾計決矣且吾投老叩囊底智足以克之不復留逆賊以累子孫垂率步騎七萬伐永剋之

魏書慕容垂傳

晉惠帝爲成都王穎逼留在鄴匈奴別種劉淵反於離石自號漢王并州刺史司馬騰來乞師桓帝率十餘萬騎帝亦同時大舉以助之大破淵衆於西河上黨

魏書序紀

道武帝登國八年慕容垂討慕容永於長子六月車駕北巡永來告急遣陳留公元虔將軍庾岳率騎五萬東度河救之破類拔部帥劉曜等徙其部落元虔等因屯秀容慕

軼事

七

容垂遂圍長子

魏書太祖紀

道武帝天興五年十有一月遣左將軍莫題討上黨羣盜秦頗丁零翟都於壺關丁丑上黨太守捕頗斬之都走林慮

魏書太祖紀

明帝五年夏四月上黨民勞聰士鑠羣聚爲盜殺太守令長相率外奔

魏書太宗紀

太武帝神䴥二年二月上黨李禹聚衆殺太守自稱無上王署置將帥河內守將擊破之禹亡走入山爲人執送斬

之

魏書世祖紀

建義二年燕州民王慶祖聚衆於上黨自稱爲王柱國大將軍爾朱榮討擒之

魏書孝莊紀

詔上黨百年以下九十以上板三品郡八十以上四品郡七十以上五品郡太原王爾朱榮會車駕於長子即日反

旆

同上

前至長子以爾朱榮赴援除鷲車騎將軍封華山王

魏書

高涼王孤平附傳

魏書南安王植附傳熙弟誘誘弟略值熙敗略遂潛行自託舊識河內司馬始賓始賓使爲荻筏夜與略俱渡盟津

軼事

八

詣上黨屯留縣栗法光法光素敦信義忻而納之

中散大夫高居者有旨先叙時上黨郡缺居遂求之脩義私已許人抑居不與居大言不遜脩義命左右牽曳之居

對大衆呼天唱賊

魏書汝陰王天賜附傳

衛辰與慕永垂通好送馬三千疋於垂垂道慕永良迎之顯擊敗良軍掠馬而去垂怒遣子麟兄子楷討之顯奔馬邑西山麟輕騎追之遂奔慕容永於長子

魏書劉庫仁附

傳

恬字叔元小名白歷給事中賜爵繹幕子出爲上黨太守

魏書崔元伯附傳

穆景相字霸都中書舍人上黨太守 魏書穆崇附傳

上黨羣盜秦頰丁零翟都等聚衆於壺關詔題帥衆三千以討之上黨太守捕頰斬之都走林慮詔題搜山窮討盡平之 魏書莫題傳

弘農河內上黨三郡賊起栗磾討之 魏書子栗磾傳

及劉義隆將到彥之遣其部將姚縱夫濟河攻冶坂世祖慮更北入遣軌屯壺關會上黨丁零叛軌討平之軌既死世祖謂崔浩曰吾行過上黨父老皆曰公孫軌爲受貨縱

軼事

九

賊使至今餘姦不除軌之咎也其初來單馬執鞭返去從車百兩載物而南 魏書公孫表附傳

希宗以人望兼美深見禮遇出行上黨太守 魏書李順附傳

陸侯代人也父突太祖時率部民隨從征伐數有戰功拜厲威將軍離石鎮將天興中爲上黨太守關內候 魏書本傳

上黨太守高邑侯廣寧常陟公山 魏書高充傳

馮跋字文起小名乞直伐本出長樂信都慕容永僭號長

子以跋父安爲將 魏書本傳

李先字容仁中山盧奴人也少好學善占相之術慕容永聞其名迎爲謀主先勸永據長子城永遂稱制以先爲黃門郎秘書監垂滅永徙於中山皇始初先於井陘歸順太祖問先曰朕聞長子中有李先者卿其是乎先曰小臣是也 魏書本傳

正光元年五月并州上言上黨東山谷中木連理 魏書靈

徵志

元象元年八月上黨郡上言木連理 同上

軼事

十

太祖天興四年正月上黨郡獻白雉 同上

世祖神龜二年二月上黨郡獻白雉 同上

父溫字暕陽善書好施有文武才略世祖伐赫連昌以溫爲幢將先登陷陳每戰必捷以功拜宣威將軍奉車都尉出爲秦州司馬遷上黨太守善勸課有治名 魏書呂羅漢

傳

郭祚字李祐太原晉陽人魏車騎郭淮弟亮後也祖逸州別駕前後以二女妻司徒崔浩一女妻浩弟上黨太守恬

魏書郭祚傳

諶魏衛尉辛毗之後有文學歷步兵校尉濮陽上黨二郡太守

魏書江悅之附傳

軍次襄垣遂令軍士列圍大獵有雙兔起於馬前榮乃躍馬彎弓而誓之曰中之則擒葛榮不中則否既而並應弦而殪三軍咸悅及破賊之後即命立碑於其所號雙兔碑

魏書爾朱榮傳

永安三年五月車駕出幸河北事出不虞天下改望榮聞之即時馳傳朝行宮於上黨之長子

同上

爾朱榮表請入朝靈太后惡之令世隆詣晉陽慰諭榮榮

軼事

十一

因欲留之世隆曰朝廷疑兄故令世隆來今若遂住便有內備非計之善者榮乃遣之榮舉兵南出世隆遂遁走會

榮於上黨

魏書爾朱彥伯附傳

莊帝之將圖爾朱榮也或有勝世隆門以陳其狀者榮死世隆奉榮妻燒西陽門率衆夜走北攻河橋殺武衛將軍奚毅率衆還戰大夏門外朝野震懼憂在不測莊帝遣前華陽太守段育慰諭世隆斬之以徇會李苗燒絕河梁世隆乃北遁建州刺史陸希質閉城拒守世隆攻剋之盡殺城人以肆其忿及至長子與度律等共推長廣王曄爲主

曄以世隆爲開府儀同三司尙書令樂平郡王加太傅行
司州牧增邑五千戶 同上

孫紹字世慶昌黎人世仕慕容氏父協字文和上黨太守
魏書孫紹傳

斛斯椿字法壽廣牧富昌人也除爾朱榮大將軍府司馬
從平葛榮以功除上黨太守 魏書本傳

永嘉元年爲并州刺史加振威將軍領匈奴中郎將琨在
路上表曰臣以頑蔽志望有限因緣際會遂忝過任九月
未得發道險山峻胡寇塞路趣以少擊衆冒險而進頓伏

軼事

十一

艱危辛苦備嘗卽日達壺口關臣自涉州疆目覩困乏流
移四散十不存二携老扶弱不絕于路及其在者鬻賣妻
子生相捐棄死亡委危厄白骨橫野哀呼之聲感傷和氣
羣胡數萬周匝四山動足遇掠開目覩寇唯有壺關可得
告籙而此二道九州之險數人當路則百夫不敢進 晉書

劉琨傳

屬上黨太守襲醇降于聰雁門烏丸復反琨親率精兵出
禦之 同上

初姚萇將竇衝來降拜東羌校尉後舉兵反入漢川襲梁

州時關中有巴蜀之衆皆背襄據弘農以結苻登而登署
衝爲左丞相徙屯華陰河南太守楊佺期遣上黨太守苟
靜戍皇天塢以距之衝數來攻恢遣將軍趙睦守金墉城
而佺期率衆次湖城討衝走之尋而慕容垂圍慕容永于
潞川永窮蹙遣其子弘求救于恢并獻玉璽一紐恢獻璽
于臺又陳垂若并永其勢難測今于國計謂宜救永永垂
並存自爲仇讎連雞不棲無能爲患然後乘機雙斃則河
北可平孝武帝以爲然詔王恭度楷救之未及發而永沒

晉書苟璽傳

軼事

十三

郭翼上書武帝擢爲屯留令

晉書熊遠傳

琰遣叅軍劉宣之距破恩旣而上黨太守張虔碩戰敗羣

賊銳進人情震駭

晉書謝安附傳

慕容永率衆向洛陽序自河陰北濟與永僞將王次等相
遇乃戰于沁水次敗走永歸上黨時楊楷聚衆數千在湖
陝聞永敗遣任子詣序乞降序追永至上黨之白水與永
相持二旬聞翟遼欲向金墉乃還遂攻翟釗于石村

晉書

朱序傳

侍御史西河敦欽上疏曰戎狄彊橫歷古爲患魏初人寡

西北諸郡皆爲戎居今雖服從若百年之後有風塵之警胡騎自平陽上黨不三日而至孟津北地西河太原馮翊安定上郡盡爲狄庭矣

晉書匈奴傳

惠帝元康中匈奴郝散攻上黨殺長史入守上郡明年散

弟度元又率馮翊北地羌胡攻破二郡

同上

彌見元海勸稱尊號使隨劉曜寇河內又與石勒攻臨漳永嘉初寇上黨圍壺關東海王越遣淮南內史王曠安豐太守衛乾等討之及彌戰于高都長平間大敗之死者十

六七

晉書王彌傳

軼事

十四

幼好學帥事上黨崔游習毛詩京氏易馬氏尙書尤好春秋左氏傳孫吳兵法略皆誦之史漢諸子無不綜覽嘗謂同門生朱紀范隆曰吾每觀書傳常鄙隨陸無武絳灌無文道由人弘一物之不知者固君子之所恥也

晉書劉元

海載記

秦涼覆沒帝疇咨將帥上黨李熹曰陛下誠能發匈奴五部之衆假元海一將軍之號鼓行而西可指期而定孔恂曰李公之言未盡殄患之理也熹勃然曰以匈奴之勁悍元海之曉兵奉宣聖威何不盡之有恂曰元海若能平涼

州斬樹機能恐涼州方有難耳蛟龍待雲雨非復池中物也帝乃止同上

元海年號元熙遣其建武將軍劉曜寇大原苻氏屯留長子中都皆陷之同上

劉曜進師上黨將攻陽曲聰遣使謂曜曰長安擅命國家之深恥也公宜以長安爲先陽曲一委驃騎天時人事其應至矣公其亟還曜迴滅郭邁朝于聰遂如蒲阪晉書劉

聰載記

時胡部大張匄督馮莫突等擁衆數千壁于上黨勒往從

軼事

十五

之深爲所昵

晉書石勒上載記

元海使劉聰攻壺關命勒率所統七千爲前鋒都督劉琨遣護軍黃秀等救壺關勒敗秀於白由秀死之勒遂陷壺

關同上

劉琨遣樂平太守焦球攻勒常山斬其太守邢泰琨司馬溫嶠西討山胡勒將遂明要之敗嶠于潞城勒以幽冀漸平始下州郡閭實人戶戶貲二匹租二斛同上

勒西夷中郎將王勝襲殺并州刺史崔琨上黨內史王存以并州叛于勒先是石季龍攻劉曜將劉嶽于石梁至是

石梁潰執嶽送襄國季龍又攻王勝于并州殺之

晉書石

勒下載記

護鴛亦陰通京師張平跨有新興鴈門西河太原上黨上郡之地壘壁三百餘胡晉十餘萬戶遂拜置征鎮爲鼎峙之勢僑遣其司徒慕容評討平領軍慕輿根討鴛

晉書慕

容僑載記

苻堅又使王猛楊安率衆伐暉猛攻壺關安攻晉陽暉使慕容評等率中外精卒四十餘萬距之猛安進師潞川郡盜賊大起鄴中多怪異

晉書慕容暉載記

軼事

十六

堅之死也不復入鄴城將收兵趙魏西赴長安會幽州刺史王永平州刺史苻仲穎爲垂將平規等所敗乃遣昌黎太守宋敞焚燒和龍薊城宮室率衆三萬進屯壺關遣使招丕丕乃去鄴率男女六萬餘口進如潞川驃騎張蚝并州刺史王騰迎之入據晉陽始知堅死問舉哀于晉陽三軍縞素王永留苻冲守壺關率騎一萬會丕勸稱尊號丕從之乃以太元十年僭即皇帝位于晉陽南

晉書苻丕載

記

太和五年又遣猛率楊安張蚝鄧羌等十將率步騎六萬

伐暉堅親送猛于霸東謂曰今授卿精兵委以重任便可從壺關上黨出潞川此捷濟之機所謂疾雷不及掩耳吾當躬自率衆以繼卿後於鄴相見已救運漕相繼但憂賊不煩後慮也猛曰臣庸劣孤生操無豪介蒙陛下恩榮內侍帷幄出總戎旅藉宗廟之靈稟陛下神算殘胡不足平也願不煩鑿軫冒犯霜露臣雖不武望克不淹時但願速敕有司布置鮮卑之所堅大悅於是進師楊安攻晉陽猛攻壺關執暉上黨太守慕容越所經郡縣皆降于猛猛留屯騎校尉苟長戍壺關會楊安攻晉陽爲地道遣張蚝率

軼事

十七

狀士數百人入其城中大呼斬關猛安遂入晉陽執暉并州刺史慕容莊暉遣其太傅慕容評率衆四十餘萬以救二城評憚猛不敢進屯於潞川猛留將軍毛當戍晉陽進師與評相持遣游擊郭慶以銳卒五千夜從間道出評營後傍山起火燒其輜重

晉書苻堅載記

初垂之發鄴中子農及兄子楷紹弟子宙爲苻丕所留及誅飛遣田生密告農等使起兵趙魏以相應於是農宙奔列人楷紹奔辟陽衆咸應之農西招庫辱官偉于上黨東引乞特歸于東阿各率衆數萬赴之衆至十餘萬

晉書慕容

翟遼死子釗代立攻逼鄴城慕容農擊定之垂引師伐釗于滑台釗攜妻子率數百騎北趣白鹿山農追擊盡擒其衆釗單騎奔長子同上

於是議征長子諸將咸諫慕容永未有釁連歲征役士卒疲惫請俟他年垂將從之及聞慕容德之策笑曰吾計決矣且吾投老扣囊底智足以尅之不復留逆賊以累子孫也乃發步騎七萬遣其丹陽王慕容瓚龍驤張崇攻永弟支于晉陽永遣其將刁雲慕容鐘率衆五萬屯潞川垂遣

軼事

慕容楷出自滏口慕容農入自壺關垂頓于鄴之西南月餘不進永謂垂詭道伐之乃撤諸軍還杜太行軼關垂進師入自天井關至于壺壁永率精兵五萬來距阻河曲以自固馳使請戰垂列陣于壺壁之南農楷分二爲翼慕容國伏千兵于深澗與永大戰垂引軍僞退永追奔數里國發伏兵馳斷其後楷農夾擊之永師大敗斬首八千餘級永奔還長子慕容瓚攻尅晉陽垂進圖長子永將賈韜等潛爲內應垂進軍入城永奔北門爲前驅所獲於是數而戮之并其所署公卿刁雲等三十餘人永所統新舊八郡

戶七萬六千八百及乘輿服御伎樂珍寶悉獲之於是品物具矣同上

盛隨慕容永東如長子謂柔曰今崎嶇於鋒刃之間在疑忌之際愚則爲人所猜智則危甚巢幕當如鴻鵠高飛一舉萬里不可坐待罟網也於是與柔及弟會間行東歸于

慕容垂

晉書慕容盛載記

永嘉之亂跋祖父和避地上黨父安雄武有器量慕容永時爲將軍永滅跋東徙和龍家于長谷

晉書馮跋載記

慕容永據長子有衆十萬垂議討之羣臣咸以爲疑德進

軼事

十九

曰兵法有不得已而用之陛下容得已乎垂笑謂其黨曰司徒議與吾同二人同心其利斷金吾計決矣遂從之

晉

書慕容德載記

尔朱光於是自追神武至襄垣會漳水暴長橋壞神武隔水拜曰所以借公主馬非有他故備山東盜耳王受公主言自來賜追今渡河而死不辭此衆便叛光自陳無此意因輕馬渡與神武坐幕下陳謝

北齊書神武紀

初魏眞君內學者奏言上黨有天子氣云在壺關大王山武帝於是南巡以厭當之累石爲三封斬其北鳳凰山以

毀其形後上黨人居晉陽者號上黨坊神武實居之及是
行舍大王山六旬而進同上

高祖自晉陽出滏口行至襄垣余朱光率衆追高祖與光
宴飲於水湄誓爲兄弟各還本營北齊書孫騰傳

宋顯字仲華燉煌劾穀人也性果敢有幹用初事余朱榮
爲軍主擢爲長流參軍永安中除前軍襄垣太守北齊書

本傳

及高祖舉義信都兆以紹宗爲長史又命爲行臺率軍壺
關以抗高祖北齊書慕容紹宗傳

軼事

二十

北齊高昂傳劉孟和天平中衛將軍上黨內史

高隆之正妻昭等屯據壺關韓軌之徒擁衆蒲坂周書文

帝紀

大象元年詔以潞州上黨郡邑萬戶爲代達出就國周書

代爨王達傳

念賢除假節平東將軍封屯留縣伯邑五百戶周書本傳

宣政元年分并州上黨郡置潞州周書武帝紀

大象元年以潞州上黨郡爲代國周書宣帝紀

大象元年尉遲廻舉兵令其所署行臺韓長業攻陷潞州

執刺史趙威署城民郭子勝爲刺史穆遣兵討之獲子勝
周書李穆傳

北史薛安都傳父廣晉上黨太守

高祖外家呂氏呂永吉大業中授上黨郡太守性識庸劣
職務不理後去官不知所終 隋書外戚傳

子崇嗣官至僕同大業中自上黨營治入爲尙書虞部郎

隋書源雄傳

昂字千里高祖受禪昂疾愈加上開府拜潞州刺史 隋書

柳昂傳

軼事

二十一

隋書周法尙傳仁壽中檢校潞州事

五代史唐本紀李國昌爲雁門以北行營節度使十月國
昌卒十一月遣其弟克修攻昭義孟方立取其澤潞二州
方立走山東以邢洛磁三州自別爲昭義軍

五代史唐本紀是時潞州將馮霸叛降于梁梁遣葛從周
入潞州唐以京兆尹孫揆爲昭義軍節度使克用遣李存
孝執揆于長子又遣康君立取潞州

五代史唐本紀光化元年冬潞州守將薛志勤卒李罕之
據潞州叛附于朱全忠二年全忠遣氏叔琮攻破承天軍

又破遼州至于榆次周德威敗之于洞渦秋李嗣昭復取潞州

五代史唐本紀天復六年梁攻燕滄州燕王劉仁恭來乞師克用以爲然乃爲燕出兵攻破潞州梁圍乃解去以李嗣昭爲潞州留後後七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐克用復稱天祐四年

五代史唐本紀存勗克用長子也初克用破孟方立于邢州還軍上黨置酒三垂崗伶人奏百年歌至于衰老之際

軼事

二十二

聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十年其能代我戰于此乎德威自亂柳還軍太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能爲也宜乘其怠擊之乃去兵趨上黨行至三垂崗歎曰此先王置酒處也會天大霧晝暝兵行霧中攻其夾城破之梁軍大敗凱旋告廟

五代史唐本紀同光元年春三月李繼韜以潞州叛附于梁十二月辛巳李繼韜伏誅繼韜之弟繼達殺其兄繼儔

于潞州

五代史唐本紀同光二年三月潞州將楊立反夏五月壬寅教坊使陳俊爲景州刺史內園裁接使儲德源爲憲州刺史丙辰渤海國王大諲譔遣使者來丙寅李嗣源克潞州

五代史唐本紀梁唐相拒于河上李繼韜以潞州叛降梁莊宗有憂色召嗣源帳中謂曰繼韜以上黨降梁而梁方急攻澤州吾出不意襲其鄆州以斷梁右臂可乎嗣源對曰夾河之兵久矣苟非出奇則大計不決臣請獨當之乃

軼事

二十三

以步騎五十涉濟至鄆州鄆人無備遂襲破之

五代史唐本紀同光二年五月破楊立于潞州

五代史唐本紀清泰三年十一月甲戌契丹及晉人至于潞州

五代史周本紀太祖聖神恭肅文武孝皇帝姓郭氏邢州堯山人也父簡事晉爲順州刺史劉仁恭攻破順州簡見殺子威少孤依潞州人常氏潞州留後李繼韜募勇敢士爲軍卒威年十八以勇力應募爲人負氣好使酒繼韜特奇之威嘗游于市市有屠者常以勇服其市人威醉呼屠

者使進几割肉割不如法叱之屠者披其腹示之曰爾勇者能殺我乎威即前取刀刺殺之一市皆驚威頗自如爲吏所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書算補爲軍吏好讀闕外春秋略知兵法後爲侍衛軍吏漢高祖爲侍衛親軍都虞侯尤親愛之

五代史周本紀世宗顯德元年正月漢人來討攻自潞州三月辛巳大赦癸未鄭仁海留守東京乙酉如潞州以攻漢壬辰次澤州閱兵于北郊癸巳及劉晏戰于高原敗之

軼事

二十四

追及于高平又敗之丁酉幸潞州夏四月庚午赦潞州流罪以下囚

五代史梁家人傳李罕之以潞州降梁晉人攻潞州友倫以兵入潞州取罕之以歸

五代史唐家人傳潞州孟方立遷于邢州晉取潞州表克修昭義軍節度使數出山東擊方立又與李罕之攻寇懷孟之間其後太祖自將擊方立還軍過潞克修性儉嗇供饋甚薄太祖大怒詬而笞之克修慙憤發疾卒

五代史唐家人傳從敏字叔達歷鎮橫海義武成德歸德

保義昭義河陽封涇王

五代史周家人傳德妃董氏鎮州靈壽人也妃幼穎悟始能言聞樂聲知其律呂年七歲鎮州亂其家失之爲潞州牙將所得寘諸褚中以歸潞將妻嘗生女輒不育得妃憐之養以爲子過於所生居五六年妃家悲思其兄瑀求之人間莫知所在潞將仕于京師遇瑀欣然歸之時年十三瑀以嫁里人劉進超進超亦仕晉爲內職契丹犯闕進超歿于虜中妃嫠居洛陽漢高祖自太原入京師太祖從過洛陽聞妃有賢行聘之太祖建國中宮虛位遂册爲德妃

軼事

二十五

五代史葛從周傳潞州馮霸殺晉守將李克恭以降梁太祖遣從周入潞州晉兵攻之從周不能守走河陽

五代史符道昭傳開平元年與康懷英等攻潞州築夾城爲蚰蜒塹以圍之逾年不能下晉兵攻破夾城道昭戰死五代史康懷英傳丁會以潞州叛梁降晉太祖命懷英爲招討使將行太祖戒之語甚切懷英惶恐以謂潞州期必得乃築夾城圍之晉遣周德威屯于亂柳數攻夾城懷英不敢出戰太祖乃以李思安代懷英將降懷英爲都虞侯久之思安亦無功太祖大怒罷思安以同州劉知俊爲招

討使知俊未至軍太祖自至澤州爲懷英等軍援且督之已而晉王李克用卒莊宗召周德威還太原太祖聞晉有喪德威去亦歸洛陽而諸將亦少弛其宗謂德威曰晉之所以能敵梁而彼所憚者先王也今聞吾王之喪謂我新立未能出兵其意必怠宜出其不意以擊之非徒解圍亦足以定霸也乃與德威等疾馳六日至北黃碾會天大昏霧伏兵三垂岡直趨夾城攻破之懷英大敗亡大將三百人懷英以百騎遁歸詣闕請死太祖曰去歲興兵太陰虧倉占者以爲不利吾獨違之而致敗非爾過也釋之以爲

軼事

二十六

右衛上將軍

五代史牛存節傳遷潞州都指揮使太祖攻鳳翔使召存節存節爲將法令嚴整而善得士心潞人送者皆號泣累拜邢州團練使元帥府左都押衙太祖即位拜右千牛衛上將軍從康懷英攻潞州爲行營排陣使晉兵已破夾城存節等以餘兵歸行至天井關聞晉兵攻澤州存節顧諸將曰吾行雖不受命然澤州要害不可失也諸將皆不欲就之存節戒士卒熟息已而謂曰事急不赴豈曰勇乎舉策而先士卒隨之比至澤州州人已焚外城將降晉聞存

節至乃稍定存節入城助澤人守晉人穴地道以攻之存節選勇士數十亦穴地以應之戰于隧中敵不得入晉人解去遷左龍虎統軍六軍都指揮使絳州刺史遷鄜州留後

五代史周德威傳梁攻燕晉遣德威將五萬人爲燕攻梁取潞州遷代州刺史內外蕃漢馬步軍都指揮使梁軍捨燕攻潞圍以夾城潞州守將李嗣昭閉城拒守而德威與梁軍相持於外踰年嗣昭與德威素有隙晉王病且革語莊宗曰梁軍圍潞而德威與嗣昭有隙吾甚憂之王喪在

軼事

二十七

殯莊宗新立殺其叔父克寧國中未定而晉之重兵悉屬德威于外晉人皆恐莊宗使人以喪及克寧之難告德威且召其軍德威聞命即日還軍太原留其兵城外徒步而入伏梓宮前慟哭幾絕晉人乃安遂從莊宗復擊梁軍破夾城與李嗣昭歡如初以破夾城功拜振武節度使同中書門下平章事

五代史任圜傳李嗣昭節度昭義辟圜觀察支使梁兵築夾城圍潞州踰年而晉王薨晉兵救潞者皆解去嗣昭危甚問圜去就之計圜勸嗣昭堅守以待不可有二心已而

莊宗攻破梁夾城圍圜爲嗣昭畫守計甚嘉之由是益知名

五代史王彥章傳與彥章同時有裴約者潞州之牙將也莊宗以李嗣昭爲昭義軍節度使約以裨將守澤州嗣昭卒其子繼韜以澤潞叛降于梁約召其州人泣而諭曰吾事故使二十餘年見其分財饗士欲報梁仇不幸早世今郎君父喪未葬違背君親吾能死于此不能從以歸梁也衆皆感泣梁遣董瑋率兵圍之約與州人拒守求救於莊宗是時莊宗方與梁人戰河上而已建大號聞繼韜叛降

軼事

二十八

梁頗有憂色及聞約獨不叛喜曰吾於繼韜何薄於約何厚而約能分逆順邪顧符存審曰吾不惜澤州與梁一州易得約難得也爾識機便爲我取約來存審以五千騎馳至遼州而梁兵已破澤州約見殺

五代史李嗣昭傳晉遣李君慶攻梁潞州君慶爲梁所敗太祖仇殺君慶嗣昭攻克之天祐三年與周德威攻梁潞州降丁會以嗣昭爲昭義軍節度使梁遣李思安將兵十萬攻潞築夾城以圍之梁太祖嘗遣人招降嗣昭嗣昭斬其使者閉城拒守踰年莊宗始攻破夾城嗣昭完緝兵民

撫養甚有恩意嗣昭諸子繼儔長而懦其弟繼韜囚之以自立莊宗方與梁兵相持河上不暇究其事因即以爲昭義軍留後繼韜乃遣其弟繼遠入梁梁末帝即拜繼韜同中書門下平章事居數月莊宗滅梁繼韜將走契丹會赦至乃已因隨其母朝于京師繼韜母楊氏善畜財平生居積行販至貲百萬當嗣昭爲繼圍以夾城彌年軍用乏絕楊氏之積蓋有助焉至是乃齎銀數十萬兩至京師厚賂宦官伶人宦官伶人皆言繼韜初無惡意爲奸人所悞耳楊夫人亦以賂謁劉皇后劉皇后爲言嗣昭功臣宜蒙恩

軼事

二十九

貸由是莊宗釋繼韜繼韜懷不自安復賂宦官伶人求歸鎮莊宗不許繼韜陰使人告繼遠令起變於軍中冀天子遣已往安緝之事泄斬于天津橋其二子嘗爲質于梁莊宗破梁得之撫其背曰爾幼猶能佐其父反長復何爲乎至是因并誅之即遣人斬繼遠以繼儔知潞州事已而召繼儔還京師繼儔悉取繼韜伎妾珍翫而不時即路其弟繼達怒曰吾兄父子誅死而大兄不仁利其貲財淫其妻妾吾所不忍也乃服縗麻引數百騎坐戟門使人入殺繼儔節度副使李繼珂募市人千餘攻繼達繼達走城外自

劉死

五代史李存孝傳晉已得澤潞歲出山東與孟方立爭邢
洺磁存孝未嘗不在兵間方立死晉取潞州存孝功爲多
明年潞州軍亂殺李克恭以歸唐梁遣李讜攻罕之于澤
州存孝以騎兵五千救之梁軍呼罕之曰公常恃太原以
爲命今上黨已歸唐唐兵大集圍太原沙陀將無穴以自
處公復誰恃而不降乎存孝以精騎五百繞梁柵而呼曰
我沙陀之未穴者得爾肉以食軍可令肥者出關梁繞將
鄧季筠引軍出戰存孝舞稍擒之李讜敗走追擊至馬牢

軼事

三十

關還攻潞州唐以孫揆爲潞州節度使揆儒者以梁卒三
千爲衛褒衣大蓋擁節先驅存孝以三百騎伏長子西崖
谷間伺揆軍過橫擊斷之擒揆以歸初梁遣葛從周朱崇
節守潞州以待揆聞揆見執皆棄去晉遂復取潞州
五代史張居翰傳其後梁兵攻仁恭仁恭遣居翰從晉王
攻梁潞州以牽其兵晉遂取潞州以居翰爲昭義監軍
五代史李罕之傳光化元年潞州薛志勤卒罕之遽入潞
州使人啟晉王曰志勤且死新帥未至所以然者備佗盜
耳克用大怒遣李嗣昭攻之罕之執晉守將馬漑伊鐔等

遣子頎送于梁以乞兵梁太祖遣丁會守潞州以罕之爲河陽節度使行至懷州以疾卒

五代史孟方立傳孟方邢州平鄉人也少爲軍卒以勇力選爲隊將唐廣明中潞州節度使高潏攻諸葛爽于河陽遣方立將兵出天井關爲先鋒潏爲其將劉廣所逐廣爲亂軍所殺方立聞亂引兵自天井入遼潞州唐因以爲昭義軍節度使昭義所節制澤潞邢洺磁五州而治潞州方立以謂潞州山川高險而人俗勁悍自劉稹以來嘗遂其帥且已邢人也因徙其軍于邢州而潞人怨方立之徙也

軼事

因以澤潞二州歸于晉晉遣李克修爲澤潞節度使方立以邢洺磁三州自爲昭義軍飲酖而卒軍中以其弟洺州刺史遷爲留後求救于梁梁太祖遣王虔裕將騎兵三百助遷守遷執虔裕降晉晉徙遷族于太原以爲汾州刺史後以爲澤潞節度使天復元年梁遣氏叔琮攻晉出天井關遷開門降爲梁兵鄉道以攻太原不克叔琮軍還過潞以遷歸于梁梁太祖惡其反覆殺之

五代史安重霸傳爲匡國軍節度使廢帝時爲京兆尹西京留守徙鎮大同以病罷歸卒于潞州

五代史王建立傳王建立遼州榆社人也爲平盧軍節度使又徙上黨晉高祖時徙鎮平盧又徙昭義賜以玉斧蜀馬累封韓王建立好殺人其晚節始惑浮圖法戒殺生所至人稍安之卒年七十贈尙書令子守恩以蔭補稍遷諸衛將軍建立已卒家于潞守恩自京師得告歸而契丹滅晉招義節度使張從恩與守恩姻家乃以守恩權巡檢使以守潞州而從恩入見契丹從恩旣去守恩因剽劫從恩家貨以潞州降漢漢高祖即位以守恩爲昭義軍節度使徙鎮靜難西京留守加同中書門下平章事

軼事

三十一

五代史張廷蘊傳李繼韜叛于潞州莊宗遣明宗爲招討使元行欽爲都部署廷蘊爲馬步軍都指揮使將兵爲前鋒廷蘊至潞日已暮即率兵百餘踰濠登城城守者不能禦遂破潞州明且明宗與行欽後至明宗心頗懷之明宗以廷蘊破潞之隙終恨之故終不秉旄節廷蘊素廉歷七州卒之日家無餘

五代史常思傳領武勝軍節度使徙鎮昭義思起軍卒未嘗有戰功徒以幸會漢興遂秉旄節在潞州五年以聚斂爲事而性鄙儉初思微時周太祖方少孤無依衣食于思

家以思爲叔後思與周太祖俱遭漢以取富貴周太祖已卽位每呼思爲叔拜其妻如家人禮

五代史馮道傳世宗初卽位劉旻攻上黨世宗曰劉旻少我謂我新立而國有大喪必不能出兵以戰且善用兵者出其不意吾當自將擊之道乃切諫以爲不可世宗曰吾見唐太宗平定天下敵無大小皆親征道曰陛下未可比唐太宗世宗曰劉旻烏合之衆若遇我師如山壓卵道曰陛下作得山定否世宗怒起去卒自將擊旻果敗旻于高平

軼事

三十三

五代史後蜀世家孟知祥字保胤邢州龍岡人也其叔父遷當唐之末據邢洛磁三州爲晉所虜晉王以遷守澤潞梁兵攻晉遷以澤潞降梁知祥父道獨留事晉而不顯

唐書玄宗紀始封楚王後爲臨淄郡王累遷衛尉少卿潞州別駕景龍四年朝于京師遂留不遣開元十一年正月庚辰次潞州赦囚給復五年以故第爲飛龍宮

唐書肅宗紀至德二載九月丁丑安慶緒陷上黨郡執節度使程千里十二月給復潞州五載

大歷十年正日丁酉昭義軍兵馬使裴志清逐其節度使

薛粵叛附于田承嗣壬寅壽王瑁薨戊申田承嗣反癸丑承嗣陷潞州四月癸未河東節度使薛兼訓等討田承嗣給復昭義五州二年十月甲子昭義軍節度使李承昭及田承嗣戰于清水敗之

唐書穆宗紀長慶二年二月昭義軍節度使劉悟囚其監軍使劉永偕

唐書武宗紀會昌三年四月昭義軍節度使劉從諫卒其子稹自稱留後五月成德軍節度使王元逵爲北面招討澤潞使魏博節度使何弘敬爲東面招討澤潞使及河中

軼事

三十四

節度使陳夷行河陽節度使王茂元劉沔以討劉稹

唐書武宗紀會昌四年八月乙未昭義軍將郭誼殺劉稹以降戊戌給復澤潞邢洛磁五州一歲免太原河陽及懷陝晉絳四州秋稅

唐書僖宗紀廣明元年八月辛卯昭義軍亂殺其節度使李鈞

唐書僖宗紀中和元年八月感化軍將時溥逐其節度使支詳自稱留後昭義軍節度使高潯及黃巢戰于右橋敗績其將成麟殺潯入于潞州

中和三年十月李克用陷潞州刺史李殷銳死之同上

唐書懿宗紀咸通四年十二月乙酉昭義軍亂殺其節度使沈詢

唐書考證臣西按舊書是年正月河東節度盧簡求致仕以昭義節度劉潼代三月以李愔爲昭義節度是潼之後愔愔之後詢矣而新書沈傳師傳乃云詢遇害潼代爲節度誅害詢者豈潼本在詢後耶當是年月傳誤耳

唐書昭宗紀乾寧元年九月庚申李克用陷潞州昭義軍

軼事

三十五

節度使康君立死之

光化元年十二月癸未李罕之陷潞州自稱節度留後李克用陷澤州同上

光化二年八月李克陷澤潞懷三州十一月辛丑保義軍將朱簡殺其節度使李璠叛附于朱全忠同上

天復元年三月辛亥昭義軍節度使孟遷叛附于朱全忠同上

唐書哀帝紀天祐三年閏十二月戊辰李克用陷潞州昭義軍節度使丁會叛附于克用

唐書禮樂志是時民間以帝自潞州還京師舉兵夜半誅
韋皇后製夜半樂還京樂二曲

昭義軍節度使王虔休以德宗誕辰未有大樂乃作繼天
誕聖樂以宮爲調帝因作中和樂舞同上

唐書五行志會昌元年潞州長子有白頸烏與鵠鬪

玄宗在潞州有童謠曰羊頭山北作朝堂同上

劉從諫未死時潞州有狂人折腰於市曰石雄七千人至
矣從諫捕斬之同上

開元十二年八月潞綏等州霜殺稼同上

軼事

三十六

唐書后妃傳玄宗貞順皇后武氏恒安王攸止女初帝在
潞趙麗妃以倡幸有容止善歌舞開元初父兄皆美官及
妃進麗妃恩亦弛以十四年卒謚曰和生太子瑛而皇甫
德儀生鄂王劉才人生光王皆藩邸之舊後愛薄而妃乃
專寵

唐書李抱玉傳代宗立兼澤潞節度使統相衛儀邢十一
州兵以功授司空兼兵部尙書武威郡王

唐書李抱眞傳遷殿中少監陳鄭澤潞節度留後既謝因
言百姓勞逸在牧守願得一州以自試更授澤州刺史兼

澤潞節度副使徙懷州仍爲懷澤潞觀察留後凡八年抱
眞策山東有變澤潞兵所走集乘戰伐後賦重人困軍伍
彫剝乃籍戶三丁擇一蠲其徭租給弓矢令閑月得曹偶
習射歲終大校親按籍第能否賞責比三年皆爲精兵舉
所部得成卒二萬旣不稟于官而府庫實乃曰軍可用矣
繕甲淬兵遂雄山東天下稱昭義步兵爲諸軍冠久之爲
澤潞節度行軍司馬會昭義節度李承昭病詔抱眞權磁
邢兵馬留後德宗嗣位校檢工部尙書領昭義節度使
隋書五行志高祖時上黨有人宅後每夜有人呼聲求之

軼事

三十七

不得去宅一里所但見人參一本枝葉峻茂因掘去之其
根五尺餘具體人狀呼聲遂絕蓋草妖也視不明之咎時
晉王陰有奪宗之計諂事親要以求聲譽譖皇太子高祖
惑之人參不當言有物憑之上黨黨與也親要之人乃黨
晉王而譖太子高祖不悟聽邪言廢無辜有罪用因此而
亂也

唐書李麟傳李麟裔出懿祖於屬最疏父濬歷潤虢潞三
州刺史以誠信號良吏開元中終劍南節度按察使贈戶
部尙書諡曰誠

北齊書李祖昇傳父希宗上黨守

隋書辛彥之傳遷潞州刺史州人張元暴死數日乃蘇云遊天上見新構一堂制極崇麗云潞州刺史辛彥之有功德造此堂以待之

唐書盧從史傳盧從史其先在元魏時爲盛族後徙籍不常父虔好學由進士第歷御史秘書監從史少好騎射遊澤潞間節度使李長榮署爲督將貞元後藩臣闕德宗必取本軍所喜戴者授之從史在潞姦獍得志又善附迎中人會長榮卒即擢拜昭義節度副大使既得志寢恣不道

軼事

三十八

至奪部將妻而能辯給粉澤其非府屬孔戡等屢以直語爭刺初唯唯後益不從皆引去元和中丁父喪去官從史即獻計誅王承宗陰向帝旨繇是奪服領澤潞因詔討賊而勒兵逗留陰與承宗交得其密號授軍中又高弼粟直以售度支即上書求兼宰相且誣諸軍與賊通兵未可進憲宗患之初神策中尉吐突承璀與對壘從史時過其營飲博承璀多出寶帶奇玩夸之從史資香猥所玩悅必遺焉從史喜益狎不疑帝用裴垍謀敕承璀圖之承璀伏壯士幕下伺其來與語士突起捧持出帳後縛內車中從者

驚亂斬數十人諭以密詔而大將烏重胤素忠果部勒其衆乃定會夜疾驅未明出境道路無知者於是五年夏四月有詔慰其軍疏從史罪惡貶驩州司馬賜死子繼宗等並徙嶺南

唐書郝士美傳安黃節度使伊慎入朝其子宥主後務偃蹇母死京師不發喪欲固其權士美知之使府屬過其境宥出迎因以母訃告之即爲辦裝宥惶遽上道改河南尹檢校工部尙書充昭義節度使昭義自李抱眞以來皆武臣私厨月費米六千石羊千首酒數十斛潞人困甚士美

軼事

三十九

至悉去之出稟錢市物自給又盧從史時日具三百人膳以餉牙兵士美曰卒衛於牙固職也安得廣費爲私恩亦罷之

唐書辛祕傳進拜昭義軍節度使是時承討恒趙之後潞人彫耗祕至則約出入嗇用度比四年儲錢十七萬緡糧七十萬斛器械堅良隱然復爲完鎮

唐書李吉甫傳以江淮甲三十萬給太原澤潞軍增太原馬千匹由是戎備完輯

唐書王思禮傳尋兼潞沁等州節度乾元元年總關中潞

州行營兵三萬騎八千與子儀圍賊相州軍潰惟李光弼
思禮完軍還

唐書王虔休傳澤潞李抱真聞其名厚以幣招之授兵馬
使抱真討河北戰雙罔臨洛虔休以多擢步軍都虞侯封
同昌郡王實封五十戶抱真卒元仲經等謀樹其子緘一
軍思亂虔休正色語衆曰軍王軍州王士也帥亡當稟天
子何云云有妄謀衆服其言得不亂德宗嘉之以邕王爲
昭義節度大使擢虔休潞州左司馬領留後本姓延貴至
是賜名號令撫循軍中大治治潞二歲遷昭義節度使檢

軼事

四十

校工部尙書始屬城州縣守宰多署它職不親政故治苟
簡虔休悉增俸稟遣就部人以安安卒年六十二贈尙書
左僕射諡曰敬

唐書張鎰傳時黜陟使裴伯言薦潞州處士田佐時詔除
右拾遺集賢院直學士鎰以爲禮輕恐士不勸復詔州縣
吏以絹百匹粟百石就家致聘佐時卒不至

唐書李絳傳出爲華州刺史州有捕鷓戶歲責貢限絳以
爲言并勸止畋獵有詔澤潞太原天威府并罷之

唐書李愬傳淄清平進同中書門下平章事徙昭義節度

賜第興寧里

唐書陽惠元傳少子旻盧從史既縛潞軍潰有驍卒五千從史嘗以子視者奔于旻旻閉城不內衆皆哭曰奴失帥今公有完城又度支錢百萬在府少賜之爲表天子求旌節旻開諭禍福遣之衆感悟遂還軍憲宗嘉之遷易州刺史

唐書孔戢傳昭義判官徐玫故嘗助盧從史爲跋扈者從史敗孟元陽代欲復用之戢移書昭義前繫玫乃上列其狀帝怒流玫播州

軼事

唐書裴垪傳澤潞盧從史詭獻征討計垪固爭以爲從史苞逆節內連承宗外請興師以圖身利且武俊有功於國陛下前以地授李師道而今欲奪承宗地有之賞罰不一沮勸廢矣帝猗違不能決久之卒用承瓘謀會兵討承宗從史果反覆兵久暴無功王師告病既而從史遣部將王翊元奏事垪從容以語動之翊元因言從史惡稔可圖狀垪比遣往得其大將烏重胤等要領垪乃爲帝陳從史暴戾不君視承瓘若小兒往來神策軍不甚戒可因其機致之後無興師之勞帝初瞿然徐乃許之垪請祕其計帝曰

惟李絳梁守謙知之俄而承瓘縛從史獻於朝因班師
唐書柳玼傳以明經補秘書正字由書判拔萃累轉左補
闕高湜再鎮昭義皆表爲副擢刑部員外郎湜貶高要尉
玼三疏申理湜後得豪嗟歎以爲其言雖自辨不加也出
爲嶺南節度副使

唐書烏重胤傳烏重胤字保君河東將承玼子也少爲潞
牙將兼左司馬節度使盧從史奉詔討王承宗陰與賊連
吐突承瓘將圖之以告重胤乃縛從史帳下士持兵合譟
重胤叱曰天子有命從者賞違者斬士斂手還部無敢動

軼事

憲宗嘉其功擢河陽節度使封張掖郡公

唐書石雄傳武寧李彥佐討劉稹逗留以雄爲晉絳行營
諸軍副使助彥佐是時王宰屯萬善劉沔屯石會關顧望
莫先進雄受命即勒兵越烏嶺破賊五壁斬獲千計賊大
震雄臨財廉每朝廷賜與輒置軍門自取一匹縑餘悉分
士伍繇是衆感發無不奮武宗喜曰今將帥義而勇罕雄
比者就拜行營節度使代彥佐徙河中稹危蹙其大將郭
誼密獻歎請斬稹首自歸衆疑其詐雄大言曰稹之叛誼
爲謀主今欲殺稹乃誼自謀又何疑雄以七千人經薄潞

受誼降進檢校兵部尙書徙河陽初雄討稹水次見白鷺
謂衆曰使吾射中其目當成功一發如言帝聞下詔褒美
宣宗立徙鎮鳳翔雄素爲李德裕識拔王宰相者智興子於
雄故有隙路之役雄功最多宰相惡之數欲沮陷會德裕罷
宰相因代歸白敏中猥曰黑山天井功所酬已厭拜神武
統軍失勢怏怏卒

唐書裴度傳會昭義監軍劉承偕慢劉悟舉軍譁怒執承
偕悟據以聞帝怒問度何施而可度曰必欲收忠義心使
帥臣死節獨斬承偕則四方羣盜隱然破膽矣帝曰顧太
軼事

四十三

后養爲子且我何愛更言其次度曰投諸荒裔可乎帝曰
可悟果出承偕昭義遂安

唐書竇牟傳牟字貽周累佐節度府晚從昭義盧從史從
史寢驕牟度不可諫即移疾歸東都從史敗不以覺微避
去自賢位國子司業

唐書李德裕傳會昌中劉稹以澤潞叛德裕建言宗閔素
厚從諫今上黨近東都乃拜宗閔湖州刺史稹敗得交通
狀貶潭州長史流封州

唐書盧簡辭府傳汝弼以祠部員外郎知制誥從昭宗遷

洛方柳璨斲喪王室汝弼懼移疾去客上黨後依李克用克用表爲節度副使

唐書李德裕傳澤潞劉從諫死其從子稹擅留事以邀節度德裕曰澤潞內地非河朔比昔皆儒術大臣守之李抱眞始建昭義軍最有功德宗尙不許其子繼及劉悟死敬宗方怠於政遂以符節付從諫大和時擅兵長子陰連訓注外託劾忠請除君側及有狗馬疾謝醫拒使便以兵屬稹捨而不討無以示四方帝曰可勝乎對曰河朔稹所恃以唇齒也如今魏鎮不與則破矣夫三鎮世嗣列聖許之

軼事

四十四

請使近臣明告以澤潞命帥不得視三鎮今朕欲誅稹其各以兵會帝然之乃以李回持節諭王元逵何弘敬皆聽命高文端歸命稱稹糧乏皆女子授穉哺兵未幾郭誼持稹首降帝問何以處誼德裕曰稹豎子安知反職誼爲之今三州已降而稹窮蹙又販其族以邀富貴不誅後無以懲惡帝曰朕意亦爾因詔石雄入潞盡取誼等及嘗爲稹用者悉誅之

唐書鄭商傳方伐潞芻糧踰太行餉軍環六七鎮詔商以戶部侍郎判度支又詔杜棕兼鹽鈔度支并二使財以贍

兵乃不乏

唐書盧鈞傳王師伐劉稹武宗以鈞寬厚能得衆詔兼節度昭義軍會稹死敕乘駟往進檢校兵部尚書專領昭義鈞及潞石雄兵已入而稹將白惟信率餘卒三千保潞城未下雄召之使往十餘輩皆死鈞次高平惟信獻欵且曰不即降者畏石尚書爾鈞與約而遣方雄欲盡夷潞兵鈞不聽坐治堂上左右皆雄親卒擊鼓傳漏鈞自居甚安雄引去乃召惟信至送闕下餘衆悉原俄而興士五千戍代北鈞坐城門勞遣惟家人以觀戍卒驕顧家屬不欲去酒

軼事

四十五

酣反攻城迫大將李文矩爲帥鈞倉卒奔潞城文矩投地僵臥稍諭叛者衆乃悔服即相與謝鈞迎還府斬首惡乃定詔趣戍者行密使盡戮之鈞請徐乘其變而使者不發須報戍人已去潞一舍鈞選牙卒五百壯騎百以騎載兵夜趨遲明至太平驛盡斬之即拜檢校尚書左僕射

唐書王徽傳昭義高潯與賊戰石橋敗績其將劉廣擅還據潞州別將孟方立殺廣因取邢洛磁三州貳于已昭義所隸唯澤一州帝以兵部侍郎鄭昌圖權守潞士心多附方立昌圖不能制朝議以大臣鎮撫卽授徽檢校尚書左

僕射同中書門下平章事領昭義節度使是時李克用亦爭澤潞徽商朝廷力未能以兵抗之奉表固辭詔可更爲諸道租庸供軍使因說行營都監楊復光請赦沙陀罪令赴難其夏沙陀會諸軍遂平京師徽助爲多遷右僕射唐書張溶傳朱全忠威振關東而安居受殺李克恭以潞州歸全忠全忠乃與幽州李匡威雲州赫連鐸上言先帝幸梁繇李克用與朱玫連和請舉兵誅之願帥兵爲掎角詔溶爲河東行營兵馬招討制置使京兆尹孫揆爲昭義節度使副之先是汴華邠岐兵絕河會平陽汴將朱崇節

軼事

四十六

已戍潞溶慮汴人遂據有之乃令揆分兵趨潞以中人韓歸範持節護送至軍會太原將李存孝方攻潞揆至長子爲存孝所禽汴人亦棄城去溶次陰地關諸軍壁平陽存孝擊之皆大北委仗械去溶斂衆夜遁

唐書李罕之傳光化初昭義節度使薛志勤卒罕之夜襲潞入之自稱留後報克用曰志勤死懼它盜至不俟命輒屯于潞李克用遣李嗣昭先擊澤州拘罕之家屬送太原罕之攻沁州執刺史守將送欵于汴全忠表罕之昭義節度使命丁會援之與嗣昭戰含口嗣昭不利葛從周取澤

州嗣昭又攻罕之罕之得暴病不能事會代戍全忠更以罕之節度河陽三城卒于行

唐書孟方立傳孟方立邢州人始爲澤州天井戍將稍遷游弈使中和元年昭義節度使高潁擊黃巢戰石橋不勝保華州爲裨將成鄰所殺還據潞州衆怒方立率兵攻鄰斬之自稱留後擅裂邢洛磁爲鎮治邢爲府號昭義軍潞人請監軍使吳全勛知兵馬留後時王鐸領諸道行營都統以潞未定墨制假方立檢校左散騎常侍兼御史大夫知邢州事方立不受囚全勛以書請鐸願得儒臣守潞鐸

軼事

四十七

使參謀中書舍人鄭昌圖知昭義留事欲遂爲帥僖宗自用舊宰相王徽領節度時天子在西河關雲擾方立擅地而李克用窺潞州徽度朝廷未能制乃固讓昌圖昌圖治不三月輒去方立更表李殷銳爲刺史謂潞險而人悍數賊大帥爲亂欲銷懦之乃徙治龍岡州豪傑重遷有懟言會克用爲河東節度使昭義監軍祁審誨乞師求復昭義軍克用遣賀公雅李筠安金俊三部將擊潞州爲方立所破及使李克修攻取之殺殷銳遂并潞州表克修爲節度留後初昭義有潞邢洛磁四州至是方立自以山東三州

爲昭義而朝廷亦命克修以潞州舊軍界之昭義有兩節自此始龍紀元年克用使李罕之李存孝擊邢攻磁洺方立戰琉璃陂大敗禽其二將被斧鑕狗邢壘呼曰孟公速降有能斬其首者假三州節度使方立力屈引酖自殺唐書王行敏傳王行敏并州樂平人隋末爲盜長高祖興來降拜潞州刺史遷屯衛將軍劉武周入并州寇上黨取長子壺關或言刺史郭子武懦不支且失潞帝遣行敏馳往既至與子武不叶賊圍急儲備空乏衆恟懼行敏患之會有告子武謀反遂斬之州民陳正謙者以信義稱鄉里

軼事

四十八

出粟千石濟軍由是人自奮賊乃去行敏又敗竇建德兵於武陟

唐書忠義傳張仵者本爲澤潞將守臨洺田悅攻之乘城固守累月士死糧且盡救不至仵悉召部將立軍門命女出徧拜因曰諸君戰良苦吾無貲爲賞願以是女賣直爲衆士一日費士皆哭曰請死戰會馬燧自河東將兵擊悅城下敗之仵乘勝出戰無不一當百以功遷泗州刺史唐書忠義傳孫揆字聖圭刑部侍郎逖五世從孫也第進士辟戶部巡官歷中書舍人刑部侍郎京兆尹昭宗討李

克用以揆爲兵馬招討制置宣慰副使既而更授昭義軍節度使以本道兵會戰克用伏兵刀黃嶺執揆厚禮而將用之曰公輩當從容廟堂何爲自履行陣也揆大罵不詘克用怒使以鋸解之鋸齒不行揆謂曰死狗奴解人當束之以板汝輩安知行刑者如其所言詈聲不輟至死昭宗憐之贈左僕射

唐書諸王傳韓王元嘉字元嘉始王宋後改王徐爲潞州刺史母昭儀宇文述女也寵於高祖既即位欲立爲后固辭元嘉以母寵故特爲帝愛後出諸子無及者在潞時年

軼事



四十九

十五聞太妃病涕泣不食居喪毀甚太宗數慰勉少好學藏書至萬卷皆以古文字參定同異與弟靈夔友愛燕見終日如布衣禮閨門修整當世稱之

唐書太子瑛傳初瑛母以倡進善歌舞帝在潞得幸及即位擢妃父元禮兄常奴皆至大官鄂光二王母亦帝爲臨淄王時以色遷及武惠妃寵幸傾後宮生壽王愛與諸子絕等而太子二王以母失職頗怏怏惠妃女咸宜公主婿揚泗揣妃旨伺太子短譁爲醜語惠妃訴于帝且泣帝大怒召宰相議廢之

唐書李安遠傳歷潞州都督懷州刺史皆以幹用顯然急刻少恩由是損名

唐書李襲志傳弟襲譽伐王世充也拜潞州總管

唐書李嗣真傳永昌初以右御史中丞知大夫事出爲潞州刺史

唐書賈至傳李光弼守太原程千里守上黨許叔冀守靈昌魯炅守南陽賈賁守雍丘張巡守睢陽未聞賊能下也唐書崔碣傳遷右拾遺武宗方討澤潞碣建請納劉稹降忤旨貶鄧城令

軼事

五十

唐書崔日用附傳從父兄日知終潞州長史謚曰襄

唐書王琚傳初太子在潞州襄城張暉爲銅鞮令性豪殖喜賓客弋獵事厚奉太子數集其家山東倡人趙元禮有女善歌舞得幸太子止暉第其後生子瑛者也太子已平內難召暉拜宮門郎與姜皎崔滌李令問王守一薛伯陽等並侍左右

唐書王毛仲傳王毛仲高麗人父坐事沒爲官奴生毛仲故長事臨淄王王出潞州有李守德者爲人奴善騎射王市得之並侍左右而毛仲爲明悟景龍中王還長安二人

常負房箠以從以功進輔國大將軍檢校內外閑廐知監牧使進封霍國公

唐書姚崇傳玄宗在東宮太平公主干政宋王成器等分典閑廐禁兵崇與宋璟建請主就東都出諸王爲刺史以壹人心帝以謂主主怒太子懼上疏以崇等恚間王室請加罪貶爲申州刺史移徐潞二州遷揚州長史

唐書宋璟傳宋璟邢州南和人七世祖弁爲元魏吏部尙書璟耿介有大節好學工文辭舉進士中第調上黨尉

唐書傅師傳子詢咸通四年爲昭義節度使治尙簡易人

軼事



五十一

皆便安

唐書歐陽詹傳從子柘開成中擢進士第而里人蕭本妄言與貞獻太后近屬恩寵赫然柘恥之會澤潞劉從諫表柘在幕府柘爲辨質本之僞本終得罪其子稹柘命柘方休假還家稹表斥損時政或言柘爲之詔流崖州賜死臨刑色不撓爲書徧謝故人自誌墓人皆憐之

唐書仇士良傳澤潞劉從諫本與訓約誅鄭注及訓死憤士良得志乃上書言王涯等八人皆宿儒大臣願保富貴何苦而反今大戮所加已不可追而名曰逆賊含憤九泉

不然天下義夫節士畏禍伏身誰首與陛下共治邪即以訓所移書遣部將陳季卿以聞季卿至會石遇盜京師擾疑不敢進從諫大怒殺季卿騰書于朝又言臣與訓誅注以注本宦豎所提挈不使聞知今四方共傳宰相欲除內官而兩軍中尉聞自就死妄相殺戮謂爲反逆有如大臣挾無將之謀自宜執付有司安有縱俘刼橫尸闕下哉陛下視不及聽未聞也且宦人根黨蔓延在內臣欲面陳恐橫遭戮害謹修封疆繕甲兵爲陛下腹心如姦臣難制誓以死清君側書聞人人傳觀士良沮恐即進從諫檢校司

軼事

五十二

徒欲弭其言從諫知可動復言臣所陳繫國大體可聽則宜洗宥滯等罪不可聽則賞不宜妄出安有死寃不申而生者荷祿固辭累上書暴指士良等罪帝雖不能去然倚其言羞自疆自是鬱鬱不樂兩軍毬獵宴會絕矣

唐書潘鎮序傳澤潞傳三世而滅有州五

唐書田悅傳建中二年鎮州李惟岳淄青李納求襲節度不許悅爲請不答遂合謀同叛有詔河東馬燧河陽李芄與昭義軍救伾三節度次狗明二山間未進伾急以紙爲風鳶高百餘丈過悅營上悅使善射者射之不能及燧營

譟迎之得書言三日不解臨沼士且爲悅食燧乃自壺關鼓而東破盧曠戰雙岡禽賊大將盧子昌而殺朝光悅遁保洹水

唐書劉仁恭傳天祐三年全忠自將攻滄州壁長蘆全忠環滄築而溝之內外援絕人相食仁恭求戰不許復從克用乞師使百輩往乃許仁恭以兵三萬合攻潞州降全忠將丁會滄州圍乃解

唐書突厥傳處羅復妻隋義成公主遣使來告則又潛通王世充潞州總管李襲譽擊斬其使取牛羊萬餘處羅迎

軼事

五十三

隋蕭皇后及齊王暕之子正道於竇建德所因立正道爲隋王奉隋後隋人沒者隸之行其正朔置百官居定襄唐書劉悟傳叔父全諒節度宣武器其敢殺署牙將以罪奔潞州王虔休復署爲將被病去還東都拜義成節度使封彭城郡王實封戶五百元和十五年來朝進檢校兵部尙書穆宗立徙昭義軍朱克融亂議者假威名以厭其亂移守盧龍至邢州會王庭湊之變不得入還屯進兼幽鎮招討使卒贈太尉表其子從諫嗣從諫知留後持金幣賂當權者朝議謂上黨內鎮與河朔異不可許詔從諫主留

事起將作監主簿檢校左散騎常侍晉王帝所愛從諫饋獻相望未幾拜節度使昭義自悟時治邢州而人思上黨從諫還治潞悟苛擾從諫寬厚故下益附方年壯思立功六年請入朝文宗待遇加等明年還藩進同中書門下平章事公卿多託以私又見事柄不一遂心輕朝廷有驕色仇士良積怒倡言從諫志窺伺從諫亦妄言清君側因與朝廷猜貳武宗立兼太子太師性奢侈飾居室輿馬無遠略善貿易之算徙長子道入潞歲權馬征商人又熬鹽貨銅鐵收緝十萬賈人子獻口馬金幣即署牙將使行賈州

軼事

五十四

縣所在暴橫沓負責子貸錢吏不應命即愬于從諫欲論奏或遣客游刺故天下怨怒因被病卒從子稹父從素仕右驍衛將軍從諫以爲嗣病甚與妻裴謀令主軍事置大將王協郭誼劉武德劉守義等佐稹秘不發喪敕稹護喪還東都稹不奉詔有詔奪從諫稹官敕諸軍進討大將郭誼與王協始議圖稹使董可武誘稹至北第置酒飲酣即斬首悉取從諫子在襁褓者二十餘并從子積匡周等殺之誅張谷張沿陳揚庭李仲京王渥王羽韓茂章茂實賈庠郭台甄戈十一族夷之軍中素不附者皆殺函稹首送

王宰獻京師告廟社帝御興安門受之稹之死誼斥從諫妻伏夾室收其貲私於已建大廐日望旌節宰相德裕建言稹庸下亂繇誼始及軍窮蹙乃圖稹邀榮不誅無以懲姦臣及兵在境宜悉取逆黨送京師論如法先是有狂人呼於潞市曰石雄七千人至矣從諫捕誅之乃請詔雄率兵如數以入雄至潞縛誼及王協劉公直安全慶李道德李佐堯劉武德董可武等送京師竝誅死杖崔士康殺之白惟信者潞梟將數與雄戰懼不敢降自武鄉殺都將康良佺欲降盧鈞雄遣人召降惟信殺之卒降鈞有詔從諫

軼事

五十五

且死乃署稹軍事宜剖棺暴尸于市三日雄發視面如生一日尙開雄三斬之仇人剔其骨幾盡

唐書突厥傳張瑾兵屯石嶺李高遷屯大谷秦王屯蒲州道瑾未至屯虜已踰石嶺圍并州攻靈州轉擾潞沁李靖以兵出潞州道行軍總管任瓌屯太行瑾戰大谷敗績

唐書沙陀傳開成四年節度使劉沔以沙陀擊回鶻于殺胡山久之伐潞誅劉稹詔赤心率代北騎軍三千隸石雄爲前軍破石會關助王宰下天井台太原軍次榆社與監軍使呂義忠禽楊弁潞州平遷朔州刺史仍爲代北軍使

國昌與黨項戰未決大同川吐渾赫連鐸襲振武盡取其
貨械國昌窮挈騎五百還雲州州不納鐸遂取之克用轉
側蔚朔間衰兵纔三千屯新城鐸引萬人圍之隧而攻三
日不拔鐸兵殺傷甚國昌自州蔚來鐸引去僖宗以鐸領
大同節度畀討國昌六年詔昭義李鈞爲北面招討使督
潞太原兵屯代州幽州李可舉會鐸攻蔚州國昌以一隊
當之克用分兵抵遮虜城拒鈞天上雪士瘁仆鈞衆潰還
代州軍遂亂鈞死于兵黃巢與秦宗權合寇河南四年克
用率河東代北兵將自澤潞下天井關河陽諸葛爽堙井

軼事

五十六

以拒克用乃絲河中濟趨許州合徐汴兵破尙讓于太康
戰西華又破之賊走河南平

唐書僕固懷恩傳懷恩之過潞李抱玉贈以幣馬懷恩答
之俄抱玉表懷恩私有所結廣德初進拜太保

南唐書嗣主保大十有二年劉晏乞師于契丹以寇潞州
天子親征大敗之休兵潞州大饗將士斬敗將樊受能等
七十餘人軍威大振

唐書安祿山傳乃發左藏庫繪帛大募兵以封常清爲范
陽平盧節度使郭子儀爲朔方節度關內支度副大使右

羽林大將軍王承業爲太原尹衛尉卿張介然爲汴州刺史金吾將軍程千里爲潞州長史以榮王爲元帥高仙芝副之馳驛討賊

宋史太祖紀建隆元年六月乙酉伐上黨丁亥筠子守節以城降赦之上如潞辛卯大赦減死罪免附潞三十里今年租秋七月戊申上至自潞

宋史太祖紀開寶元年八月丙寅遣客省使慮懷忠等二十二人率禁軍會潞州二年二月乙亥兩駐潞州三月壬辰發潞州

軼事

五十七

宋史神宗紀熙寧三年秋七月置潞州交子務

宋史五行志乾德二年六月潞州風雹

宋史五行志紹聖三年長子縣麥秀兩岐元符元年青晉潞州荆南府永寧鎮戎軍等一十一處禾合穗

宋史禮志太祖建隆元年七月親征澤潞宴從臣于河陽行宮又宴韓令坤已下於禮賢講武殿賜襲衣器幣鞍馬以賞澤潞之功也

宋史樂志景祐元年乃下太常制四律別詔潞州取羊頭山秬黍上送於官後數月潞州上秬黍照等擇大黍縱累

之檢考長短尺成與太府尺合法乃定

宋史樂志姜夔乃進大樂議於朝夔乃自作聖宋饒歌曲
宋受命曰上帝命平上黨曰河之表

宋史兵志神虎咸平五年選陝西州兵馬立六年又料簡
河東州兵立以西路河東兵之指揮二十六永興六鳳翔
河中忻晉威勝各二太原秦延鄜華各一路州三清邊弩
手永寧代潞晉各二

宋史兵志昔唐澤潞留後李抱真籍戶丁男三選其一農
隙則分曹角射歲終都試以示賞罰三年皆善射舉部內

軼事

五十八

得勁卒二萬既無廩費府庫益實乃繕甲兵爲戰具遂雄
視山東是時天下稱昭義步兵冠於諸軍此近代之顯効
而或謂民兵祇可城守難備戰陣非通論也

三國志魏武紀初袁紹以甥高幹領并州牧公之拔鄴幹
降遂以爲刺史幹聞公討烏丸乃以州叛執上黨太守舉
兵守壺關口遣樂進李典擊之幹還守壺關城十一年春
正月公征幹幹聞之乃留其別將守城走入匈奴求救於
單于單于不受公圍壺關三月拔之幹遂走荊州上洛都
尉王琰捕斬之

陳思王作車帳表欲遣人到鄴市上黨布五十疋作車上小帳帷謁者不聽

宋史石守信傳澤潞平以功加同平章事

宋史高懷德傳李筠叛上黨帝將親征先令懷德率所部與石守信進攻破筠衆於澤州南事平以功遷忠武軍節度檢校太尉

宋史扈彥珂傳幼事王建立以謹厚稱晉天福中建立節制潞州卒遺表薦彥珂

宋史趙贊傳祖德鈞父延壽清泰末晉祖起并門命延壽

軼事

五十九

以樞密使將兵屯上黨德鈞將本軍自幽州來會

宋史郭崇傳後唐清泰中爲應州騎軍都校晉祖割雲應地入于契丹崇恥事之奮身南歸歷鄆河中路三鎮騎軍都校○周世宗立并人侵潞州命崇與符彥卿出固鎮以禦之

宋史向拱傳周祖即位授宮苑使廣順中遷皇城使出監昭義屯軍并人領馬步十五都來侵拱與巡檢陳思讓逆戰於虜亭南殺三百餘人擒百人獲其帥王璠曹海金又敗其軍於壺關師還會征慕容彥超命爲都監○太祖征

李筠拱迎謁至汜水言於上曰筠逆節久著兵力日盛陛下宜急濟大河踰太行乘其未集而誅之緩則勢張難爲力矣帝從其言卷甲倍道趨之筠果率兵南向聞車駕至惶駭走澤州城守遂見擒

宋史張永德傳周祖爲樞密使表永德授供奉官押班乾祐中命賜潞帥常遇生辰禮幣遇周祖之外兄弟也時周祖鎮鄴被讒族其家永德在潞州聞有密詔授遇永德探知其意謂遇曰得非泣殺永德耶永德即死無怨恐累君候家耳遇愕然曰何謂也永德曰姦邪蠹政郭公誓清君

軼事

六十

側願且以永德屬吏事成足以爲德不成死未晚遇以爲然止令壯士嚴衛然所以餽之甚厚

宋史王全斌傳宋初李筠以潞州叛全斌與慕容延釗由東路會大軍進討以功拜安國軍節度

宋史康延澤傳從世宗征劉崇率兵攻遼州轉龍捷右廂都校領岳州防禦使眞拜蔡齊鄭楚四州防禦使晉潞二州兵馬鈐轄

宋史趙普傳車駕征李筠命普與呂餘慶留京師普願扈從太祖笑曰若勝胄介乎從平上黨

宋史吳延祚傳李筠叛延祚白太祖曰潞城崑險且阻太行賊據之未易破也筠素勇而輕若速擊之必離上黨來邀我戰猶獸亡其藪魚脫於淵因可擒矣太祖遂親征以延祚留守東京兼叛開封府筠果領兵來戰澤州南其衆敗走

宋史吳元辰傳初并代澤潞皆分轄戍卒後并於太原至是以元辰臨鎮遂分領澤潞晉絳磁隰威勝七州軍戍事委元辰專總之

宋史張美傳初李筠鎮上黨募亡命多爲不法漸徇疆難制美度筠必叛陰積粟於懷孟閒後筠果叛太祖親討之大軍十萬出太行經費無闕美有力焉

宋史劉廷讓傳從征李筠爲行營先鋒使

宋史曹翰傳宋初從征澤潞還改濟州刺史

宋史劉廷翰傳宋初預平上黨維揚

宋史崔翰傳宋初遷御馬直副指揮使從征澤潞

宋史李萬超傳契丹入中原時萬超以本部屯潞州主帥張從恩將棄城歸契丹會前驍衛將軍王守恩服喪私第從恩即委以後事遁去及契丹使至專領郡務守恩遂無

所預萬超奮然謂其部下曰我輩垂餌虎口苟延旦夕之命今欲殺使保其城非止逃生亦足建勳業汝曹能乎衆皆躍然喜曰敢不唯命遂率所部大譟入府署殺其使推守恩爲帥列狀以聞漢祖從其請仍命史弘肇統兵先渡河至潞見萬超語之曰得復此州公之力也吾欲殺守恩以公爲帥可乎萬超對曰殺契丹使以推守恩蓋爲社稷計爾今若賊害於人自取其利非宿心也弘肇大奇之表爲先鋒馬步軍都指揮使

宋史李至傳會征太原命督澤潞芻糧

軼事

六十二

宋史楊守一傳雍熙中詔護遷雲朔歸附安慶兵屯于潞州

宋史王祐傳太祖征太原已濟河諸州饋集上黨城中車乘塞路上聞之將以稽留罪轉運使趙普曰六師方至而轉運使以獲罪聞敵必謂儲峙不充有以窺我矣非威遠之道也俾能治劇者往蒞其州足矣即命祐知潞州及至饋餉無乏路亦無壅

宋史趙逢傳太祖征澤潞逢從行次河內聞李筠擁兵入寇又慮太行艱險乃妄言墜馬傷足留於懷州駕還京有

密旨除拜逢當草制又稱疾不入太祖謂宰相曰此人得非規避行役者耶對曰誠如聖言遂貶房州司戶

宋史蘇曉傳歷鄆晉潞三鎮判官○及征李筠防又爲潞州東北路計度轉運使澤潞平拜尙書左丞賜銀器綵帛鞍勒馬

宋史馬令琮傳太祖即位出刺懷州李筠叛將親征召三司張美餉兵食美言河內密邇上黨令琮日夜儲蓄以俟王師太祖善之命授團練使執政言令琮方供億大軍不可移他郡故升懷州爲團練以令琮充使又充先鋒都指

軼事

六十三

揮使澤潞平爲昭義兵馬鈐轄踰年被疾詔計歸郡

宋史解暉傳乾德六年詔領所部軍屯上黨從李繼勳略太原開寶九年破太原軍於境上斬首千餘級獲馬三十匹改均州刺史太平興國二年詔於潞州北亂柳石圍中築城名威勝軍以暉爲軍使

宋史郭廷謂傳宋初從征上黨

宋史輔超傳宋初從平上黨

宋史張暉傳宋初從征澤潞爲行營壕砦使先登陷陣事平遷華州團練使在郡頗有治狀建隆二年太原未下詔

入覲問計暉對曰澤潞經李筠之叛瘡痍未復軍旅一興恐人力重困不若戢兵育民俟富庶而後爲謀乃賜襲衣金帶鞍勒馬令還州

宋史姚內斌傳從平李筠

宋史董遵誨傳會李筠叛澤潞令遵誨從慕容延釗討之遷馬軍都軍頭因留之鎮守三年召歸再遷爲散員都慮候

宋史馬仁瑀傳會太原劉崇入寇世宗親征至高平周師不利諸將多引退仁瑀謂衆曰主辱臣死安用我輩乃控

軼事

六十四

弦躍馬挺身出陣射賊斃者數十人士氣益振大軍乘之崇遂敗績世宗至上黨諸將坐失律誅者七十餘人擢仁瑀爲弓箭控鶴直指揮使

宋史徐休復傳淳化元年罷使遷給事中連知青潞二州休復先上言以父母藁葬青社願得領州事因營邱壠至青州踰年但聚財殖貨終不言葬事至潞州數月瘍生於腦旣而疾甚若見王延範休復但號呼稱死罪後數日卒宋史裴莊傳又知潞邢二州

宋史韓國華傳知河陽潞州轉運使言其善綏輯供億幹

辦詔獎之

宋史馬全義傳從征李筠筠退保澤州城小而固攻之未下太祖患之召全義賜食御榻前問計對曰筠守孤城若併力急攻立可殄滅倘緩之適足長其姦爾太祖曰此吾心也即麾兵急擊之全義率敢死士數十人乘城攀堞而上爲飛矢貫臂流血被體全義拔鏃臨敵士氣益奮遂克其城遷虎捷左廂都校領睦州防禦使

宋史馬知節傳大中祥符七年出爲潁州防禦使知潞州天禧初移知天雄軍召拜宣徽南院使樞密院事以疾乞

軼事

六十五

罷除彰德軍留後知貝州兼部署將行眞宗閱其癘瘁止命歸鎮時上黨大名之民已爭來迎謁未幾卒年六十五贈侍中謚正惠

宋史劉用傳歷知齊陳潞三州

宋史田紹斌傳宋初隨崔彥進征李筠攻大會砦破之以功遷龍捷指揮使又敗筠於澤州茶碾村筠退保澤州紹斌鑿濠圍守流矢中左目前軍部署韓令坤以其事聞及太祖召見于潞州紹斌殺晉軍益衆

宋史徐興傳會平澤潞上其功補控鶴軍使

宋史王杲傳宋初征澤潞平揚州杲應選從行

宋史張思鈞傳宋初補龍衛指揮使李繼勳下遼州戰帶甲祠斬首萬餘級追奔至長城擒其將莫山鮑淑掠人騎二百餘俄屯潞州合戰三十餘乾德中以勞秩遷都慮候宋史畢士安傳士安以目疾求解改兵部侍郎出知潞州特加月給之數入爲翰林侍讀學士景德初兼秘書監宋史王曙傳知潞州州有殺人者獄已具曙獨疑之旣而提點刑獄杜衍至事果辨曙爲作辨獄記以戒官吏徙河南府永興軍召爲御史中丞兼理檢使理檢置使自此始

軼事

六十六

宋史葛霸傳端拱初出爲博州團練使歷潞代二州部署宋史郭逵傳知潞州徙太原哲宗立復左屯衛大將軍致仕起知潞州

宋史尹洙傳遷起居舍人直龍圖閣知潞州

宋史孫祖德傳累遷右諫議大夫知河中府歷陳許蔡潞鄆亳州應天府

宋史孫冲傳知河中府徙潞州復爲河東轉運使遷太常少卿擢右諫議大夫復知潞州遷翰林院學士

宋史崔嶧傳就除轉運使歷三司戶部判官河東轉運使

會更錢法潞州民大擾推其首惡誅之人心遂定後爲戶部副使以右諫議大夫爲河東都轉運使遷給事中

宋史張旨傳累遷光祿卿知晉潞二州

宋史李防傳改秘書省著作佐郎通判潞州遷秘書丞○知延州更耀潞二州卒防好建明利害所至必有論奏朝廷頗施行之

宋史范諷傳遷光祿卿知陝州道改潞州

宋史上官正傳會邢州地震民居不安徙正典之移潞州宋史王靖傳擢利州路轉運判官提點陝西刑獄徙河東

軼事

六十七

長子縣賊殺人捕治十數輩不得實皆釋去靖閱其牘曰此真盜也教吏曲折訊囚果服罪

宋史張攷傳出爲寧遠軍節度使知潞州

宋史兼濟傳擢閣門祗候雄霸州界河巡檢徙晉絳澤潞都巡檢使歲饑太行多盜禽二百餘人

宋史王仲寶傳徙澤潞晉絳慈隰威勝軍巡檢使至官才八日獲太行山宿賊八十人累賜金帛緡錢

宋史郭諮傳以西上闔門使知潞州言懷保二郡旁山可以植稻定武唐河抵瀛間可興水田又作鹿角車陷馬槍

請廣獨轅弩於他道詔諮置弩千分給并潞

宋史薛向傳夏將嵬名山以綏州來歸青澗城主种諤將往迎詔向與議諤不俟命亟率所部出塞遂城之廷議劾諤擅興將致法向言諤今者之舉蓋忘身以徇國有如不稱臣請坐之諤既貶向亦罷知絳州再貶信州移潞州

宋史張問傳歷知河陽潞州元祐初爲秘書監給事中累官正議大夫

宋史苗時中傳調潞州司法參軍郡守欲入一囚於死勢不可守怒責甚峻時中曰寧歸田里法不可奪守悟而聽

軼事

六十八

之

宋史朱光庭傳守毫歲餘徙潞州加集賢院學士鄰境旱饑流民入境者踵接光庭日爲食以食之常至暮自不暇食遂感疾猶自力視事出禱兩拜不能興再宿而卒

宋史李琮傳歷相洪潞三州潞有謀亂者爲書期日揭道上部使者聞之懼檄索姦甚亟琮置不問以是日置酒高會訖無他入爲太府卿

宋史梁燾傳出爲集賢殿修撰知潞州辭不拜曰臣本論張舜民不當罷如以爲非即應用此受斥今乃得以微罪

冒美職守劇郡如此則朝廷命令不能明辨曲直以好惡示天下矣不報至潞值歲饑不待命發常平粟振民流人聞之來者不絕燾處之有條人不告病明年以左諫議大夫召甫就道民攀轅不得行踰大行抵河內乃已

宋史李熙靖傳父公弼崇寧初通判潞州以議三舍法不便使者劾其沮格詔令坐削黜以死

宋史李綱傳先是金帥粘罕圍太原守將折可求劉光世軍皆敗平陽府義兵亦叛導金人入南北關取隆德府至是遂攻高平宰相咎綱盡遣城下兵追敵恐倉卒無措急

軼事

六十九

徵諸將已追及金人於邢趙間遽得還師之命無不扼掣比綱力爭復追而將士解體矣

宋史王德傳字子華通遠軍熟羊砦人以武勇應募隸熙帥姚古會金人入浸古軍懷澤間遣德諜之斬一酋而還補進武校尉古曰能復往乎德從十六騎徑入隆德府治執僞守姚太師左右驚擾德弔殺數十百人衆愕眙莫敢前古械姚獻于朝欽宗問狀姚曰臣就縛時止見一夜叉耳時遂呼德爲王夜叉

宋史郭忠孝傳忠孝亟走關陝得勝兵二萬分隸十將擇

一將統之繼遣兵趨澤潞聽宣撫司節制

宋史忠義傳霍安國不知何許人燕山之復以直秘閣爲轉運判官宣和末知懷州靖康元年路允迪奉使至懷表其治狀加直龍圖閣歲中進右文集英殿修撰徙知隆德府未行復留

宋史北漢劉氏世家北漢劉繼元并州太原人祖崇漢祖之弟國仍號漢仍稱乾祐元年以子鈞爲太原尹崇卒鈞襲位周恭帝命太祖北征至陳橋驛衆推戴太祖即位鈞與契丹兵皆遁去是夏李筠以上黨叛令判官囚監軍周

軼事

七十

光遜等送於鈞稱臣求援鈞自至太平驛與筠會遣其宣徽使盧贊將騎數千隨筠入寇又遣其河陽節度范守圖援之及太祖親討前軍石守信高懷德破筠衆於澤州獲守圖殺鈞兵數千鈞之沙谷砦又爲折德辰所破斬首五百級九月昭義李繼勳率師入鈞平遙虜獲甚衆建隆二年冬繼勳又敗鈞兵斬首百餘級獲其遼州刺史傅廷彥弟勳以獻三年二月鈞侵晉潞二州守將擊走之○繼恩本姓薛父釗娶崇女晉初爲護聖營卒漢祖典禁兵以釗崇壻釋其籍館門下漢祖後領方鎮爵位通顯釗罕得見

其妻居常怏怏一日乘醉求見即引佩刀刺妻妻奮衣得脫釗乃自剄繼恩時尙幼漢祖令鈞養爲子遂冒姓劉八月太祖詔伐繼恩以內客省使盧懷忠等二十二人將禁兵赴潞州昭義節度李繼勳爲行營前軍都部署侍衛步軍都指揮使党進副之宣徽南院使曹彬爲都監棣州防禦使何繼筠爲前鋒部署懷州防禦使康延沼爲都監建雄軍節度趙贊爲汾州路部署絳州防禦使司超副之隰州刺史李謙溥爲都監九月繼勳敗繼恩軍于洞渦河北漢世家附傳衛融青州博興人劉崇稱帝授中書侍郎

軼事

七十一

平章事太祖立李筠據上黨遣使降劉鈞鈞自將兵至太平駙與筠會遣宣徽使盧贊入潞州監筠軍贊與筠不協鈞遣融和解之會筠敗融被擒太祖責之曰汝何故勸劉鈞舉兵助李筠反耶融曰犬吠非其主臣四十口受劉氏豐衣美食不忍負之陛下縱不殺臣臣亦不爲陛下用終當間道走河東爾太祖怒令左右以鐵搥擊其首曳出將戮之融大呼曰大丈夫死或重于泰山或輕于鴻毛今之死正得其所爾太祖聞之曰此忠臣也遽命釋之召坐御前以良藥傅其創賜襲衣金帶鞍勒馬

宋史周三臣傳李筠并州太原人周祖起兵入汴筠同郭崇從與慕容彥超戰于留子陂彥超東奔廣順初權知滑州俄真拜義成軍節度數月改彰德軍節度會并人侵晉州王峻率師往拒筠亦請西征詔褒之又乞免黃澤關商稅奏可周祖征竟還次濮筠因朝獻馬賜襲衣金帶從至澶宴訖遣還及召潞州常思入朝命筠權知軍府思改宋亳以筠爲昭義軍節度三年加檢校太傅時王峻兼節制以筠及王殷何福進皆創業功臣故並加恩焉顯德初周祖親郊加同平章事世宗即位并人入侵其將張暉率先

軼事

七十二

鋒自團白谷入營梁侯駟攻刦堡柵所至焚略盪盡筠遣護軍穆令均率步騎二千拒之令均營于太平駟駟東南距潞八十里失于偵邏暉凌晨奄至潞兵被甲介馬暉見之佯退潞兵追之并伏遂發令均且鬪且却步卒降并者數百人騎不復者百人餘衆還保潞世宗親征沁州降之命筠率沁之行營兵赴太原符彥卿戍州口拒契丹援兵彥卿請益師詔筠與張永德以三千騎益之旣至以偏師遶契丹後奮擊走之師還加兼侍中二年筠破并軍於榆社獲其將安濬康超等七十餘人三年筠遣行軍司馬范

守圖率兵入遼州界殺并卒三百餘獲小校數人以獻四年又遣守圖入河東界降二砦五年筠自將入石會關破并人六砦是冬又破遼州長清砦擒其磁州刺史李戴興以獻俄又敗并人于境斬三百餘級六年平遼州獲刺史張丕且等二百四十五人以獻筠在鎮擅用征賦頗集亡命嘗以私忿囚監軍使世宗心不能堪乃詔責而亡恭帝即位加檢校太尉是秋令裨將劉繼忠將兵與吐渾入并境平賈家砦斬百餘級獲牛羊而還太祖建隆初加兼中書令遣使諭以受周禪筠即欲拒命左右爲陳曆數方俛

軼事

七十三

俛下拜貌猶不恭及延使者升階置酒張樂遽索周祖畫像懸壁涕泣不已賓佐惶駭告使臣曰令公被酒失其常性幸勿爲訝及太原劉鈞以牒書結筠共舉兵筠雖緘書上太祖心已畜異謀太祖手詔慰撫之是時筠子守節爲皇城使嘗泣諫筠不聽太祖又遣守節諭旨曰吾聞汝諫汝父汝父不聽吾今殺汝何如汝歸語汝父我未爲天子時任自爲之旣爲天子獨不能臣我耶守節白筠筠謀愈甚遂起兵令幕府爲檄書辭多不遜從事閭丘仲卿獻策于筠曰公以孤軍舉事其勢甚危雖倚河東之援亦恐不

得其力大梁兵甲精銳難與爭鋒不如西下太行直抵懷孟塞虎牢據洛邑東向而爭天下計之上也筠曰吾周朝宿將與世宗義同昆弟禁衛皆舊人間吾之來必倒戈歸我况有儋珪搶撥汗馬何憂天下哉儋珪筠愛將有勇力善用搶撥汗筠駿馬日馳七百里故筠誇焉執監軍亮州防禦使周光遜閑廐使李廷玉遣判官孫孚衙校劉繼忠送于劉鈞求濟師又遣人殺澤州刺史張福往據其城劉鈞遂率兵與契丹數千衆來援至太平驛筠以臣禮迎謁見鈞兵衛寡弱甚悔之而業已然矣鈞封筠西平王賜馬

軼事

七十四

三百匹召與之語筠自言受周祖大恩敢愛死不寤鈞與周祖有世讐鈞默然遂疑之命其宣徽使盧贇監筠軍筠心不能平頗與贇不協鈞復命平章事衛融和解之筠有馬三千匹關鞠場閱習日夜謀畫爲寇畱其子守節守上黨引衆南向太祖遣石守信高懷德將兵討之敕曰勿縱筠下太行急進師扼其隘破之必矣又遣慕容延釗王全斌由東路會守信與監軍李崇矩破筠衆于長平斬首三千級又攻大會砦下之太祖遂親征山路險峻多石不可行太祖先于馬上負類石羣臣六軍皆負之即日平爲大

道與守信懷德會破筠衆數萬于澤南降者三千餘殺筠
監軍使盧贇擒筠河陽節度范守圖筠走還保澤太祖至
列柵圍之筠龍捷使王廷魯吐渾留後分州團練使王全
德率所部自昭義來降筠益失援太祖親督拔其城筠赴
火死獲筠相衛融鈞懼而遁歸太祖進伐上黨守節以城
降釋其罪賜襲衣金帶銀鞍勒馬是日宴從官守節預焉
以爲單州團練使以昭義軍節度使副使趙處愿爲郢州
刺史節度判官孫孚爲屯田郎中觀察判官史文通爲水
部郎中前遼州衙內指揮使馬廷禹爲右監門衛將軍領

軼事

七十五

壁州刺史筠性雖暴事母甚孝每怒將殺人母屏風後呼
筠筠趨至母曰聞將殺人可免乎爲吾曹增福爾筠遽釋
之筠稍知書頗好調諠初名榮避周世宗諱將改之或令
名筠筠曰李筠李筠玉帛云乎哉聞者皆笑筠有愛妾劉
氏隨筠至澤時被攻城危劉謂筠曰城中健馬幾何筠曰
爾安問此劉曰孤城危破蹙在俄頃今誠得馬數百與腹
潰圍出保昭義求援河東猶愈于坐待死也筠然之召左
右計馬尙不減千匹以是夕將出或謂筠曰今帳前計議
皆云一心縣門旣發不可保矣儻劫公而降悔其可及筠

猶豫不決明日城陷筠將赴火劉欲俱死筠以其有娠麾令去守節既購得之果生子焉

遼史太宗紀初圍晉安分遣精兵守其要害以絕援兵之路而李從珂遣趙延壽以兵二萬屯團栢谷范延廣以兵二萬屯遼州幽州趙德鈞以所部兵萬餘由上黨趨延壽軍合勢進擊知此有備皆逗遛不進從珂遂將精騎三萬出次河橋親督諸軍然知其不救但日酣飲悲歌而已○兵度團栢谷以酒肴祀天地俄追及德鈞父子乃率衆降次潞州召諸將議皆請班師從之

軼事

七十六

遼史穆宗紀十年夏五月漢以潞州歸附來告秋七月己亥朔宋兵陷石州潞州復叛漢使來告

遼史聖宗紀七年五月封皇姪宗範昭義軍節度使

金史太宗紀天會四年二月宗翰定威勝軍攻下隆德府金史宣宗紀貞祐三年八月東平益都太原潞州置元帥府四年十月河南行省胥鼎遣潞州元帥左監軍必蘭阿魯帶以軍一萬孟州經略使徒單百家以軍五千由便道濟河趣關陝自將平陽粗兵援京師命樞府督軍應之○興定元年十二月甲辰朔大元兵攻潞州都統馬甫死之

○六月苗道潤所部軍請隸潞州元帥府詔河北行省審處之○九月以戶部尙書納合蒲刺都爲元帥右監軍行元帥府事于潞州○十月大元兵徇絳潞○十一月大元兵收潞州元帥右將軍納合滿刺都參議官修起居注王良臣死之○元光元年七月上黨公完顏開復澤州

金史哀宗紀正大元年九月樞密判官移刺蒲阿復潞澤獲馬千疋○六年八月移刺蒲阿再復澤潞

金史突合速傳宗翰南伐至潞還太原猶未下卽留完顏銀木可總督諸軍經略其地於是宋援兵大至○潞州復叛宋兵號十七萬骨朮突合速拔離速皆被圍突合速麾軍士下馬力戰遂潰圍而出

金史移刺成傳用廉擢同知延安尹再遷昭義軍節度使○會海陵庶人死軍還復鎮昭義大定二年以廉在優等改河中尹再除臨洮尹

金史盧庸傳累官鳳翔沼中大安三年徵陝西屯田軍衛中都以庸簽三司事主兵食至潞州放還屯田軍庸改乾州刺史

金史王蔚傳起爲昭義軍節度使明昌元年爲南京留守

致仕卒

金史李晏傳復起爲昭義軍節度使明昌六年歸老

金史王賁傳弟質字敬叔登大定二十五年進士第累官吏部主事以才幹舉遷昭義軍節度副使章宗問質臨事若何張萬公對曰勝其兄賁章宗曰及其兄亦可矣後以禮部尙書致仕終

金史田琢傳字器之蔚州定安人中明昌五年進士調寧邊荏平主簿潞州觀察判官

金史必蘭阿魯帶傳澤州舊隸昭義軍近年改隸孟州阿軼事

七十八

魯帶奏澤州城郭堅完器械俱備若屯兵數千臣能保守之今聞議遷于青蓮寺山寨距州旣遠地形狹隘所容無幾一旦有急所保者少所遺者多徒棄名城以失太行之儉則沁南昭義不通聞矣詔澤州復隸昭義軍

金史蒲察移刺都傳兵潰被執貞祐二年與降兵萬餘人俱脫歸遷隆安府治中賜銀百兩重幣六端遙授信州刺史有功遷蒲與路節度使兼同知上京留守事進三階改知隆安府事

金史胥鼎傳又言河東兵革之餘疲民稍復然丁牛旣少

莫能耕稼重以亢旱蝗螟而餽餉所須徵科頗急貧無依者俱已乏食富戶宿藏亦爲盜發蓋絕無而僅有焉其憔悴亦已甚矣有司宜奉朝廷德意以謀安集而潞州帥府遣官于遼沁諸郡搜括餘粟懸重賞誘人告奸州縣憚帥府鞭箠械繫所在騷然甚可憐憫今大兵旣去惟宜汰冗兵省浮費招集流亡勸督農士彼不是務而使瘡痍之民重罹茲苦是兵未來而先自敝也願朝廷亟止之如經費果闕以恩例勸民入粟不猶愈於強括乎○又言河東兩路農民寢少而兵戍益多是以每歲糧儲常若不繼臣切

軼事

七十九

見潞州元府帥雖設鸞爵恩例然條目至少米盡勸誘之術故進獻者無幾宜增益其條如中都時仍許各路宣撫司俱得發賣庶幾多獲貯儲以濟不給○又言比者朝廷命擇義軍爲三等臣即檄所司而路帥必蘭阿魯帶言自去歲初置帥府時已按閱本軍去其冗者部分旣定上下旣親故能所向成功此皆血戰之餘屢試可者且又父子兄弟自相赴援各顧其家心一而力齊勢不可離今必析之將互易而不相諳矣國家糧儲常恐不繼豈容僥冒但本府兵不至是耳况潞州北卽爲異境日常備戰事務方

殷而分別如此彼居中下者皆將氣挫心懈而不可用慮恐因得測吾虛實且義軍率皆農民已各散歸田畝趨時力作若徵集之動經旬日農事廢而歲計失矣乞從本府所定無輕變易臣切是其言時阿魯帶奏亦至詔遂許之○既而鼎聞大兵已越關乃急上章曰臣已奉詔先遣潞州元帥左監軍必蘭阿魯帶領軍一萬孟州經略使徒單百家領兵五千由便道濟河以趨關陝臣將親率平陽精兵直抵京師與王師相合

金史許古傳古上章曰願令腹心之臣及閑于兵事者各

軼事

八十

舉所知果得真才優加寵任則戰功可期矣如河東宣撫使胥鼎山東宣撫使完顏弼涿州刺史內族從坦昭義節度使必蘭阿魯帶或忠勸勇幹或重厚有謀皆可任之以扞方面

金史甲石倫傳石倫奏向者并汾旣破兵入內地臣謂必攻平陽平陽不守將及潞州其還當由龍州谷以入太原故臣嘗請兵欲扼其歸路朝廷不以爲然旣而皆如臣所料

金史移剌蒲阿傳正大六年八月丙申蒲阿再復潞州

金史苗道潤傳有詔道潤與移剌鈇哥合兵撫定河北令諸道兵互相應援既而道潤與賈全賈瑀互相攻擊詔道潤賈同王福武仙賈瑀分畫各路元帥府控制之彰德衛輝招撫司隸樞密院賈瑀既與道潤相攻已而詐爲約和道潤信之遂伏兵刺殺道潤朝廷不能問一軍彷徨無所依提控靖安民乞權隸潞州行元帥府聽其節制時興定二年也右丞侯摯乞以保蠡完三州隸直定而蠡州舊受移次衆家奴節制一旦改隸直定恐因而交爭靖安民等願隸潞州乃令河北行審省處之經略副使張柔奏賈瑀

軼事

八十一

攻易州寨殺刺史馬信及其裨校奪所佩金符而去頃之張柔攻賈瑀殺之道潤既死靖安民代領其衆是後乃封建矣○以昭義軍節度使完顏開爲上黨公

金史張開傳興定三年充潞州招撫使林州元帥府徒潞人實林州既復遣還開乞隸晉安元帥府或與林州並置元帥府各自爲治十月開以權昭義軍節度使遙授孟州防禦使權元帥左都監行元帥府事與郭文振共復太原四年封上黨公以澤潞沁州隸焉五年詔復以涉縣爲崇州從開請也

金史王佐傳大元兵取青龍堡佐被獲署霍州守將隸元帥崔環質其妻子招撫使成天祐與環有隙佐與天祐謀殺環天祐曰君妻子爲質奈何佐曰佐豈顧家者邪元光二年七月因環出獵殺之率軍民數萬請命加龍虎衛上將軍元帥右監軍兼知平陽府事佐與平陽公史詠素不協請徙沁州王女寨詔從之仍令聽上黨公完顏開節制是歲七月救襄垣中流矢卒贈金吾衛上將軍以其子爲符寶典書

金史從坦傳興定二年十月從坦上奏太原已破行及平

軼事

八十二

陽河東郡縣皆不守大抵屯兵少援兵不至故耳行省兵不滿六千平陽河東之根本河南之藩籬也乞併懷孟衛州之兵以寔潞州調澤州沁水端氏高平諸兵並山爲營爲平陽聲援惟祈聖斷以救倒懸之急是月壬子大元兵至平陽提控郭用戰于城北濠垣被執不屈而死癸丑城破從坦自殺贈昌武軍節度使

金史李通傳海陵恃累世彊盛欲大肆征伐以一天下民不堪命盜賊蠡起大者連城邑小者保山澤遣護衛普連二十四人各授甲士五千人分往山東河北河東中都節

路節鎮州郡屯駐捕捉盜賊以護衛頑犀爲定武軍節度副使尙賢爲武安軍節度副使蒲甲爲昭義軍節度副使皆給銀牌使督責之

金史完顏元宜傳天德三年詔凡賜姓者皆後本姓元宜復姓耶律氏歷順義昭義節度使復爲兵部尙書勸農使元史太祖紀七年命皇子朮赤察合台窩闊台爲右軍循太行而南取保遂安肅安定刑洺磁相衛輝懷孟掠澤潞遼沁平陽太原吉陽拔汾石嵐忻代武等州而還

元史成宗紀大德六年諸王小薛所部三百餘戶散處鳳軼事

翔以潞州田二千八百頃賜之

元史仁宗紀皇慶元年賜李孟潞州田二十頃

元史文宗紀天歷元年十月也先鉄木兒兵至潞州

元史文宗紀至順二年四月潞州潞城縣大水

元史順帝紀至正四年八月郭火你赤上太行由陵川入壺關至廣平殺兵馬指揮復還益都

元史順帝紀至正十四年秋七月甲子潞州襄垣大風拔木偃禾

元史順帝紀至正十七年閏九月乙丑潞州陷○十一月

壬寅賊侵壺關察罕帖木兒大破之

元史順帝紀至正十八年九月察罕帖木兒調虎林赤關保同守潞州拜察罕帖木兒陝西省平章政事便宜行事元史順帝紀至正二十七年是歲詔分潼關以西扃李思齊以東扃擴廓帖木兒各罷兵還鎮于是關保退屯潞州商高留屯潼關

元史順帝紀至正二十八年二月丙辰擴廓帖木兒自澤州退守晉寧關保守澤潞二州與貊高軍合

元史五行志順元年閏七月奉元西和州寧夏應理州鳴

軼事

八十四

沙州鞏昌靜寧邠會等州鳳翔麟遊大同山陰晉寧潞城隰川等縣隕霜殺稼

元史五行志泰定四年六月潞霍綏德三州旱

元史五行志至正五年十二月庚戌潞州襄垣縣有火墜於東南

元史五行志至正二十五年秋密州安丘縣潞州汴梁許州及鈞州之密縣淫雨害稼

元史五行志至元十九年晉寧潞州交壺關襄垣三縣皆蝗食禾稼草木俱盡所至蔽日礙人馬不能行填坑塹皆

盈饑民捕蝗以爲食或曝乾而積之又罄則人相食

元史五行志至正十四年七月甲子潞州襄垣縣大風拔木偃禾

元史百官志河中府襄陵翼城潞州隰州澤州雲州等局七每局各設提領一員副提領一員惟澤州雲州則止設提領一員

元史裕宗傳辟楊仁風于潞州馬紹于東平復辟楊恭懿置省中議事

元史木華黎傳歲丙寅太祖即皇帝位賜大駕所建九旂

軼事

八十五

大旗仍諭諸將曰木華黎建此旗以出號令如朕親臨也乃建行省于雲燕以圖中原戊寅自西京由大和嶺入河東攻太原忻代澤潞汾霍等州悉降之遂徇平陽金守臣棄城遁

元史塔思傳庚寅秋九月判將武仙圍潞州太宗命塔思救之仙聞之退軍十餘里大丘未至塔思率十餘騎覘賊形勢仙恐有伏不敢犯塔思曰日暮矣待明日擊之是夜五鼓金將移刺蒲瓦來襲我師與戰不利退守沁南賊還攻潞州城陷主將任存死之冬十月帝親征遣萬戶因只

吉台與塔思復取潞州仙夜遁邀擊之斬首七千餘級以任存姪代領其衆

元史察罕帖木兒傳至正十八年山東賊分道犯京畿朝廷徵四方兵入衛詔察罕帖木兒以兵屯涿州察罕帖木兒即留兵戍清湫谷屯潼關塞南山口以備他盜而自將銳卒往赴召而曹濮賊方分道踰太行焚上黨掠晉冀陷雲中鴈門代郡烽火數千里復大掠南且還察罕帖木兒先遣兵伏南山阻隘而自勒重兵屯聞喜絳陽賊果走南山縱伏兵橫擊之賊皆棄輜重走山谷其得南還者無幾

軼事

八十六

乃分兵屯澤州塞碗子城屯上黨塞吾兒谷屯并州塞井徑口以杜太行諸道賊屢至守將數血戰擊却之河東悉定進陝西行省右丞兼陝西行臺侍御史同知河南行樞密院事○二十一年諜知山東羣賊自相攻殺而濟寧田豐降于賊六月察罕帖木兒乃興疾自陝抵洛大會諸將與議師期發并州軍出井徑遼沁軍出邯鄲澤潞軍出磁州懷衛軍出白馬及汴洛軍水陸俱下分道竝進而自率鉄騎建大將旗鼓渡孟津踰覃懷鼓行而東○二十八年天子又下詔削奪擴廓帖木兒爵邑令諸軍共誅之其將

士官吏効順者與免本罪惟孫翥趙恒罪在所不赦二月
擴廓帖木兒退守于平陽而關保遂據潞澤二州以與
高合

元史史天倪傳辛巳金懷州元帥王榮潞州元帥裴守謙
澤州太守王珍皆以城降

元史劉伯林傳木華黎上其功賜名馬二十四匹錦衣一襲
戊寅同攻下太原平陽巳卯破潞絳及火山聞喜諸州縣
元史趙天錫傳歲辛巳從征上黨以功授冠氏令

元史王守道傳史天倪爲河北西路兵馬都元帥鎮真定
軼事
八十七
既收大名澤潞懷孟城邑之未附者以爲府經歷及金恒
山公武仙降署爲史天倪副帥

元史鄭鼎傳初爲澤潞遼沁千戶

元史張九思傳立詹事院以九思爲丞遂舉名儒上黨宋
道保定劉因曹南夾谷之奇東平李謙分任東宮官屬

元史馬紹傳馬紹字子卿濟州金鄉人從上黨張播學

元史尉遲德誠傳父鼎仕至潞州知州

元史儒學傳段直字正卿澤州晉城人至元十一年署置
潞州元帥府監軍

元史列女傳崔氏周朮忽妻也丁亥歲從朮忽官平陽金將來攻城克之下令官屬妻子敢匿者死時朮忽以使事在上黨崔氏急即抱幼子楨以詭計自言于將將信之使軍吏書其臂出之崔氏曰婦人臂使人執而書非禮也以金賂吏使書之紙吏曰吾知汝誠賢婦然令不敢違令崔自揅袖吏懸筆而書焉既出有言其詐者將怒命追之崔與楨伏土窖三日得免既與朮忽會未幾朮忽以病亡崔年二十九卽大慟楳前誓不更嫁斥去麗飾服皂布弊衣放散婢僕躬自紡績悉以資產遺親舊有權貴使人諷求

軼事

八十八

娶轍自爬毀其面不欲生四十年未嘗妄言笑預吉會治家教子有法人比古烈婦云

元史工藝傳孫威渾源人幼沈鷲有巧思金貞祐間應募爲兵以驍勇稱及雲中來附守帥表授義軍千戶從軍攻潞州破鳳翔皆有功善爲甲嘗以意製蹄筋翎根鎧以獻太祖親射之不能徹大悅

搜神後記晉元熙中上黨馮述爲相府吏將假歸虎牢忽逢四人各持繩及杖來赴述策馬避馬不肯進四人各捉馬一足倏然便到河上問述欲渡否述曰水深不測旣無舟楫如何得渡君正欲見殺爾四人云不相殺當持君赴官遂復捉馬脚涉河而北述但聞波浪聲而不覺水垂至岸四人相謂曰此人不淨那得將去時述有弟喪服深恐鬼離之便當溺水死乃鞭馬作勢徑得登岸述辭謝曰旣蒙恩德敢復煩勞

宋王灼碧雞漫志夜半樂唐史云明皇自潞州還京師夜

軼事



八十九

半舉兵誅韋皇后製夜半樂還京樂二曲樂府雜錄云明皇自潞州入平內難半夜斬長樂門關領兵入宮後撰夜半樂曲今黃鍾宮有三臺夜半樂中呂調有慢有近拍有序不知何者爲正王沿傳子鼎性猜忌其行部至於藥餌皆手自扃鑪至潞州入義館疾作不知人事左右遑遽發藥益悉無題識莫敢進以迄于卒

宋史

王荆公患喘藥用紫團山人參不可得時薛師政自河東還適有之贈公數兩不受人有勸公曰公之疾非此藥不可治疾可憂藥不足辭公曰平生無紫團參亦活到今日

竟不受

墨客揮犀

山西潞城縣民病不服藥亦無醫縣南十餘里有盧醫山
上有盧醫廟廟皆石壁石柱石瓦遠近病者持香燭楮錢
詣廟通籍貫述病緣用黃紙空包壓香爐下禱畢紙包角
動開視得紅丸者入口病即愈白丸者淹纏數日可愈病
不起者無藥再四瀆焉即與黑丸服之亦死無益也廟門
夜有二黑虎守之傍晚即相戒不敢上山矣山頂有風洞
口不甚大而深不可測土人旱則往祈風夏秋旱則祈西
北風冬春旱則祈東南風亦用香燭福物向洞拜禱取其

軼事

九十

方之士而供之風至雨亦隨至金公初任潞城並詳言之
述異記

呂坤字叔簡寧陵人萬歷甲戌進士知襄垣大同二縣歷
刑部侍郎

明詩綜

松圓詩老程嘉燧字孟陽休寧人萬歷戊午故人方方叔
令長治要之入潞居三年從方叔入燕

寄園寄所寄

從駕登太行山詔問蹟曰何處有羊腸坂蹟對曰臣按漢
書地理志上黨壺關縣有羊腸坂帝曰不是又答曰臣按
皇甫士安撰地書云太原北九十里羊腸坂帝曰是也

牛弘定樂奏慕容垂破慕容永于長子盡獲符氏舊樂
開元初潞州常敬忠十五明經擢第數年之間遍能五經
上書自舉并云一遍能誦千言勅付中書考試燕公問曰
學士能一遍誦千言能十遍誦萬言乎對曰未曾自試燕
公遂出一書非人間所見也謂之曰可十遍誦之敬忠依
命危坐而讀每遍畫地記讀七遍起曰此已誦得燕公曰
可滿十遍敬忠曰若十遍即是十遍誦得今七遍誦得何
要滿十燕公執本臨試觀覽不暇而敬忠誦之已畢不差

軼事

九十一

一字見者莫不嘆羨卽日聞奏恩命引對賜綠衣一副兼
賞禮物一作袍笏拜東宮衛佐仍直集賢侍講毛詩百餘日中
三度改官特承眷遇爲儕類所嫉中毒而卒封氏聞見記



類別軼

事

頁	數	行	字	數	誤	正
二	三	四十	二	三	都	二
全	五	十	郁	長	不	郁
三	二	末	要	疏	門	要
四	六	遺下四十	疏	得	田	疏
三十	六十	十二	門	得	沖	門
五十	一	五十	得	田	龍	得
全	三	五十	田	沖	使	全
六十	十	九	沖	龍	千	六十
七十	六十	遺下二	龍	使	間	七十
八十	三	四	使	千	梁	八十
三	十	五	千	間	李	三
二	十	三	間	梁	慊	二
四	六	二十	梁	李	資	四
九	六	遺下八	李	慊	用	九
三	四	九十	慊	資	岡	三
三	十六	遺下七	資	用	又	三
全	十	遺下八	用	岡	蔚	全
五	十四	九	岡	又		五
四	七	二十	蔚			四
七	十四	三				七
四	四	二				四
六	五	十				六

勘誤表

二

類別軼

事

頁	數	行	字	數	誤	正
三	一	八十	計	一	許	三
六	六	末	慮	六	虞	六
六	四	一	上全	四	上全	六
九	一	二	冒	一	冒	九
四	八	九	類	八	數	四
七	十	十	破	十	破	七
七	全	遺下字一未	心	全	心	七
上	四	八	監	四	監	上
全	六	二	澤	六	澤	全
八	三	一	險	三	險	八
七	十	六	帥	十	帥	七
九	一	九	各	一	各	九
一	九	十	省	九	省	一
二	八	末	節	八	節	二
八	四	八	後	四	後	八
三	二十	十	交	二十	交	三
全	七十	五	交	七十	交	全
四	上全	一	鐵	上全	鐵	四
八			及		及	八
六			鐵		鐵	六

